











# শ্রীকৃষ্ণ

পৌরাণিক দৃষ্টকাব্য

আর্ট থিয়েটার লিমিটেডের তত্ত্বাবধানে

ষ্টার রজমঞ্চে অভিনীত

প্রথম অভিনয়-রজনী—শনিবার ১লা জ্যৈষ্ঠ, ১৩৩৩

## শ্রীঅপরেশচন্দ্র মুখোপাধ্যায়

গুরুদাস চট্টোপাধ্যায় এণ্ড সন্স্

২০৩/১১, বর্ণওয়ালিস্ স্ট্রীট, কলিকাতা



প্রকাশক  
 আবুল কালাম আজাদ  
 উল্লেখ্য প্রকাশনা ১৩ নং  
 ২০৭/১১ ফণ্ডেশনাল ট্রাষ্ট  
 কলিকাতা

তৃতীয় সংস্করণ  
 [ সর্বস্বত্ব সংরক্ষিত ]


প্রকাশক আবুল কালাম আজাদ  
 উল্লেখ্য প্রকাশনা ১৩ নং  
 ২০৭/১১ ফণ্ডেশনাল ট্রাষ্ট, কলিকাতা

୩୮—୬୪

## ଶ୍ରୀକୃଷ୍ଣାର୍ପଣସ୍ତୁ

ନାରାୟଣଂ ନମସ୍କୃତ୍ୟ ନରକୈବ ନରୋଚ୍ଚୟମ୍ ।

ଦେବୀଂ ସରସ୍ବତୀଂ ବ୍ୟାସଂ ତତ୍ତୋ ଜୟୟୁର୍ଦ୍ଦୀରୟେଂ ॥





# নাট্যোল্লিখিত ব্যক্তিগণ

## পুরুষ

বলরাম, শ্রীকৃষ্ণ, ব্যাসদেব, ভীষ্ম, বিশ্বামিত্র, নারদ, কণ্ণ, কংস,  
উগ্রসেন, বসুদেব, জরাসন্ধ, নন্দ, দ্রোণাচার্য্য, অশ্বখামা,  
সাত্যকি, অক্রুর, সারথি, বৃদ্ধ যাদব, কৃতবর্মা, যজ্ঞী,  
বিহুয়, অনিরুদ্ধ, ধৃতরাষ্ট্র, দুৰ্য্যোধন, দুঃশাসন,  
ধৃষ্টদ্যুম্ন, শিশুপাল, শকুনি, যুধিষ্ঠির, ভীম,  
অৰ্জুন, নকুল, সহদেব, জরাসন্ধের  
যজ্ঞী, দৌবারিক, সঞ্জয়,  
প্রভীহারি, চেকিতান,  
সারণ ও শাষ প্রভৃতি  
যদুবালকগণ, জরা  
ইত্যাদি

## স্ত্রী

প্রমিথি, অস্তি, দেবকী, যশোদা, রাবিকা,  
গান্ধারী, দ্রোণদী, কল্মশী, সুভদ্রা,  
সত্যভামা ইত্যাদি

---

সময় সংকেপার্থ—অতিদীর্ঘকালে কোন কোন অংশ পরিষ্কৃত হইয়া থাকে ।

# শ্রীকৃষ্ণ

## প্রথম অঙ্ক

### প্রথম দৃশ্য

বৃন্দাবন—যমুনাতীর ; কাল—অপরাহ্ন

[ নোকায় গীত গাহিতে গাহিতে ব্রজাঙ্গনাগণের প্রবেশ ]

কার ভুবন-ভোলা রূপের আলোর

হাসছে কাল জল,

ওলো ও কালিন্দী, তোর মনের কথা খুলে বল্ ।

কাণে কাণে কি সে কথা,

মরম ঢালা গোপন ব্যথা,

শোনাস্ এত সোহাগ শুনে ক'রে ডেউয়ের ছল !

সে কি লুকিয়ে তোরে ভালোবেসেছে,

না, ভুলিয়ে শুধু আশায় রেখেছে,

বুঝে স্বখে দিস্‌লো ধরা—

নয় তো সার হবে শেষ নয়ন জল ॥

প্রথমা । সূর্য্য পাটে ব'সতে আর দেবী নেই, আমাদেরই দেখছি দেবী হয়েছে । শ্রীমতী কুঞ্জ সাজিয়ে ব'সে আছেন । আজ অমাবস্তায় রাসলীলা—বা কখনো হয়নি ।

দ্বিতীয়া । পৌর্ণমাসীই তো রাসে মিলন করান ; অমাবস্তায় রাস—এ যে নতুন দেখছি ভাই ।

তৃতীয়া। যেখানে কৃষ্ণচন্দ্র, সেইখানেই পূর্ণচন্দ্র। যেখানে শ্রীরাধা  
সেইখানেই পূর্ণিমা! রাসের কি সময়-অসময় আছে? আজ প্রা-  
ভ'রে ফুল তুলেছি, মালা গেঁথেছি। উজ্জান বেয়ে আসতে দেবী হ'য়েছে  
চল, যুগল চাঁদের চরণে ফুলের অঞ্জলি দিইগে। [ সকলের প্রস্থান

[ গীত গাহিতে গাহিতে রাখাল বালকগণের প্রবেশ ]

গ্রাম, কি হুরে তুই বাজাস্ মোহন বাঁশী ?

পাগল-করা রেশটীরে তার—

যমুনার কূলে কূলে লহর তুলে সদাই বেড়ায় ভাসি।

তোর মোহন হুরের সাড়া পেয়ে,

সাঁঝের তারা ঐ যে চেয়ে,

ফুলের গায়ে লুটিয়ে পড়ে বিমল চাঁদের হাসি।

(ওরে) কি মাধুরী তোর কাল বরণে,

প্রাণটা বাঁধা যুগল চরণে,

মন সদা চায় সকল ভূলে তোরে-ই ভালোবাসি ॥

[ প্রস্থান।

শ্রীকৃষ্ণ ও বলরামের প্রবেশ

বলরাম। ধনুর্ঘোষ নিমন্ত্ৰণে এসেছে অক্রুর ;

কহ ভাই,

সত্য ছেড়ে যাবে বৃন্দাবন ?

শ্রীকৃষ্ণ। কবে মিথ্যা ব'লেছে রসনা

কহ সত্যাত্মরী অগ্রজ আমার ?

বলরাম। তবু মোহ।

শ্রীকৃষ্ণ। মোহনাশ দর্শনে তোমার ;

মোহের অতীত তুমি ;

কেন হও বিশ্বরণ,

বিশ্বব্যথা করিতে বারণ  
করিয়াছ আকার ধারণ ?  
মানি দূর করিতে ধরার,  
অধর্মের করিতে বিনাশ  
ধরিয়াছি নরের আকার,  
কহ আর কতদিন বন্ধ রব মোহে ?

বলরাম । ভাবি,

অবোধ রাখাল কেমনে ধরিবে প্রাণ !  
আহা ! নিতান্ত সরল,  
কৃষ্ণ বিনা নাহি জানে কিছু ;  
ব্রজাঙ্গনা বিরহে শুকাবে,  
জননী বশোদা হবে উন্মাদিনী,  
পিতা নন্দ নিরানন্দে ষাগিবে জীবন—  
কহ ভাই,

এ ব্যথা কেমনে স'ব ?

শ্রীকৃষ্ণ । ক্ষুদ্র ব্যথা তাসাইব ব্যথার সাগরে ।

ব্যথায় জীবন, ব্যথায় প্রকাশ তার ;  
ব্যথিতের সুরে মিলাইব প্রাণ  
বিশ্বব্যথা করিতে বারণ !

বলরাম । তবে বাল্যখেলা আজি অবসান ?

শ্রীকৃষ্ণ । বাল্য ভিত্তি, যৌবন আশ্রিত বার ;  
নহে শেষ, নহে অবসান ।

সুতপান ছলে পুতনা নিধন,  
উদুধলে যমল অর্জুন ভেদ,  
অথ বকাসুর বধ,

শৃঙ্গধর ক্রাক্সস বিনাশ,  
 কালীয় দমন,  
 ইন্দ্রের শাসন গোবর্দ্ধন করিয়া ধারণ,  
 ব্যাঘ্রভয় নিবারণ ব্রজে,  
 করিয়াছে ভবিষ্য নির্দেশ ।  
 দেখ দেব, জ্ঞান-দৃষ্টি দানে,  
 ঘরে ঘরে পুতনা বিচরে,—  
 অনাচার নাম যার,  
 অনায়াসে বংশের ছললে নাশে !  
 হিংসা—কাল নাগ  
 সদা করে বিষ উদ্দিগরণ ;  
 নরব্যাঘ্র বিচরে নির্ভয়ে,  
 দুর্বল মানব ক্রীড়া-মৃগ তার ;  
 ইন্দ্র তুল্য রাজেন্দ্র প্রবল  
 কুতূহলে করে শোণিত বর্ষণ ;  
 অসুরে আচ্ছন্ন ভূমি !  
 বাল্যলীলা অঙ্গুলি সঙ্কেতে  
 দেখায় গন্তব্য পথ,  
 কার্য্যক্ষেত্র উন্মুক্ত সম্মুখে ।

বলরাম । আজি যেতে হবে ?

শ্রীকৃষ্ণ । হের ওই অন্তগামী রবি—

অন্ধকার সম্মুখে আমার,  
 অন্ধকার গ্রাসিছে মেদিনী,  
 অন্ধকারে লইব বিদায়  
 নাশিতে আঁধার ঘোর ।

নন্দ, যশোদা ও অক্রুরের প্রবেশ

যশোদা । অকস্মাৎ এ কি বজ্রাঘাত !

একি শুনি নিদারুণ বাণী,

তুই নাকি যাবি মথুরায় ?

শ্রীকৃষ্ণ । সত্য যাহা শুনিয়াছ মাতা !

নন্দ । বৎস !—

শ্রীকৃষ্ণ । পিতা, বুঝিয়াছি মনোভাব তব ।

কিন্তু তাত, প্রণমি' চরণে মাগি হে বিদায়,

হও হে সদয়, নিবারণ কোরোনা আমারে ।

বাঁধা আছি স্নেহডোরে,

মায়াডোরে নাহি বাঁধ আর ।

নন্দ । কিন্তু বাঁচিবে কি জননী তোমার ?

যশোদা । ওরে, বধি' মোরে যা রে যথা ইচ্ছা তোর ।

শ্রীকৃষ্ণ । মাতা, সম্বর রোদন ;

উচ্চ তুমি, ক্ষুদ্র শোক তোমারে না সাজে !

যাব মথুরায়,

কিন্তু সত্য কহি—যেথা যাই, যেথা রহি,

বৃন্দাবন যাবে সাথে সাথে !

বাহিরে বিশ্বের হৃদে করিব ভ্রমণ,

অন্তরে আমার

বিরাজিবে নিত্য বৃন্দাবন !

যাবে তুমি জননী আমার—স্নেহের আধার,

আঁধার করিয়া দূর

অগ্রে অগ্রে দেখাইয়ে পথ ;

সঙ্গে পিতা নন্দ গোপেশ্বর আদর্শ জনক ;

সহ সহচর  
 ব্রজের রাখাল যাবে ল'য়ে ধেমুপাল ;  
 নৃপুরে তুলিয়া রোল  
 ব্রজাঙ্গনা যাবে পাশে পাশে ;—  
 যমুনা ধরিবে তান,  
 কেকারবে ময়ূর ডাকিবে,  
 কদম্ব ফুটিবে, অগ্নির গুঞ্জন  
 মিশাইবে বাঁশরীর তানে !  
 প্রেমে উছোধন,  
 প্রেমে হবে ব্রত উদ্‌ঘাপন ;  
 শিখাইতে নরে প্রেমের মহিমা  
 বৃন্দাবন ত্যজি'  
 একশদ নাহি যাব কভু ;  
 বৃন্দাবন—বৃন্দাবন চিরসাক্ষী মোর !

যশোদা । তবে মথুরায় যেতে কেন সাধ ?

শ্রীকৃষ্ণ । মথুরায় সূচনা কার্যের ;  
 ডাকে নর কাতর অন্তর,—  
 মাতা, স্থির না রহিতে পারি ;  
 ছুট করে সাধুর পীড়ন,  
 অত্যাচার—অত্যাচার চারিদিকে,  
 চারিদিকে জাহি জাহি রব,  
 নীরবে সহিতে নারি আর !  
 চারিদিকে নারী-নির্যাতন,—  
 নারী শিরোমণি তুমি,  
 বুঝ ব্যথা নিজপ্রাণে মাতা !

চির নিরাপদ জননীর অঙ্গে  
পুত্রে রাখি' নাহি জাগ ;  
রাজাদেশে গুপ্ত শত্রু করে চারিতিতে  
বধিতে শিশুর প্রাণ !

বুঝ মাতা,  
কংস-ভয়ে নিজে সহিয়াছ কত  
আমার কারণ !  
আজি যদি মোহে অন্ধ হ'য়ে  
যেতে নাহি দাও মোরে,  
বল, কে করিবে  
নিখিলের জননীর সম্মান রক্ষণ ?  
কে মুছাবে মা'র আঁধিজল ?  
আদর্শ জননি !  
হাসি মুখে পুত্রে কর আশীর্বাদ ;  
লয়ে অল্পমতি তব  
জগতের ব্যথা করি দূর ।

যশোদা । গৌরব আমার ! বুঝি সব—  
কিন্তু বৎস, বোধেনা মান্নের প্রাণ ।

অক্রুর । যশোমতি, খেদ নাহি কর ।  
মোহ দূর কটাক্ষে বঁহার,  
পুত্ররূপে পাইয়াছ তাঁরে !  
বাও গৃহে—

মানসিক কর আরোজন  
কার্য শেষে হবে পুনঃ আনন্দ মিলন ।

যশোদা । ওরে, শত্রুরূপী অক্রুর সাধিল বাদ !



প্রভু, অন্ধকার নেহারি ভুবন,  
নয়নের আলো কালো মোর যাবে মথুরায় ।

ওরে—ব্রজপুরে নাহি কিরে কেহ

গোপালে রাখিতে পারে ? [ যশোদার প্রশ্নান ।

নন্দ । উন্মাদিনী ধায় জ্ঞানহারী !

বুঝিতে না পারি,

কৃষ্ণহারী রাণী বাঁচিবে কি প্রাণে ? [ নন্দের প্রশ্নান ।

শ্রীকৃষ্ণ । তাত, হারা কর আয়োজন,

বিলম্বে অনর্থ হবে ।

বাও ভাই, লয়ে এস রথ,

আছি ব'সে পথ পানে চাহি' ।

[ অক্রুর ও বলরামের প্রশ্নান ।

লো যমুনে !

ধীরে—ধীরে তোলা তান ।

রঙ্গময়ি !

ফেনিল তরঙ্গ ভঙ্গে

হৃদয়ের দ্বারে

আর ঢেলোনা সঙ্গীত ধারা ।

পুলিনে তোমার, প্রতি রেণু মাঝে

আছে স্মৃতি জড়িত মরমে;

প্রাণ ল'য়ে খেলা,

প্রাণ দিয়ে প্রাণচুরি কত !

নীল বক্ষে তব—প্রথম যে দিন

আচম্বিতে দেখিলাম বিদ্যুৎ বিকাশ,—

কনক-বল্লরী রাধা খেলে কুতূহলে,

নয়নে নয়নে কথা নিষ্পন্দ পলকে,  
অর্ধে অর্ধে পূর্ণের মিলন,—  
নূতন জীবন—  
মৃত্যু মাঝে অমৃতের উৎসের সন্ধান,  
পরিপূর্ণ প্রাণ—  
বিশ্বের রহস্য-জ্ঞান  
উদ্ঘাটিত সন্মুখে আমার !

( নেপথ্যে শ্রীরাধার গীত )

আলোক নিভিল—চলে গেল সে !  
দুগ-যামিনী যাপি কেমনে  
সইরে, মরম ব্যথা বুঝিবে কে !  
আর কি আসিবে  
আর কি ডাকিবে,  
আলোক জ্বালিবে অঁধারে !

একি করুণ ক্রন্দন রোল  
তরঙ্গে তরঙ্গে আসে,  
তরঙ্গে তরঙ্গে ভাসে !  
লো যমুনে, চঞ্চলা প্রকৃতি গতি,  
খুলে লও মাধুরী শৃঙ্খল,  
গতি রুদ্ধ ক'রনা আমার !

[ প্রস্থান ।

শ্রীরাধা ও বৃন্দার প্রবেশ

শ্রীরাধা । চ'লে গেল ? সত্যই চ'লে গেল ? আমরা আসছি দেখে  
চ'লে গেল ? যাবার সময় একটা কথাও ব'লে গেল না ? এমনি নির্ভর !  
সই ! সই !

বৃন্দা । চল কেঁদে গিয়ে পারে ধরি !

শ্রীরাধা । কোন্ দোষে দোষী ? কৈ, কিছুতো মনে হয় না ! ঐ যে—ঐ যে—রথে উঠছে ! আমায় ফেলে চ'লে যাচ্ছ ? দাঁড়াও—দাঁড়াও, একবার শেষবার দেখি ; একটী কথা কও । বৃন্দা, বৃন্দা, আজ আমার সব কুরোল ! (মূর্ছা)

বৃন্দা । সহ—সহ !

### দ্বিতীয় দৃশ্য

স্থান—মথুরা প্রাসাদের অগ্নিদ

[ কংস একাকী বেড়াইতেছিলেন ]

কংস । দোখিতেছি দৈব বলবান্ ।  
নহে—দেবকীর গর্ভজ সন্তান  
কেমনে বাঁচিল এত দিন ?  
কে আছ ওখানে ?

প্রতিহারীর প্রবেশ

অজুর কি ফেরেনি এখনো ?  
প্রতি । না প্রভু ! তাঁর রথ এখনো নগরে প্রবেশ করেনি ।

কংস । বাও । [ প্রতিহারীর প্রস্থান

কারারুদ্ধ করেছি জনকে ;  
দেবকীর বিবাহের দিনে,—  
উৎসবে উন্নত সবে,  
নিজ হস্তে অশ্বরুদ্ধ ধরি'  
সারথী রথের ;

নববধু সহোদরা মোর—শ্মিত মুখ,  
 পার্শ্বে স্বামী যছ্যেষ্ঠ বহুদেব,  
 আনন্দের উচ্চ রোল মাঝে  
 শুনিছ আকাশ বাণী,—  
 ‘মম যম ধরিবে জঠরে,  
 আদরিণী ভগিনী আমার !’  
 অজ্ঞাতে আবদ্ধ মুষ্টি শিথিল হইল,  
 রথরজ্জু পড়িল খসিয়া,  
 ‘একুটি উঠিল ফুটি’ কুটিল নয়নে ;  
 কোষমুক্ত করি’ তরবারি,  
 নারীবধে উদ্ভত যখন,  
 বহুদেব নিবারিল মোরে ।  
 কিবা দুর্বলতা,  
 মোহাচ্ছন্ন করিল ক্ষণেক !  
 গত বহুদিন,  
 কিন্তু আজো ভুঞ্জি বিষময় ফল তার ।  
 শুনি নন্দ-গোপ গৃহে  
 লুকায়ে রাখিল গ্রাণ ভাগিমেয় মোর ।  
 সত্য কি সে শমন আমার ?  
 কি হেতু বিলম্ব এত বৃদ্ধিতে না পারি !  
 কে আছিল ?

প্রতিহারীর পুনঃ প্রবেশ

প্রতি । প্রভু !

কংস । এখনো আসেনি রথ ?

প্রতি । না প্রভু ; মহামুনি নারদ এসেছেন ।

কংস । ( স্বগত ) নারদ ! কিবা প্রয়োজনে ?

( প্রকাশ্যে ) যথাবিধি পূজা ক'রে তাঁকে এখানে পাঠিয়ে দাও ।

[ প্রতীহারীর প্রস্থান ।

ব্যর্থ হবে বজ্র আয়োজন ?

অতৃপ্ত ভোগের মাঝে

কালফণী অহরহ লকলকে বিষ-জিহ্বা তার,

আতঙ্কে শিহরে শ্রাণ !

কার তরে বসি সিংহাসনে ?

কতদিন অস্তিত্ব আমার ?

কার তরে সহোদরা নির্ঘাতন,

জনকে পিঞ্জরে রাখি ?—

আম্মন দেবর্ষে, প্রণাম চরণে ।

নারদের প্রবেশ

কহ মহাভাগ

আসিয়াছ কোন্ কাজে ?

নারদ । রাম-কৃষ্ণকে আনতে অকুর বৃন্দাবনে গেছে, আর স্বর্গে দেবতাদের সভা ব'সেছে । তোমার ভয়ে দেবতারা তো নিশ্চিন্ত নন ! সেই সভায় আমিও উপস্থিত ছিলাম ।

কংস । আপনি কামচর, আপনি কোথায় অনুপস্থিত বলুন ?

নারদ । তুমি উগ্রসেনকে কারারুদ্ধ ক'রেছ ব'লে সকলে তোমার নিন্দা করে ; বলে, পুত্র হ'য়ে পিতাকে কারারুদ্ধ করা নিতান্ত অস্বাভাবিক । কিন্তু দেব-সভায় যা শুনলুম, তাতে বুঝলুম যে, এ কার্য তোমার উপযুক্তই হয়েছে ।

কংস । কেন ?

নারদ । কারণ, উগ্রসেনের সঙ্গে তোমার কোন সম্বন্ধ নেই ।

কংস । সম্বন্ধ নেই !

নারদ । না, উগ্রসেন তোমার জনক নন ।

কংস । সে কি ! উগ্রসেন আমার পিতা নন ?

নারদ । না ; সৌভগতি হৃদাস্ত তেজস্বী দানব-শ্রেষ্ঠ ক্রমিল তোমার পিতা ।

কংস । ঋষি তুমি, সত্যাশ্রয়ী, চির সত্যব্রত,

তাই বুঝিতে না পারি,

দেবর্ষির মূর্তি ধরি’

আজি কি হে মহাকাল এসেছে ছলিতে !

উগ্রসেন নহে জনক আমার ?

নারদ । না ; তুমি তাঁর ক্ষেত্রজ সন্তান । বহুদিনের কথা, উগ্রসেনের মূর্তি ধরে দানব ক্রমিল তোমার জননীকে প্রতারিত করেন ; তারই ফলে তোমার জন্ম ; আর দানবের অংশে জন্ম বলেই তুমি মহাবলবান্ ; মর্ন্ত্যে কি দেবলোকে তোমার প্রতিদ্বন্দ্বী কেউ নাই ।

কংস । ক্রমিল ! ক্রমিল জনক মোর !—

নহে উগ্রসেন ? কহ ঋষি, কি কহিলে ?

জারজ দুর্মদ কংস !

বঞ্চিত সে জগত্তের শ্রেষ্ঠ পরিচয়ে ?

কলঙ্কিতা জননী আমার !

তাই স্বভাবে দলিয়া পায়

ভ্রমি এ ধরায় ;—

কিস্বা করি স্বভাবের আদেশ পালন ;—

ছিন্ন করি’ সমাজ বন্ধন

পূজা করি' দুর্লভ্য স্বভাব,—আকর আমার !

মুখ উগ্রসেন !

সর্পশিশু করেছ পালন,

বক্ষ মাঝে আদরে দিয়েছ তারে স্থান ;

কি বিচিত্র সে যদি দংশন করে !

নারদ । আমি সকল কাজ ফেলে সর্বাগ্রে তোমাকে এই সংবাদ  
দিতে এসেছি ।

কংস । হিতকারী তুমি ঋষি,

কিন্তু অতি অসময়ে আগমন তব ।

পূর্বে যদি দিতে সমাচার,

দেবকীর শত অনুনয়

নিবারিতে নারিত সঙ্কল্প মোর ।

কেবা ভয় করিত শ্রীকৃষ্ণে ?

প্রতিহারীর পুনঃ প্রবেশ

প্রতি । মহামতি অক্রুরের সঙ্গে রাম-কৃষ্ণ দুই ভাই মথুরায় এসেছেন ।

কংস । আজি সমাদরে পুরে দেহ স্থান  
কালি প্রাতে রক্তহর্ষে করিয়া আহ্বান  
যথাযোগ্য করিব সৎকার !

প্রতি । যথা আজ্ঞা । [ প্রতিহারীর প্রস্থান ।

নারদ । যাক্, নিশ্চিন্ত ; তাহ'লে আমিও আসি । ( স্বগত )  
অর্জেক তেজ তো আমিই হরণ ক'রে গেলেম । কু ( একাগ্রে ) এইবার  
নির্মম হ'য়ে যথাকর্তব্য কর ।

কংস । প্রশমি চরণে ঋষি,

আনিও হে দেববৃন্দে কালি মথুরায় ;

জীবনের ক্রটি যাঁহা,

কালি রণক্ষেত্রে সংশোধন করিব উল্লাসে !

[ নারদের প্রস্থান ।

অপূর্ণ নরের জ্ঞান,

অজ্ঞানতা শমন তাহার,

রহে মৃত্যু মোহ-অস্তুরালে !

জারজ—জারজ আমি !

পূর্বে কেন জানিনি রহস্য ?

কেন পিতৃহত্যা ভগ্নীহত্যা করিনি তখন ?

প্রাপ্তির প্রবেশ

প্রাপ্তি । তুমি এখনো এখানে বেড়াচ্ছ ? কাল যজ্ঞ, রাত্রি হ'য়েছে  
ব্রাহ্ম বিশ্রাম ক'রবে এস ।

কংস । এই রাত্রি, আর কাল সূর্যোদয়—এর মধ্যে কতটুকু সময় ?  
বিশ্রাম কতক্ষণ ক'রবে ?

প্রাপ্তি । এ কি ! তোমার মুখ এমন মলিন কেন ? ললাটে  
চিন্তার রেখা কেন ?

কংস । তোমার চোখের ভ্রম ।

প্রাপ্তি । না না, এ তো ভ্রম নয় ; তোমায় তো এমন বিমর্ষ কখনো  
দখিনি । কি হ'য়েছে ?

কংস । জীবনের ধারা বদলে গেছে । বিশ্রাম ? বিশ্রাম ক'রবে  
গল যজ্ঞ অস্তে ;—

কিন্তু যদি হয় অন্তরূপ,

বিরূপ নিয়তি যদি

করে মোরে যজ্ঞের আহুতি—



প্রাণি । বিপরীত চিন্তা হেন কেন কর স্বামী !

বীর তুমি,

চির অজ্ঞেয় সমরে ;

দেব-নরে সমকক্ষ নাহি কেহ তব ;

কি বিশ্ব ঘটিবে নাথ ?

কে হইবে বাদী ?

কে বল হে হিমাদ্রি চালিবে,

সাগর শুষিবে,

যুঝিবে কংসের সনে ?

যজ্ঞ ভঙ্গ কে করিবে তব ?

কংস । এতদিন ছিল এ ধারণা,

আজি সংশয় জেগেছে মনে ।

অপূর্ণ আপন কৰ্ম্ম দ্রাকুটী সঙ্কেতে,

ক্ষণে ক্ষণে আলোকের মাঝে

ধরে অন্ধকার যবনিকা তার !

তাই মনে হয়,

যদি পড়ি রণক্ষেত্রে কালি,

আমি কংশ দ্রুমিল-নন্দন—

প্রাণি । সে কি ? কিবা कह ?

কেবা সে দ্রুমিল ?

কি সম্বন্ধ তার সনে ?

কংস । দুঃশ্চেত বন্ধন !

শুন সতি,

সত্য যদি সত্যী তুমি,—

( কেবা জানে প্রকৃতি নারীর ! )

সত্য যদি ক'রে থাক এক-পতি সেবা  
জ্ঞানে বা অজ্ঞানে,  
শুন তবে জরাসন্ধ-সুতা,  
শুনিতে শুনিতে ঘুণায় না ফিরাও বদন,—  
নহি আমি উগ্রসেন-সুত,  
ক্রমিল জনক মোর ;  
দেবর্ষি নারদ দিলা মোরে সমাচার ।

প্রাপ্তি । হ'তে পারে মিথ্যা এ সংবাদ ।

কংস । নহে মিথ্যা, নহে মিথ্যা,  
সত্যাত্মীয় দেবর্ষি নারদ মিথ্যা নাহি কহে ।  
নহে মিথ্যা—

নগ্নসত্য প্রত্যক্ষ আমার কার্যে !  
করিয়াছি ভগিনীর সপ্তশিশু নাশ,  
করিয়াছি কারারুদ্ধ  
উগ্রসেনে জনক জানিয়া !

প্রাপ্তি । তাই যদি হয়, আমি তোমার মাহুঘও দেখি না, আর  
কিছু দেখি না ; আমার কাছে তোমার দেবস্ব কিছুতেই স্ক্রম নয় ।

কংস । যদি প্রতারণা নাহি হয় ইহা,  
কর পণ,  
কালি যদি পড়ি রণস্থলে,  
প্রতিশোধ লবে তুমি তার ।

প্রাপ্তি । ক্ষত্রসুতা আমি,  
বীরজায়া—বীরের ঘরণী ;  
শুন স্বামী,  
মিথ্যা নহে বাণী ;

ভাগ্য যদি করে প্রতারণা,  
প্রতিহিংসা হবে মোর জীবনের ব্রত ।  
কিন্তু সে কথা এখন থাক ;  
এস প্রভু, ক্লান্ত তুমি চিন্তার প্রহারে,  
বঞ্চিত কোরোনা মোরে সেবায় তোমার ।

কংস । দ্বন্দ্ব করে মানবে দানবে !  
মাতা নারী, জনক দানব,  
ক্ষত্রহতা তুমি বনিতা আমার,  
কালি প্রাতে  
দেবতা বিস্মিত হবে  
হেরি স্বরূপ কংসের !

[ উভয়ের প্রস্থান ]

### অস্তির প্রবেশ

অস্তি । তুমি তো আমার কথা শুনবে না—কখনো শোন না । নারদ  
বলেন ভগবান্ যুদ্ধার্থী হয়ে এসেছেন । ভগবান্ কি মানুষ হন ? আমাদের  
মত তাঁর দেহ হয় ? আমাদের সুখ-দুঃখ কি তিনি বোঝেন ? নারদ  
বলেন, শ্রীকৃষ্ণ ভগবান্ । ঋষি—তাঁর কথাতো মিথ্যা নয় । কি হবে ?  
ভগবানের সঙ্গে যুদ্ধে কে আমার স্বামীকে রক্ষা ক'রবে ? আমি ভয়ে  
তাঁকে বারণ ক'রতে পারব না । ভগবান্ শুনেছি দীনের ব্যথা বোঝেন ;  
আমার চেয়ে আজ দীন কে ? আমার ব্যথা কি তিনি বুঝবেন না ?  
আমি কাঁদি, ভগবান্কে ডাকি । দিদি আমার কথা শুনবে না, স্বামী  
আমার কথা শুনবেন না—ভগবান্ কি শুনবেন না ?

[ প্রস্থান । ]

## তৃতীয় দৃশ্য

মথুরা—কারাগার

[ কাল—রাত্রি । বাহিরে বৃষ্টি ও বজ্রাঘাত ]

বসুদেব ও দেবকী

বসু । প্রাণ অঁধারে হেরি আবরিত ধরা,  
বরে বারি করি-করাকারে !  
আজি জাগে মনে  
ভাদ্র কৃষ্ণ অষ্টমীর নিশি—  
জ্ঞানহারা তুমি সতী,  
সন্তোজাত শিশুপুত্র শোভে অঙ্ক'পরে,—  
দেবকী । আর তুলোনা সে কথা ।

বল প্রভু,  
আর কতদিন সব এ যাতনা,  
কতদিন আশায় রাখিব প্রাণ ?  
বসু । নাহি মৃত্যু,  
আছে চিন্তা, অভাগার জীবনের সাথী ।  
শুনিলাম দৈববাণী—  
“বসুদেব,  
স্বরা রেখে এস তনয়ে তোমার,  
যমুনার পার—নন্দ-গোপ গৃহে ।”  
না জানি কি মায়ার প্রভাবে  
কারাগার উন্মুক্ত হইল,  
মন্ত্রমুগ্ধ অচেতন প্রায়  
এমনি নিশীথে  
শিশুপুত্রে বকে ধরি' বাহিরিহু পথে ।

দেবকী । কেন ডাকিলে না মোরে ?  
 কেন বাদ সাধিলে আমার সনে ?  
 কেন চাঁদমুখ দরশনে বঞ্চিত করিলে ?  
 আমি অভাগিনী,  
 বৃথা জঠরে ধরিয়া তারে—  
 পুত্রমুখ নাহি হ'ল দেখা !

বসু । অশনি ঝলক জালিল আলোক  
 চক্রে জল,  
 বক্ষে মোর নীলকান্তমণি,  
 উষবারি মিশিল কালিন্দী-জলে,  
 শৃগালে দেখালে পথ,  
 হইল যমুনা পার,  
 নন্দগৃহে রেখে এল সর্বস্ব আমার ।  
 সেই মুখকান্তি ভাতে  
 নিরানন্দ প্রাণে এই দিবস যামিনী ;  
 তারি আশে রাখি প্রাণ  
 যদি কভু পুনঃ পাই দেখা,  
 নহে এতদিন রহি কি জীবিত ?

দেবকী । আর পারি না সহিতে,  
 আর পারি না শুনিতে ।  
 ওই গৃহতলে ক্ষুদ্র ছলল আমার—  
 ওই স্মৃতিকা আগারে, মাতৃগর্ভ ছাড়ি'  
 করেছিল ক্রণেক বিজ্রাম ;  
 ওই গৃহ পূজাগৃহ মোর—  
 বাহ্যিতের আশার মন্দির ;

যাই—বুক দিয়ে পড়ি থাকি সেথা ।

চির ভাগ্যহীনা, দেখিনি সে মুখ ;

হায় !

ধ্যানে কিছা করনায়

সে ছবি আঁকিতে নারি ।

[ দেবকীর প্রস্থান ।

বসু । চমৎকার ভাগ্যের বিধান ।

হেরিহু জীবন ঘোর ঘনাবৃত

দুর্ভেদ্য আঁধার,

কতু রবিরশ্মি না ফুটিল তাহে !

নেপথ্যে }  
শ্রীকৃষ্ণ । } পিতা !

বসু । একি !

কে করিল পিতৃ সন্ধান ?

কই—জন্মাবধি শুনিনি এ রব !

ছয় পুত্র একে একে

ওই শিলাতলে দেছে প্রাণ,

নীরবে দেখেছি

নির্ঝাক সন্তান মোর

আর্দ্রশ্বরে তাজেছে পরাণ !

অশ্রুট ভাষায়

পিতা ব'লে ডাকেনি তো কেহ !

আজি কে এল ছলিতে !

পিতা বলি' ডাকে কোন্ জন !

অতৃপ্ত শ্রবণ-পথে অমৃতের ধার

ঢালে কোন্ দয়াদ্রু হৃদয় ! কেবা তুমি ?  
 অন্ধকারে দেখিতে না পাই তোমা ;  
 কহ শিশু-রক্তে সিক্ত শিলা,  
 এতদিন পরে রসনা কি কুটেছে তোমার ?  
 প্রস্তর হৃদয়ে তব  
 ব্যথা কি জেগেছে আজি,  
 তাই করুণায় ডাক পিতা বলি' ?

### শ্রীকৃষ্ণের প্রবেশ

শ্রীকৃষ্ণ । পিতা ! পিতা !  
 বহু । ডাক—ডাক—ডাক আর বার ! পিতা—পিতা  
 শুষ্ক প্রাণ, শুষ্ক হের শ্রবণ আমার,  
 শুষ্ক নয়নের নীর,  
 শুষ্ক শিলাতলে, এই লৌহ কারাগারে  
 বাৎসল্য রসের স্রোত  
 ভাঙ্গি বাঁধ অবাধে বাহিয়া যাক !  
 বহুবর্ষ দেখিনি আলোক,  
 কারাগারে ব'য়ে যাক আলোর প্রবাহ ;  
 সার্থক হউক আজি  
 চিরব্যর্থ নিষ্ফল জীবন !  
 ওরে কেরে মোর ব্যথার ব্যথিত,  
 লহ মোর সর্ব্ব অশীর্বাদ,  
 শুধু পিতা ব'লে ডাক আর বার !

শ্রীকৃষ্ণ । পিতা !  
 প্রলয় ঝঞ্ঝার মাঝে—

কংস ভয়ে আকুল পরাণে,  
 সন্তোজাত শিশুপুত্রে  
 দিয়েছিলে যেই আলিঙ্গন,  
 উত্তপ্ত পরশ তার  
 বর্ষের বিচ্ছেদে আজো যায়নি মিলায়ে ।  
 পিতা, দেখ চেয়ে—  
 দেখ ওগো যাদব তপন !  
 আমি বিন্দু-প্রতিবিন্দু তব,  
 নতমুখে কৃতাজলিপুটে দাঁড়িয়ে সন্মুখে—  
 যাচি পিতৃ পদধূলি, যাচি আশীর্বাদ,  
 নন্দ-গোপ গৃহে পালিত দুলাল তব ।

বন্দ্য । দেবকী ! দেবকী ! কোথা আছ ছুটে এস—  
 একা নারি ভুঞ্জিতে এ স্বাদ !  
 নিত্য ধ্যানে মুদিত নয়নে  
 হেরি যেই চাঁদ-মুখ, দেখ—  
 সে চাঁদ উদয় আজি অন্ধ-কারাগারে !  
 ওরে, কি ব'লে ডাকিব তোরে ?  
 মোর কাছে নামহীন তুই !  
 বৎস—বাছা—দুলাল আমার—  
 পুত্র—পিতার গৌরব—  
 বংশের নরক-ত্রাণ—আম্ন বক্ষমাঝে !  
 ওরে লোহদণ্ড কি কঠিন ব্যবধান এই—  
 প্রসারিত বক্ষ বাহ—  
 কিন্তু স্পর্শিতে না পারি তোরে,  
 ওরে মোর আনন্দ বিগ্রহ !



শ্রীকৃষ্ণ । পিতা ! কোথা লোহ ?  
 পিতৃনেহে পাশাণে প্রবাহ বহে  
 হের, লোহদ্বার ধরিয়াছে বাষ্পের আকার !  
 বক্ষমাঝে হের দেব,  
 বন্ধ আলিঙ্গনে নন্দন তোমার,  
 পিতৃনেহে বঞ্চিত রাখাল !

( আকাশ হইতে পুষ্প-বৃষ্টি )

বসু । পুষ্প-বৃষ্টি করে দেবগণে,  
 বাহিরে পুষ্পের ভ্রাণ,  
 রেহপুষ্প প্রস্ফুটিত অন্তরে আমার,  
 কি সৌরভ তার,  
 জ্ঞানহারা করিল নিমেষে !  
 ওরে বক্ষ মাঝে বক্ষনিধি,  
 সর্ব সস্তাপ বারণ ।  
 একি তৃপ্তি, একি মোহ,  
 একি মেহ, একি হর্ষ, জাগ্রত পুলক !  
 কোন্ স্বর্গে—কোন্ অচ্যুত-অলকানন্দে  
 ব্রহ্মাকর-কমণ্ডলু মাঝে  
 ছিল লুকায়িত মন্দাকিনী ধারা এই—  
 অতুলনা রসের প্রবাহ,  
 নিমজ্জিত করিল আমারে !  
 দেবকী ! দেবকী ! কার ধ্যান কর আর ?  
 এস—দেখ—  
 ধ্যানাতীত পরম সম্পদ,

অতীন্দ্রিয় যাহা,  
রূপায় এসেছি ধরি' অভীষ্ট আকার !

দেবকীর প্রবেশ

দেবকী ।   কহ স্বামী !  
শুধ শুনে কেন কীরধারা,  
কেন অজানিত হরষ-পুলকে  
কণ্টকিত কায় ?  
এতদিন পরে সে কি এসেছে আমার ?  
মা ব'লে কি পড়িয়াছে মনে ?  
ওরে কান্দালীর নিধি !  
পাষণ কংসের প্রাণ—  
কিস্ত কোন্ প্রাণে তুই ছিলি তুলে ?

শ্রীকৃষ্ণ ।   মা ! মা !

দেবকী ।   এরি তরে ছিহ্ন বেঁচে ;  
এরি তরে গুরু শৃঙ্খলের ভার  
সহিয়াছি দিবস শরীরী ; এরি তরে  
একে একে দেখিয়াছি ছয় পুত্র নাশ ;  
এরি তরে সহিয়াছি যাতনা ভীষণ ;  
আজি প্রজ্বলিত চিতানলে  
প্রাবনের বারিধারা পড়িল ঝরিয়া,  
নির্দোষিত হতাশন !  
ওরে শোন্—শোন্—সত্য ভাগ্যবতী পুত্রবতী যারা !  
এখন যত্নপি মরি,  
বিন্দুমাত্র খেদ নাহি তার !

শ্রীকৃষ্ণ । মাতা, সম্বর রোদন ;  
 বহু ভাগ্যে পাইয়াছি  
 তোমাদের সম জনক-জননী ।  
 যে দুঃখ পেয়েছ দৌহে  
 পুত্ররূপে লভিয়ে আমারে,  
 দেখ চেয়ে, অত্যাচারী কংসের শাসনে  
 সেই দুঃখ ভুঞ্জি ভারতের নর-নারী—  
 নিরুপায় নীরব রোদনে ।  
 প্রতিগৃহ কংস-কারাগার !  
 বংশের ছলল  
 রাজ কোপে লুকাইয়ে রহে ডরে,  
 মাতৃ অঙ্কে নাহি তার স্থান ;  
 শাসন দুর্ব্বার—  
 নাহি অধিকার  
 হৃদয়ের সত্য ভাষ করিতে প্রকাশ !  
 বিলাস-ব্যসনে মত্ত বলবান্ রাজা,  
 কর্মচারী তার শাৰ্দূল সমান—  
 মেদ পুষ্ট করি' সবে দরিদ্র শোণিতে,  
 পতঙ্গের সম—দুর্ব্বলে চরণে দলে !  
 ব্যভিচার—অনাচার  
 যুগ ধর্ম্মে হের চারিদিকে  
 করে নিজ প্রভুত্ব বিস্তার !  
 বসি' গোপ-গৃহে, নিত্য ধ্যানে  
 কল্পনায় দেখিয়াছি অবস্থা দৌহার ;  
 দেখিয়াছি ভারতের ঘরে ঘরে

পিতা বহুদেব—জননী দেবকী !  
 শুনিয়াছি ব্যোমব্যাপী নিত্য হাহাকার ;  
 তাই ছুটিয়া এসেছি—  
 ল'য়ে পদধূলি  
 ঘোর অত্যাচার এই করিতে বারণ ;  
 তাই সঙ্কোপনে আজি  
 পশি' কারাগারে  
 যুগল দেবতা পদ করিগো অর্চনা ।  
 কর আশীর্বাদ,  
 কালি সূর্য্যোদয়ে  
 নৃপমেধবজ্র যেই করিব সূচনা,  
 যেন বিফল না হয় তাহা ।

বহু ।      কি আর বলিব বৎস,  
 লৌকিক সম্বন্ধে অখিলের পিতা তুমি,  
 পূজার্থী পুত্রের রূপে সম্মুখে দাঁড়ায়ে !  
 স্বেচ্ছায় যে অধিকার দিয়াছ মোদের,  
 তারি বলে করি আশীর্বাদ—  
 ধরার রোদন তার কর নিবারণ,  
 পূর্ণ হ'ক বজ্র আয়োজন !

## চতুর্থ দৃশ্য

[ মথুরা প্রাসাদ—অলিন্দ ।    কাল—প্রত্যুষ ]

কংস ও রাজদূত

কংস ।      মিথ্যা কথা ! অসম্ভব ! ভয় ধরু ?  
 চান্দ্র মুষ্টিক হত ?

শ্রেষ্ঠ মল্লদয়,—  
 সমকক্ষ যার নাহি তুবন ভিতরে,  
 হত বালকের রণে ?  
 সুরামত্ত হেরি তোরে,  
 কহ অর্থহীন প্রাণাপ বচন !  
 যাও ভীক, প্রের অস্ত্র দূতে ।

দূত । প্রভু !

কংস । যাও—

কংস কভু শোনেনি জীবনে  
 পরাজিত মল্ল তার,  
 কিম্বা তার সৈনিক দুর্বল !

[ দূতের প্রস্থান

কংস । দেবকী ! দেবকী !—

কে আছিস্ ?  
 ল'য়ে আয় বনুদেবে,  
 আনু হেথা দেবকীরে ।  
 প্রতারণা করিয়াছে মোর সনে,  
 প্রতিফল দানিব দৌহারে ;  
 থণ্ড থণ্ড করি তনু অর্পিব অনলে !

জনৈক অমাত্যের প্রবেশ

অমাত্য । প্রভু !

মদস্রাবী মদোন্মত্ত সদা  
 ঐরাবত পায় লাজ তুলনায় যার,  
 দস্তিরাজ কুবলয়  
 হিমালয় সদ্‌শ আকার—

কংস । বধিয়াছে গোপাল বালকে ?  
 পাদপিষ্ট দেহ তার পিণ্ডের আকার  
 রক্তভূমে শোণিতকর্দমে লুটে ?

অমাত্য । প্রভু !  
 বাক্য না ঘুয়ায়, ডরে মম কাঁপে কায় !  
 অদ্ভুত বালক প্রবেশিল রক্তভূমে ;  
 প্রশান্ত বদন, সজল জলদ-কাস্তি,  
 ওষ্ঠে হাসি,  
 বালার্ক কিরণ ছটা পঙ্কজ-নয়নে,  
 দিব্যাশ্বরে চারু অঙ্গ বেড়া,  
 ক্ষীণ কটি, স্বচ্ছন্দ সিংহের গতি,  
 আজানুলব্ধিত বাহ—  
 বরাভয় করপুটে,  
 কিশোর দেবেন্দ্র  
 যেন মেঘদল মখি' উদিল ধরায় !  
 অন্তরীক্ষ পুরিল সহসা জয় জয় রবে !

শব্দের আরাব ঘোর পুরিল অলক্ষ্যে দিক—  
 চান্দ্র মুষ্টিক একে একে আগুয়ান্ রণে ।

কংস । ভূমিকার নাহি প্রয়োজন ;  
 কহ—জীবিত কি বালক এখনো ?

অমাত্য । কি আর কহিব স্বামী,  
 অসম্ভব হইল সম্ভব !  
 চক্ষু পালটিতে দৌহারে বধিল শূর—  
 বালক যেমন

অনায়াসে মৃত্তিকা-পুতলী ভাদে !

ক্রোধোন্মত্ত গজরাজ গরজি' ভীষণ

শুও ধরি' বালকে চালিল,—

ক্রীড়াচ্ছলে বালক দুর্ন্দ

উপাড়িয়া দস্ত তার

করিকুন্তে করিল প্রহার ।

ভীষণ চীৎকারে পড়িল ছরস্ত গজ

প্রাণহীন—বিক্ষাগিরি সম !

ভয়ে ভীত সভাস্থ সকলে ।

কংস । আজি দেখি অস্তাচলে রবির উদয়,

গ্রহদল

চির আচরিত পথ করিয়াছে ত্যাগ !

কিস্ত তাহে কিবা আসে যায় ?

মল্ল যুদ্ধে ইন্দ্রে নাহি গণি,

নাহি গণি যক্ষ রক্ষ দেবতা মণ্ডল !

আকর দানব—

পিতৃশৌর্য্য, আজি এস ধারাকারে ;

'ফুর' দানবীয় শক্তি যত বাহ্যুগে মোর ;

দেবতা নরের ত্রাস—

'ফুর' বিভীষিকাময়ী প্রকৃতি করাল ;

কাঠিন্তের লৌহ আবরণে

আচ্ছাদিত কর মাংসপেশী মোর ;

গলিত গৈরিকশ্মাব সম

শোণিত-প্রবাহ বহ ধমনীতে ;

এতদিন পরে সম্মুখে পেয়েছি তারে—

যার তরে ভীক সম করিয়াছি জগহত্যা কত !

আজি জিঘাংসার স্তূতী পিপাসা

মিটাইব প্রাণ ত'রে ! চল মন্ত্রী,

দানব কংসের আজ অসংশয়-গৌরবের দিন !

[ উভয়ের প্রস্থান ।

### পঞ্চম দৃশ্য

রক্তভূমির একাংশ

রাজজ্ঞবর্গ, সভাসদগণ, নাগরিকগণ ইত্যাদি

১ম না। অদ্ভুত ! অদ্ভুত ! আবাল্য অনেক মল্লের ক্রীড়া দেখে  
আসছি, এরূপ বলশালী মল্ল কখনও দেখিনি !

নেপথ্যে। জয় মথুরাপতির জয় ! জয় মহারাজ কংসের জয় !

কংস ও অমাত্যের প্রবেশ

কংস। কোথায় যুগল মল্ল ?

শুনি নাম কৃষ্ণ বলরাম—

গোপ-গৃহে বাস,

গোপ-অঙ্গে বর্দ্ধিত শরীর,

নাহি জানি কি সাহসে আসি' কংস-গুরে

শমনে আহ্বানে রণে !

কোথা গেল ? ভয়ে বুঝি ত্যজিয়াছে স্থান ?

শ্রীকৃষ্ণ ও বলরামের প্রবেশ

শ্রীকৃষ্ণ। বীর কভু শমনে না ডরে ;

আমি কৃষ্ণ সম্মুখে তোমার—

যাচি কৃতাজলি গুটে,



দেহ ভিক্ষা নিষ্ঠুরতা তব,  
চ'লে যাই গোপ-গৃহে পুনঃ,  
উচ্চ রোলে জয় তব করি' উচ্চারণ !

কংস । তুমি কৃষ্ণ ? বনুদেব-সুত ?  
দেবকী-অষ্টম-গর্ভে জনম তোমার !  
পার্শ্বে কেবা ? কাহার নন্দন ?  
কোন ভিক্ষা হেতু আসিয়াছ তুমি ?

বল । তোমার গায় দুর্ভক্ত যার, আমি তাদের সাক্ষাৎ শমন !

কংস । আজি দেখি শমনে ঘিরেছে বিশ্ব !  
তুই যম সম্মুখে আমার,  
আমি যম বসিয়া হেথায়  
যম কাঁপে ত্রাসে শুনি' নাম যার ।  
ছলে লুকাইয়ে গোপ-গৃহে রেখেছিস্ প্রাণ,  
প্রতিশোধ আজি দিব তার !

শ্রীকৃষ্ণ । কিন্তু বীর, পুনঃ কহি, পুনঃ যাচি,  
নিষ্ঠুরতা তব ভিক্ষা দেহ মোরে ;  
রণে দেহ ক্ষমা ; নির্দয় সংহার-কার্যে  
উত্তেজিত ক'রনা আমার ।  
কারাগারে রাখিয়াছ জননী জনকে,  
মুক্তি দেহ দৌহে, দেহ মুক্তি উগ্রসেনে ;  
চ'লে যাই হামি মুখে  
উচ্চ কণ্ঠে জয় তব করিয়া ঘোষণা ।  
কিন্তু যদি বিপরীত কর আচরণ,  
এস দ্বরা হও আগুয়ান,  
বিধিবদ্ধ যজ্ঞ প্রয়োজন,—

সেই যজ্ঞ—

পশু সম তুমি হও প্রথম আহুতি মোর !

কংস । ভাল হ'ল—মিলিল সুযোগ ।

অদৃষ্ট প্রেরিত তোরা,

যুগ্ম পশু বলি দিব আমি ধনুর্যজ্ঞ শেষে !

মজ্জী, শুন আদেশ আমার,

বসুদেবে কর বধ, বধ' দেবকীরে ।

আর নাহি কমা ।—

কোথা নন্দ গোপ-কুলাঙ্গার,

বাঁধি' তারে আনহ সত্তর ।

শ্রীকৃষ্ণ । পূর্বে তার, ভাব বীর, অস্তিম তোমার ;

কহ—কিবা যুদ্ধ চাহ ?

অসি, ভল্ল, শূল, শেল, গদা,

কিষ্ণা রথে রথে দ্বৈরথ সমর—

কহ কিবা অভিলাষ ?

প্রস্তুত সতত আমি সবে !

কংস । পশু যুদ্ধে অসি কিবা প্রয়োজন !

চল্ মূৰ্খ, চল্ মল্লভূমে ;

হাঃ হাঃ গোপের নন্দন

প্রতিবাদী কংসের সমরে !

কোথা দেবগণ,

হের রণ অন্তরীক্ষ হ'তে !

শ্রীকৃষ্ণ । চল্ দ্বরা

মল্লভূমে যম তোর আছে কোল পাতি' !

[ শ্রীকৃষ্ণ, বলরাম ও কংসের প্রস্থান ।

১ম সভাসদ। মন্ত্রী-মহাশয়, লক্ষণ তো ভাল বোধ হচ্ছে না  
কংসকে সমরে আহ্বান করে, এ বালক কে? এ কি সত্যই—

মন্ত্রী। সত্যাসত্য এখনি নিরূপিত হবে; আমাদের অহুমানের  
প্রয়োজন হবে না।

### দূতের প্রবেশ

দূত। মন্ত্রিবর,  
বেধেছে তুমুল রণ!  
যমরূপী বালক দুর্বার—কৃষ্ণ নাম যার,  
সমরে আহ্বানি' নরনাথে,  
কেশে ধরি' করি' আকর্ষণ  
চক্ষু পালটিতে পাড়িল ভূতলে!  
মেদিনী টলিল,  
উচ্চ প্রাসাদের চূড়া ভাঙ্গিয়া পড়িল!  
দুই মদমত্ত করী যুঝে প্রাণপণে,  
বুঝি সর্বনাশ হয় এতক্ষণে! [প্রস্থান  
অমাত্য। বুঝিতে না পারি  
কালরূপী কে এল বালক! [প্রস্থান

১ম সভাসদ। দেখ, ভগবান্ বুঝি মুখ তুলে চান!

২য় সভাসদ। হাঁ হাঁ পাঁচদিন চোরের, একদিন আমাদের।

### কংসের পুনঃ প্রবেশ

কংস। কালরূপী বালক দুর্জয়  
হেরি চারি ভিতে!  
এই মল্লভূমে, এই রঙ্গ বাটে,

এই ছিল, কোথায় লুকাল ?

দেখি দেখি—দেখিতে না পাই !

ওই পুনঃ দেখি !

একি ! আজি কৃষ্ণময় হ'ল কি ভুবন ?

কাহারে বধিব ?

কত কৃষ্ণ আসিয়াছে প্রতিবাদী রণে ।

একা আমি বধি কতজনে !

ঐ—ঐ দাঁড়ায়ে ছুয়ারে হাসে ! [ প্রস্থান ।

১ম সভাসদ । কৈ আমরা তো কিছু দেখতে পাচ্ছিনে ; ক্লেপলো নাকি ?

২য় সভাসদ । তোমার দেখবার সাধ হ'য়ে থাকে, একবার এগিয়ে দেখ না !

মন্ত্রী পুনঃ প্রবেশ

মন্ত্রী । হায় হায় ! হলো সর্বনাশ,

বুঝি হিমাঙ্গি পড়িল ভাঙ্গি' !

সকলে । কি হ'ল ? মন্ত্রী-মশাই, কি হ'ল ?

[ নেপথ্যে পুরাঙ্গনাগণের রোদন ]

দ্বিতীয় অমাত্যের প্রবেশ

২য় অমাত্য । ওহো ! রাহু-গ্রাসে পশিল তপন !

শ্রীকৃষ্ণ ও বলরামের পুনঃ প্রবেশ

শ্রীকৃষ্ণ । মহাশূরে বধিলাম রণে ;

সহিতে না পারি রোদনের ধ্বনি !

সভাসদগণ । জয় কংসারি শ্রীকৃষ্ণের জয় !

১ম অমাত্য। হায় মথুরার রাজসিংহাসন

শূন্য হ'ল এতদিনে—

অপুত্রক কংস মহাশূর।

জনৈক সভাসদ। এই সিংহাসন ত্রায়ত ধর্ম্মত শ্রীকৃষ্ণের প্রাপ্য ;  
সভাস্থ সকলের কি মত বলুন ? অত্যাচারী কংস আর নাই ; মনোভাব  
গোপনের আর প্রয়োজন দেখি না।

সকলে। সাধু সাধু ! জয় মথুরাধিপতি শ্রীকৃষ্ণের জয় !

শ্রীকৃষ্ণ। শুন শুন সভাস্থ সকলে,

শুন পৌরজন, আত্মীয়-স্বজন

সিংহাসন আশে করি নাই দুষ্কর সময়,

সিংহাসনে নাহি প্রয়োজন ;

দীনের নন্দন—

দিন দিন দীন সহবাসে

বুঝিয়াছি দীনের বেদনা ;

বুঝিয়াছি কি ব্যথা জীবনে তার,

অত্যাচারী নৃপ ভয়ে

সদা সশঙ্কিত যেই !

নীরবে বুঝেছি—নীরবে সহেছি ব্যথা ;

এতদিন করিয়াছি নীরব সাধন—

কি উপায়ে এ বেদনা করিব বারণ ;

কাল পূর্ণ আজি,

বাধ্য হ'য়ে করিয়াছি কংসের নিধন—

অত্যাচার নিবারণ হেতু।

আমি দীন, চিরদিন রব দীন,

দীন প্রজা সম ভ্রমিব ধরায়,

দীন-সেবা-ব্রত ল'য়ে

বিচক্ষণ তোমা সবে,

যোগ্য জনে সিংহাসনে করহ স্থাপন।

১ম অমাত্য। তাই যদি আপনার অভিমত, তবে আপনার পিতা  
বসুদেবকে সিংহাসনে অভিষিক্ত করুন।

শ্রীকৃষ্ণ। আমি নহি, ন'ন পিতা জ্যেষ্ঠ মোর ;

হত কংস,

উগ্রসেন মথুরার জ্যায় অধিকারী।

যদি অভিমত হয় সবা কার—

সিংহাসনে অভিষিক্ত করি উগ্রসেনে।

সকলে। সাধু! সাধু!

মন্ত্রী। অদ্ভুত এ আশ্চর্য্যাগ

হে নরকেশরী, জগতে দেখেনি কেহ!

সাধু—সাধু সকল তোমার।

বলরাম। তাই!

আমি ল'য়ে আসি মাতামহে।

[ প্রস্থান।

নাগরিকগণ। চল চল, কারাগার ভেঙ্গে উগ্রসেনকে এখানে নিয়ে  
আসি ; আজ মথুরাবাসীদের মুক্তির দিন।

[ প্রস্থান।

শ্রীকৃষ্ণ। ( স্বগত ) বধিয়াছি পুত্রে তাঁর,

মাতামহে কেমনে দেখাব মুখ !

উগ্রসেনকে লইয়া বলরাম ও নাগরিকগণের পুনঃ প্রবেশ

উগ্র। হায়—হায়! বংশনাশ হ'ল এতদিনে!

শ্রীকৃষ্ণ। মাতামহ, শোক কর পরিহার ;

মৃত্যু মাঝে বিচরে মানব,

আয়ুষ্কাল নির্দিষ্ট সবার ;

জানী কভু শোক নাহি করে ।

হের শূভ্র সিংহাসন,

তুমি তার জ্যায় অধিকারী ;

বসো সিংহাসনে, আমি ছত্র ধরি শিরে ।

উগ্র । আমি ! আমি ! হৃত পুত্র—

আর আমি—বৃদ্ধ—জীর্ণ—সিংহাসনে তার ?

শ্রীকৃষ্ণ । কেন নহে ? “কিন্তু” কেন কর মতিমান ?

এ জীবনে সহিয়াছ পীড়ন ভীষণ,

আদর্শ নৃপতি হ'য়ে

পুত্র সম কর রাজা, প্রজার পালন ।

এক পুত্র হত,

হের শত শত পুত্র তব কুটীরে প্রাসাদে !

ভেদ নীতি করিয়া বর্জন,

এক পরিবার সম সবে করহ পালন ;

লুপ্ত ধর্ম পুণ্যভূমে হ'ক প্রচারিত ;

যেন আদর্শে তোমার, শিখে নর—

রাজা—রাজা—প্রজার রঞ্জক,

বন্ধু—পিতা—রক্ষক সবার ; নহে ঘম,

নহে সিংহ, নহে ব্যাঘ্র নরাকারে !

[ উগ্রসেনকে সিংহাসনে বসাইলেন ]

সকলে । জয় মহারাজ উগ্রসেনের জয় । জয় শ্রীকৃষ্ণের জয় !

প্রাপ্তির প্রবেশ

প্রাপ্তি । উচ্চরবে কর জয়ধ্বনি,

উচ্চকণ্ঠে যত পার বল জয় জয়,

নাহি ভয়—কংস আর গুনিবে না তাহা !

হেথা পুরবধু সবে করে হাহাকার,

হোথা হাসিমুখে বসি' সিংহাসনে,

সদ্য মৃত তনয়ের করহ তর্পণ !

সিংহাসন ! অপূর্ব মোহিনী তব,

আকর্ষণ অদ্ভুত তোমার,

নিমিষে ভূলাও পুত্রশোক !

শ্রীকৃষ্ণ । তদধিক আকর্ষণ মাতা,

পুত্রে করে উত্তেজিত

পিতার শোণিত পানে,

কারাগারে করে বদ্ধ জনকে আপন ।

গুন মাতা, কর্মফল অলঙ্ঘ্য ভগতে ।

করিয়াছি ছুঁটের শাসন ;

স্বামী তব হত আজি নিজ কর্মফলে ।

নাহি কর রোষ, যাও গৃহে,

বুঝে দেখ মনে, হইয়াছে ভবিতব্য যাহা ;

কটুভাবে কিম্বা ভিরঙ্কারে,

ফিরিবেনা কংস আর ।

প্রাপ্তি । তুমি কৃষ্ণ ? .. শুনি তুমি অধিলের স্বামী ;

তাই বুঝি পতিহীনা করিলে আমারে ?

করিয়াছ ছুঁটের শাসন ! কিন্তু কহ,

কোন্ অপরাধে অপরাধী আমি ?


কোন্ পাপে পতিহীনা আজি ?

তুমি বুঝি ভগতের ব্যাধা ;

কিন্তু মোর ব্যাধা বুঝিবার



বুঝি ভগবান্ নাহি কেহ আর !  
 আরে ছল, আরে কপট,  
 আরে হীন গোপের নন্দন !  
 যে অনলে দন্ধ আজি আমি সে অনলে  
 অহরহ মর্ষস্থল পুড়িবে তোমার,  
 তিল মাত্র শাস্তি কভু না পাবি জীবনে !  
 আমি জালাব অনল—দীপ্ত দাবানল—  
 যে অনলে মথুরার সিংহাসন  
 ভস্ম-স্তূপে হবে পরিণত !  
 আজি হ'তে রণধুম গ্রাসিবে মেদিনী,  
 আজি হ'তে স্বামী হারা শত শত নারী  
 মোর সম লুটাবে ধরায়,  
 প্রতিচ্ছবি তার, অন্তরে তোমার  
 ডুলিবে ভীষণ হাহাকার !  
 অভিশাপে মোর,  
 আজি হ'তে আঁধাধারা তব  
 এ জীবনে কভু না শুকাবে !



# দ্বিতীয় অঙ্ক

প্রথম দৃশ্য

মন্ত্রণাগার

জরাসন্ধ ও মন্ত্রী

জরা ।      কি कहিলে ?  
                 বিতাড়িত পাণ্ডব হস্তিনা হ'তে ?  
                 কিবা জনশ্রুতি ?  
                 জতুগৃহে মরিয়াছে সব ?  
                 দেখি কৌরবের আধিপত্য-লিপ্সা।  
                 প্রবল ক্রমশঃ ! মথুরার কি সংবাদ ?

মন্ত্রী ।      সম্প্রতি প্রেরেছি দূত ।

জরা ।      ভাল ।

                 দক্ষিণে বিদর্ভরাজ  
                 করিতেছে স্বয়ম্বর আয়োজন,  
                 কন্যা রুক্মিণীর তরে ।      প্রের দূত হরা ;  
                 নিবেদন জানাও আমার,  
                 স্বয়ম্বরে নাহি প্রয়োজন ;  
                 कह, আমি করিয়াছি স্থির—  
                 রুক্মিণীর বিবাহ হইবে শিশুপাল সনে ।

মন্ত্রী ।      পরাজিত নৃপতিমণ্ডল,  
                 বদ্ধ যারা রাজ-কারাগারে,  
                 আসিয়াছে বহু আত্মীয় তাদের ।  
                 আছে পুরাঙ্গনা,—

কণ্ঠা, ভয়ী, মহিবী বা কারো ;  
 আবেদন জানায় নৃপতি পদে  
 মুক্তি ভিক্ষা হেতু ।  
 জরা ।      নিত্য শুনি  
 ভিক্ষা—ভিক্ষা—ভিক্ষা,  
 দেহি দেহি রব !  
 বুঝিতে না পারি,  
 ল'য়ে ভিক্ষকের প্রাণ কেন বেঁচে রহে  
 এই সব কুকুরের দল !    ভিক্ষা—ভিক্ষা !  
 আছে বলবতী বাসনা সবার  
 সুখেখর্ব্য বিলাস প্রমোদ  
 অবাধে করিতে ভোগ ;  
 কিন্তু নাহি শক্তি অর্জন করিতে তারে,  
 কিস্বা স্বাধিকার করিতে রক্ষণ  
 প্রবলের আক্রমণ হ'তে !  
 দূর ক'রে দাও ভিক্ষকের দল ।  
 আমি জানি বীরভোগ্যা বনুন্ধরা,  
 আমি জানি  
 রণক্ষেত্রে অসিযুগ্মে প্রতিষ্ঠা স্থাপন ;  
 বাহুবল ভোগের আকর,  
 ত্যাগধর্ম ভিক্ষকের ;  
 চাহে ভোগ ভিক্ষা বিনিময়ে !    কহ সবে,  
 আবেদন নিবেদন কাতর প্রার্থনা  
 ভিক্ষা রূপা দয়া—  
 এ সকল শুনিবার নাহি অবসর মোর ।

যুদ্ধার্থী কেহ বা যদি পাঠাইয়া থাকে দূত,  
সমাদরে ল'য়ে এস তারে,  
মহানন্দে করি আমি অসি বিনিময় ।

### প্রতিহারীর প্রবেশ

প্রতি । মহারাজ !  
জরা । কহ, কি সংবাদ ?  
প্রতি । উন্মাদিনী রমণী জনেক  
চাহে রাজ-দরশন ।  
জরা । রাজসভা নহে উন্মাদ-আগার !  
কারাধ্যক্ষে কহ,  
অবরোধে রক্ষিতে তাহারে ।  
কেবা নারী ?  
প্রতি । ঙ্গনে আবৃত মুখ,  
দ্বারে বাধায়েছে অনর্থ ভীষণ ;  
নারী, কেহ স্পর্শিতে না পারি তারে ।  
(নেপথ্যে) প্রাপ্তি । কার সাধ্য রোধে মোর গতি !  
কোথা রাজা, কোথা মগধ-ঈশ্বর !  
প্রতি । ওই আসে উন্মাদিনী ।

### প্রাপ্তির প্রবেশ

প্রাপ্তি । পিতা !  
জরা । পরিচিত স্বর !  
কহ কেবা তুমি ?  
প্রাপ্তি । নিভতে কহিব কথা ।

জরা । যাও মন্ত্রী, যাও প্রতিহারি !

[ মন্ত্রী ও প্রতিহারীর প্রস্থান ।

কহ মাতা, কি বক্তব্য তব ?

প্রাপ্তি । ( অবগুষ্ঠন উন্মোচন করিয়া )

পিতা !

জরা । এ কি ! কণা মম !

প্রাপ্তি ! আদরিণী নন্দিনী আমার !

প্রাপ্তি । আজি ভিখারিণী—অনাথা—বিধবা—

অলক্ষণা—অলক্ষ্মী ধরার !

পিতা,

দুর্জনের ছলে হত মথুরা ঈশ্বর !

জরা । কহ অদ্বুত কাহিনী !

হত কংস বীর অবতার ?

বুঝিতে না পারি

সত্য কিম্বা প্রহেলিকা এই ?

হত কংস—গৌরবের হিমাঙ্গি-শেখর

জামাতা আমার !

কহ মাতা, কে করিল ধূলিশায়ী তাহে ?

প্রাপ্তি । পিতা,

কি আর কহিব ?

শুনি, যদুকুলে জন্ম তার ;

বন্দুদেব স্নাত,

পালিত আবাল্য হীন-গোপ-গৃহে,

বনচর গোপ সহচর,

দণ্ড হাতে রক্ষক দেখুর !

নাহি জানি কোন্ দৈববলে  
করিয়াছে অসাধ্য সাধন ;  
ধনুর্ঘণ্ট নিমন্ত্রণে  
ব্রজ হ'তে আসি' মথুরায়,  
আহ্বানিল সমরে পতিরে ;  
মথুরার কীৰ্ত্তিচূড়া ভাঙ্গিয়া পাড়িল ;  
দেব-হবি অনার্য্যে স্পর্শিল,  
রাখালে বধিল রাজ-রাজেশ্বরে !

জরা । শূন্য মথুরার সিংহাসন ?

প্রাপ্তি । সিংহাসনে বৃদ্ধ উগ্রসেন ।

জরা । কোথা সেই অন্ত্যজ রাধাল ?

প্রাপ্তি । মথুরায় ।

জরা । বছদিন ভুলেছিহু রণ,

তুণে বাণ নিদ্রাচ্ছন্ন বছদিন হ'তে—

মাতা, শোকানল তব করিব নির্বাণ

শত্রুর শোণিতে !

চল পুরে ;

আহা ! ভিখারিণী সম

একাকিনী সহায়বিহীনা তনয়া আমার,

আসিয়াছ পথ পর্য্যটনে !

অগ্নান চক্রে রশ্মি চণ্ডালের আবর্জনা স্তূপে,

হতশ্রী রাজশ্রী,

পঙ্কে লিপ্ত ফুল কমলিনী !

ইচ্ছা হয়, উপাড়ি' নয়ন

নির্বাপিত করি চক্রে আলোক মোর !

এ দৃশ্য দেখিতে নারি আর ।

চল অন্তঃপুরে ;

কোথা অস্তি—সহোদরা তব ?

প্রাপ্তি । পিতা কি আর কহিব ?

ঘৃণা লজ্জা অপমান

কণ্ঠরোধ করে ঘোর ; জরাসন্ধ সূতা,

ভুলি' বংশের মর্যাদা—

নাহি জানি কি মন্ত্রপ্রভাবে

ইষ্টজ্ঞানে পূজে হীন রাখালের পদ—

পতিহস্তা তার !

সাধিলাম কত—

স্বেচ্ছায় ফিরায়ে মুখ

চ'লে গেল অম্লান বদনে ;

কহিল সে অভাগিনী,

‘নহে নর, নারায়ণ গোপের নন্দন’ !

জরা । হ'ক বধির শ্রবণ, লুপ্ত হোক জ্ঞান,

বিশ্ব আজি লুকাও আধারে,

অন্তরীক্ষে রবিশশী গ্রহদল সবে

প্রলয় বারিধি মাঝে

নিদ্রামগ্ন রহ চিরদিন তরে—

কণ্ঠা মম

পূজে স্বামিহস্তা তার নারায়ণ জ্ঞানে !

তিল আর বিলম্বিতে নারি ।

মাতা, স্নকণ্ঠা নিশ্চয় তুমি—

রাখিব তোমার মান ।

মন্ত্রী !

দেহ আজ্ঞা সাজাতে বাহিনী,  
মগধের বীরপুত্র যত  
রণোল্লাসে উঠুক মাতিয়া  
আগুবাড়ি' চাল চতুরঙ্গ দলে,  
মথিয়া মেদিনী মথুরার ধূলি কণা  
ডুবাইব শোণিত-সাগরে,  
রথচক্রে বাঁধি আনি' গোপ-কুলাঙ্গারে,  
তিল তিল করি' দেহ তার  
পোড়াব অনলে,  
তবে শাস্ত হবে প্রতিহিংসা মোর ।

আয় মাতা,

পুত্রাধিক জানি তোরে,

সুপ্ত বহি প্রজ্জলিত করেছিস্ তুই ? [ প্রস্থান ।

প্রাপ্তি । স্বামী ! মথুরা-ঈশ্বর !

স্বর্গ হ'তে দেখ চেয়ে দেব,

আজ্ঞা তব করিতে পালন

বিসর্জন দিয়াছি হেলায় নারীত্ব আমার,

কোমলতা নাহি পায় স্থান—

হৃদয় পাষণ,

রক্ত-ত্বাভুর প্রতি দেহগ্রস্থি মোর

চাহে প্রতিশোধ, প্রতিশোধ,

শোণিতের বিনিময়ে শোণিত কেবল !

দেখি কতদিনে তৃষ্ণা হয় দূর—

তাপ দূর হয় কত দিনে !

[ প্রস্থান ।



## দ্বিতীয় দৃশ্য

মথুরা প্রাসাদের অলিন্দ

শ্রীকৃষ্ণ

শ্রীকৃষ্ণ ।    কহ মহামায়া,  
          কার্য্যপ্রোত মিশিবে কোথায় !    হত কংস—  
কিস্ত পত্নী তার—মূর্ত্তিমতী প্রতিহিংসা  
          জ্বলেছে অনল ।  
          পিতা জরাসন্ধ—  
          দুৰ্দ্ধার সংগ্রামে,  
          মথিত করিছে এই মথুরা নগরী ।  
          নিত্য শত শত লোক ক্ষয়  
          প্রভাবে তাহার,  
          এ দৃশ্য দেখিতে নারি আর ।  
          কহ, হে ভৈরবি !  
          উলঙ্গ নর্ত্তন তব কতদিনে হবে শেষ ?  
          তম অন্তে শাস্ত মূর্ত্তি পুনঃ  
          ধরিবে শ্রামলা ধরা ?

          দুলের সাজি হস্তে অস্তির প্রবেশ

[ গীত ]

          শুনি ব্যথাহারী তুমি হরি

          তবে আমার ব্যথা বোঝ কই—

          ব্যথা বল কত সহ ।

          তোমারি যে মুখ চেয়ে সব জ্বালা আছি স'য়ে

          তুমি তো দেখ না চেয়ে এ কথা কারে বা কই ॥

          মরমে আগুন জ্বলে, তিতি নিতি নয়ন জ্বলে,

          দাওনা ঠাই চরণ-তলে অভিমানে সারা হই ॥

অন্তি । তুমি বুঝি এখানে পালিয়ে এসেছ ? খন্টি বাপ ! একটুও  
মায়া নেই ? এতখানি বেলা হ'ল, আমার বুঝি কিদে পায় না ? আমি  
কোন সকালে উঠে, ফুল তুলে, চন্দন ঘঁষে বসে আছি—এই আসে,  
এই আসে—ওমা ? কোথায় কে ? পায়ে ছুঁটো ফুল না দিয়ে তো  
মুখে জল দিতে পারিনে ; তোমার খাওয়া হবে, পাতে প্রসাদ পাব, তা  
রাজ্যশুদ্ধ লোকের ভাবনা মাথায়, আমার কথা মনে থাকবে কেন ?  
ভারপর, আমি তো তোমার শক্রর স্ত্রী, শক্রর মেয়ে ! মুখে যাই বল,  
মনে মনে তো আমার শত্রু বলেই জান ? আমি আবাকী মনুষ্য কি  
বাঁচলুম, তাতে তোমার কি এল গেল ।

শ্রীকৃষ্ণ । অন্ধকারে আলোকের ধারা  
নন্দিনী আমার,  
অভিযোগ রূপা কর মাতা !  
অপরোধী আমি করি গো স্বীকার,  
মাতা-পুত্রে একত্রে আহার  
বহুপূর্বে ছিল গো উচিত ।  
আমি কুপুত্র তোমার, স্ন-জননী তুমি,  
কম দোষ, মনে নাহি কর কিছু ।  
বাও, কর আরোজন  
এখনি যাইব আমি ।

অন্তি । মনে আর কি ক'রব ? কষ্ট দিতেই তো এসেছ । মনে  
করি রাগ ক'রে ছুঁকথা শুনিয়ে দেব, কিন্তু তাও কিছু বলতে পারিনে,  
কষ্ট দেওয়াতে আপনার পর ভেদ নেই ব'লে । যে মা-বাপকে কারাগারে  
রাখতে পারে, তাকে আর বলবার কি আছে ? আমার স্বামীকে ধরেছে,  
কোন দিন শুনব আমার বাপকেও খাবে, এই মধুরার, মগধের কত  
মেয়েকে আমার মত পতিহীনা করেছে. আরও কত করবে । আমার

ছ'টো মিষ্টি কথা ব'লে আর সাধু হ'তে হবে না। দেখছি কষ্ট দেওয়াই তো তোমার কাজ ; এখন একটু কষ্ট ক'রে এস, অন্ন যে শুকিয়ে গেল।

শ্রীকৃষ্ণ। হাঁ মা, আমি কি ইচ্ছে ক'রে কাউকে কষ্ট দিই ?

অন্তি। তোমার ইচ্ছে-অনিচ্ছে তুমিই জান, এর উত্তর আমি কি দেব বল ? আমায় তো লোকে বলে পাগল।

শ্রীকৃষ্ণ। আশুন জলে, কিন্তু পতঙ্গ কেন তাতে উড়ে এসে পড়ে ? আশুনের কি দোষ ?

অন্তি। যে আশুন হুটি ক'রেছে, পতঙ্গ হুটি ক'রেছে—সেই ব'লতে পারে আশুনের দোষ, কি পতঙ্গের দোষ। আশুনই বা জালা কেন, আর কীট পতঙ্গ পোড়ানই বা কিসের জ্ঞান ?

শ্রীকৃষ্ণ। কত বলি, কত বোঝাই—কেউ শোনে না। আশুনের উদ্ভাপ তো পতঙ্গকে সাবধান করবার জ্ঞানই ; দূর থেকে তাকে জানিয়ে দেয় যে এ আশুন, এ দিকে এস না ; কিন্তু মা, সে কথা তো কেউ শোনে না, আমার ব্যথা তো কেউ বোঝে না।

অন্তি। এবার সত্যি সত্যি রাগ ক'রব ; কেউ বোঝে না, না তুমি বুঝতে দাও না ? আর তুমি বুঝি বড় ব্যথা বোঝ ? নাও বেলা হয়েছে, তোমার সঙ্গে আর ঝগড়া করব না, এস, আর দেরি কোরো না। ফুলগুলো সাজিতেই শুকিয়ে গেল। তোমার জন্তে তুলেছিলুম, তোমায় দিয়ে যাই। মাথা ষাও আর দেরী কোরো না, আমি সব শুছিয়ে রাখিগে। [ প্রস্থান।

শ্রীকৃষ্ণ। এক বন্ধের ফল, কিন্তু ছ'টা ভিন্ন প্রকৃতির। মা, এই কি তোমার আনন্দধন মূর্তি ?

সাত্যকির প্রবেশ

সাত্যকি। এইমাত্র দূত সংবাদ নিয়ে এস, জরাসন্ধ পুনরায় যথুবা অবরোধ করবার জন্য অগ্রসর হ'চ্ছে !

শ্রীকৃষ্ণ। আমি পূর্বেই সংবাদ অবগত আছি।

সাত্যকি। তাহ'লে সৈন্যদের প্রস্তুত হ'তে আদেশ দিই ?

শ্রীকৃষ্ণ। সাত্যকি, এবারে আমরা যুদ্ধ ক'রব না।

সাত্যকি। সে কি ? যুদ্ধ ক'রব না ?

শ্রীকৃষ্ণ। না।

সাত্যকি। না ! জরাসন্ধ অবাধে মথুরা অধিকার ক'রবে ?

শ্রীকৃষ্ণ। সাত্যকি, ব'লতে পার এ যুদ্ধের শেষ কোথায় ?

সাত্যকি। যতদিন জরাসন্ধ জীবিত থাকবে, ততদিন এর শেষ তো দেখতে পাচ্ছি না।

শ্রীকৃষ্ণ। কিন্তু জরাসন্ধ বীর—আর, যতদিন কালপূর্ণ না হয়, ততদিন সে যুতুভয় বর্জিত। পুনঃ পুনঃ সে মথুরা আক্রমণ ক'রেছে, আমরা তাকে বাধা দিয়েছি, পরাস্ত করেছি, কিন্তু একেবারে বিধ্বস্ত ক'রতে পারিনি। জরাসন্ধ সমরকুশলী, বহুবলের অধিনায়ক, তুলনায় আমাদের লোকসংখ্যা অল্প।

সাত্যকি। কিন্তু যাদবের শৌর্য্য তো অল্প নয়।

শ্রীকৃষ্ণ। শুধু শৌর্য্যে বীরত্ব দেখান যায়, কিন্তু দেশ রক্ষা করা যায় না। প্রবলের বিরুদ্ধে স্বল্প বল, পরিণাম ধ্বংস অনিবার্য্য।

সাত্যকি। কিন্তু এখন যুদ্ধ ভিন্ন উপায় কি ?

শ্রীকৃষ্ণ। উপায়—পলায়ন।

সাত্যকি। পলায়ন ! ক্ষত্রিয় হ'য়ে প্রাণ ভয়ে পলায়ন !

শ্রীকৃষ্ণ। আমি তো তাই স্থির করেছি। পলায়ন সব সময় নিন্দার নয়। লোকসংগ্রাহের জন্য পলায়ন, বলবৃদ্ধির জন্য পলায়ন, সুযোগ অপেক্ষার জন্য পলায়ন, বহুজনের প্রাণরক্ষার জন্য পলায়ন, দেশের কল্যাণের জন্য পলায়ন, নারী বৃদ্ধ ও শিশুর জীবন রক্ষার্থে পলায়ন, হঠকারী আত্মাভিমানপূর্ণ দাণ্ডিকের কুবুদ্ধিতে রীতিবিরুদ্ধ ব'লে মনে

হ'তে পারে, কিন্তু কখনো ধর্মবিরুদ্ধ নয়। প্রবল জরাসন্ধের বিপক্ষে অস্ত্র ধারণ ক'রে আমরা রণক্ষেত্রে প্রাণ দিতে পারি, কিন্তু মধুরার স্বাধীনতা রক্ষা ক'রতে পারি না। আমাদের উদ্দেশ্য কি? উদ্দেশ্য—স্বাধীনতা রক্ষা, দাসত্বের বন্ধন মুক্তি; উদ্দেশ্য—প্রজারক্ষা, উদ্দেশ্য—ধর্ম-সংস্থাপন। এই মহান্ উদ্দেশ্যের জন্য স্থির করেছি, আপাততঃ মধুরা হ'তে রাজধানী স্থানান্তরিত ক'রব; জরাসন্ধ শূণ্ণ পৃথী অবরোধ করুক, তার বল-বীৰ্য্য উৎসাহ ক্ষয় হ'ক, চল আমরা অন্তরে গিয়ে বল সঞ্চয় করি।

সাত্যকি। কোথায় যাব?

শ্রীকৃষ্ণ। স্থান আমি নির্ণয় করেছি। সমুদ্র তীরবর্তী স্থান, দুরারোহ পর্বতে ঘেরা, স্বভাবের সুনিয়ন্ত্রিত দুর্গ দারকায় আমি নূতন রাজ্যের প্রতিষ্ঠা ক'রব। তুমি উগ্রসেনকে রাজ্যজ্ঞা প্রচার ক'রতে বল, সকলে স্ত্রী-পুত্র ধনরত্নাদি ল'য়ে অবিলম্বে যাত্রার উদ্যোগ করুক। আমি নগর প্রতিষ্ঠার জন্য আজই যাত্রা ক'রব; নগরবাসীদের ল'য়ে তোমরা যত সড়র পার আমায় অনুগমন কর; এখানে থেকে বৃথা নরহত্যায লিপ্ত না হওয়াই মঙ্গল।

সাত্যকি। উগ্রসেন রাজা বটে, কিন্তু হে যদুকুলশেখর, তুমি আমাদের অধিনায়ক। তোমার ইচ্ছাই আমাদের নিকট তোমার অমোঘ আদেশ। যাদবশ্রেষ্ঠগণকে তোমার আদেশ জানাই, সকলে প্রস্তুত হ'ক।

[সাত্যকির প্রস্থান।]

শ্রীকৃষ্ণ। যা আমার ক্ষুধায় কাতর; সত্যই কি আমি তার ব্যথা বুঝি না! দারুণ পতিশোক ভূলে, যা আমার পুত্রস্নেহের অন্তঃসাগরে ডুবে আছে। যা! যা! তোমার ও স্নিহু-জ্যোতি বেন আমার ব্যথা-কাতর-নয়নগণ থেকে কখনও সরে না যায়!

[প্রস্থান।]

## হুতীয়া দৃশ্য

হুতীয়া—ভীষ্মের প্রাণাধ

ব্যাসদেব ও ভীষ্ম

ব্যাস । শুন বৎস, আগমন কারণ আমার ।  
করি' অধিলের মঙ্গল কামনা,  
বসি ধ্যানে নির্জন হুটারে ;  
প্রশান্ত বারিধি সম নির্ঝাত মিল্লি হির  
বদ্ধ মন বিভূপদ বেলানুবি রাখে ;—  
এল গেল কত দিন—কত বর্ষ  
কে করে গণনা !  
অকস্মাৎ তরঙ্গ হিল্লোলে  
কাঁপিল অন্তর—ধ্যান ভঙ্গ ;  
হিরদৃষ্টি—হেরিছ সন্মুখে  
রক্ত আভা গগনের গায়—  
ধরিয়াছে ধরণীর প্রতিচ্ছিত্র  
অত্র-খ্যেত হৃদয়-মুকুটে !  
পশিল প্রবণে লক্ষণ হাহাকার ধ্বনি ;  
সংহার—সংহার—  
উঠিল ঠৈরব রব রক্ত সিদ্ধ মখি' ;  
হেরিলাম কাল গটে,  
বৃপবদ্ধ বলি সম হুতীয়া নৃপতিদল,  
সহ লহচর কাঁপে ধর ধর !  
মনে হ'ল  
বৃগ-সন্ধিক্ষণে মহাধ্বংস করিয়া আশ্রয়  
নবভাবে উষোভিত হইবে ভারত,

নিশা অস্তে হবে তার নব আগরণ !

বহুবর্ষ আছি লোকসঙ্গ ত্যজি,

তাই আসিছু স্তোম্য,

হে অভিজ্ঞ,

জানিতে তোমার কাছে,

প্রলয়ান্তে সৃষ্টির অঙ্কুর—

আভাস কি পাইছ তার ?

ভীষ্ম ।

ত্রিকালজ্ঞ ভূমি ঋষি,

সত্যযুগি বিভূ সনাতন,

নারায়ণ নরকলেবরে,

কি অজ্ঞাত তোমার হে তাত ?

ইচ্ছামৃত্যু—

মহাপাপ মৃত্যু-চিন্তা,

তাই মৃত্তিকার দেহ ত্যজিতে না পারি,

তাই দিন দিন সহি দুর্কিসম্বহ যন্ত্রণা ভীষণ !

পবিত্র ভরত বংশে

নিত্য হেরি দুর্ক্সল পীড়ন,

জ্ঞাতি করে জ্ঞাতির নিধন,

আমি বৃদ্ধ, নির্জিকার সাক্ষী সম

নিত্য হেরি সেই অত্যাচার !

রাজা দুৰ্য্যোধন—

অতি দর্পী, অতি ক্রুর, অজ্ঞান অধম,

তিলমাত্র নাহি তার বংশের আচার ;

ছুটে মন্ত্রী করিয়া সহায়

করে ধর্মের পীড়ন,

পঞ্চভাই পাণ্ডুর নন্দন  
 হেঁটমুণ্ডে সহে নির্ঘাতন ;  
 জনে জনে দিক্‌পাল সম-  
 কিন্তু ধর্ম্মরাজ মুখ চাহি' নীরবে সকলি সহে !  
 কড় বনে, জড়গৃহে কড়,  
 কড় ভিখারীর বেশে ফিরে দেশে দেশে !  
 আমি ভীষ্ম কুরু-বৃদ্ধ  
 স্বেচ্ছায় দাসত্ব ল'য়ে রাজগৃহে করি বাস !  
 বৃষ পূজ্য, প্রকৃতি ধরার,  
 বৃষ বিচারিয়া মনে  
 প্রলয়ের কত বাকী আর !

ব্যাস ।

বৎস, ক্রোধ নাহি কর ।  
 ভরত বংশের মহাস্তম্ভ তুমি,  
 তোমারে আশ্রয় করি' আছে এই রম্য অট্টালিকা ।  
 ভবিষ্যৎ ইতিহাসে পুরুষ বিরীট,  
 মুখ চুঃখ তব শিখাবে মানবে  
 ধর্ম্মের নিগূঢ় কথা ।  
 আজি আসিয়াছি শুধাতে তোমার,  
 নরমাঝে দেখেছি কি অতি নর কেহ,  
 মানি মাঝে অন্নান তপন ?  
 লক্ষ্য কি ক'রেছ তুমি,  
 মহামানবের সাধিতে কল্যাণ  
 মানব আকারে ব্রতধারী কেহ-  
 এসেছে এ পুণ্যভূমে ?  
 দেখেছি কি ক্ষুদ্র দেহে বিশাল কবর



উবেলিত সদা ভাপনক জীবকুল তরে ?  
 দেখেছ কি অতি ক্ষুদ্র নগণ্য অন্তর্যম—  
 বলহীন, সহায় ছিন্ন,  
 পদলয় ধূলি সম নীন  
 নরনারী তরে কামিতে কাহারে  
 শ্রমশান ভারভ-ভূমে ?

ভীষ্ম ।

এইবার বুঝিয়াছি দেব,  
 কেন পদ্যপর্ণ করিয়াছ এ নীন ভবনে ।  
 চির করুণা আলয় তুমি  
 কুরুবংশ আকর হে ঋষি,  
 কাতর আমার তরে  
 এসেছ হে করাতে শরণ  
 প্রয়োজন আশ্রয়িনী !

ব্যাাস ।

তবে বুঝিয়াছ প্রায় মোর ?

ভীষ্ম ।

বুঝিয়াছি ইন্দ্ৰিয় তোমার ।

আমি দেখিয়াছি তাঁরে ;

ক্ষুদ্র নরের আকার,

আচার ব্যাভার মানবের প্রায়,

ক্ষুদ্র শিশু জনমীর ক্রোড়ে,

পিতা ভ্রাতা আত্মীয় বেষ্টিত,

জীড়াপটু চঞ্চল বাসক,

প্রেমোন্মত্ত বান্ধব-বান্ধবী সনে,

প্রাকৃত জনের সম

তরে ভীত—উৎকল আশ্রয়,

হর্ব শোকে কম বহে হানি অবশ্য !

দেখিলাছি, চিরন্তন মানব কেমন,

কিন্তু নহে নয় ;

নরশ্রেষ্ঠ নহে যোগ্য অভিমান ;

ঈশ্বর সাকার—

গুণাতীত গুণ সম্বিত,

বিপরীত ভাবের আধার,

ভাগ্যবশে আমি পিতাবহ তাঁর,

বলুদেব-সুত, পিতৃঘনা কুন্তীদেবী—

ভরত বংশের বধু,

করি' আপন গোপন

সৌহার্দ্য স্থাপন করিল পাণ্ডব মনে ;

নর পার্শ্ব—সখা নারায়ণ !

যেই দিন সে চরণ দেখেছে নরন,

সেই দিন সার্থক জীবন—

মনে উঠেছে বাসনা, আর কেন তবে ?

কেন বহি জীর্ণ দেহতার ?

তাপ দূর করিতে আমার

নারায়ণ আপনি উদয় !

কল্প আমি—রাজভৃত্য,

সাক্ষী রাধি' রণক্ষেত্রে কমল-লোচন

কুরুক্ষেত্রে ত্যজিব এ প্রাণ ।

ব্যাস ।

নিলাপ হৃদয় তব,

মলাহীন স্বয়ং দর্পণের সম,

তেঁই সত্যমুক্তি অবিকৃত প্রতিভাত তাহে ;

ভাপ্যবান,

দৃষ্টি তব দেখিয়াছে সত্য দর্শনীয় বাহা ।  
 ত্যজি' তপ আমিও এসেছি ভীষ্ম,  
 দেখরের নরশীল প্রত্যক্ষ করিতে ।  
 জীবের কল্যাণ হেতু  
 করিয়াছি বেদের বিভাগ,  
 কিন্তু কালধর্ম্মে অল্পবুদ্ধি নর—  
 মোহাচ্ছন্ন মস্ত অহঙ্কারে  
 বেদমুক্ত বুদ্ধিতে না পারে ;  
 তাই করিয়াছি স্থির—  
 নরাকারে হেরি' ঐশী লীলা  
 জীবনের প্রত্যক্ষ আদর্শে  
 রচিত পুরাণ গাথা,  
 ইতিহাস ভারত বংশের,  
 যুগ-ধর্ম্ম কথা—  
 শ্রীকৃষ্ণ নায়ক যার  
 তনি' যেই লীলা  
 ভক্তি পথ ধরি'—  
 বিনা তপ, আয়াস কঠোর,  
 জ্ঞানমার্গে উপনীত হবে নরনারী ।  
 অন্ধকারে তপন উদয় !  
 ত্রিতাপ হইবে দূর,  
 বিরাজিবে মহাশক্তি প্রতি গৃহে, প্রতি হৃদে,  
 সমাজ-শৃঙ্খলা হবে পুনঃ প্রতিষ্ঠিত,  
 ধর্ম্ম হবে ধরা,  
 ভারত অগং যাবে সর্বপুণ্য রবে চিরদিন !

ভীষ্ম ।

কি কর্তব্য কহ ঋষি,  
মহাতাপ্যবধি আমি—  
তাই আজি সজোপনে ঝাইয়াছি তোমা ।  
নিয়ত হৃদয়-বন্দে প্রণামিত তবু,  
বিরোধী সমস্তা কত উঠে মনে মনে,  
লোকনিন্দা, কটুভাষ, অসতের দুর্নীতি আচার  
সহি সমভাবে ।  
সত্যে বদ্ধ—হৃষ্যোথনে ত্যজিতে না পারি ;  
আজায় তাহার  
জেনে শুনে অনিচ্ছায় করি মহাপাপ ।  
কহ, এ সঙ্কটে আছে কি উপায় ?  
অধিকার বানপ্রস্থে নাহি কি আমার ?

ব্যাস ।

সর্ব অধিকার  
স্বৈচ্ছায় ক'রেছ ত্যাগ পিতৃভৃগু হেতু ;  
জীবনের অরুণ উদয়ে  
করিয়াছি প্রতিজ্ঞা ভীষণ,  
পুরুবংশ সিংহাসনে বসিবে যে জন,  
সম্পদে বিপদে ছুঁমি  
ভৃত্য সম সেবিবে তাহারে  
ধর্মার্থ না করি' বিচার ;  
আজি কেন বিচলিত হবে ?  
বানপ্রস্থ—বাহ্যিক আচার ;  
মনে মনে নির্গলিত সন্ন্যাসী-স্মৃতি,  
করিতেছ সত্যের রক্ষণ,  
তুলামূল্য ভক্তি নিন্দা জন,

হর্ব শোক সম অলঙ্কার । দেবপ্রভ,  
 ত্যজ খেদ, অশ্রুস্রব উদর কোমার ;  
 হরি এনেছেন তবে হ'রে অবতার !  
 নরমাঝে নরশ্রেষ্ঠ তুমি,  
 প্রথম প্রচার তার লহ তাগ্যবান্ !  
 স্নাত্ত বাসবে—হৃদয় বিগত তার ;  
 স্নাত্ত অগতে—তুমি চিনিরাছ তাঁরে ।  
 যে তাঁরে চিনিবে  
 যে তাঁরে জানিবে,  
 শমনের নাহি অবিকার—  
 যুক্ত তার মোকের ছয়ার ।

ভীষ্ম ।

দেহ পদগুলি ।  
 হে পুত্র, কর আশীর্বাদ ;  
 তুমি জ্যেষ্ঠ করিয়াছ বেদের প্রচার,  
 আমি কনিষ্ঠ তোমার—  
 যেন প্রত্যেক জীবনবের পারি প্রচারিতে ।

ব্যাস ।

বৎস, হও পূর্ণকাম ।  
 অকস্মাৎ আনন্দপ্রবাহ বহে কবে ;  
 আনন্দ-বিগ্রহ বুঝি আসিবেন পুরে ;  
 আমি লীলা তাঁর হেরিব গোপনে ।  
 ধন্ত ধরা, ধন্ত এ হস্তিনা,  
 ধন্ত আমি, ধন্ত তুমি শান্তনু-নন্দন !  
 কর আরোক্ষণ—

আনিছেন ভগবান্ পূজা তব করিতে গ্রহণ ! [ প্রস্থান ।

ভীষ্ম ।

দীর্ঘ দেহ, হৃদয় হৃদয়,

রণক্ষেত্রে শাণিত সান্নক  
 নহে তীর মমতা পীড়ন হ'তে,  
 অহঙ্কার নহে দূর,  
 নহে ছিন্ন মমত্ব বন্ধন ।  
 প্রীতি, অক্ষ কাঁপে  
 হেরি' ভবিষ্যৎ ঘটনা তীষণ,  
 নারায়ণ, বিচঞ্চল মতি—  
 যদি মোহবশে করি কভু কর্তব্য হেলন,  
 দীননাথ, দীন বলি' ক্ষমা কোরো মোরে ।

### শ্রীকৃষ্ণের প্রবেশ

শ্রীকৃষ্ণ । পিতামহ, যুধিষ্ঠিরের নিমন্ত্রণে হস্তিনায় এসেছিলাম, কিন্তু  
 আপনার চরণে প্রণাম না ক'রে তো পুরী প্রবেশ কর্তে পারলাম না ।  
 আমার প্রণাম গ্রহণ করুন ।

ভীষ্ম । এস ভাই, এতদিন তোমার প্রণাম গ্রহণ ক'রেছি, আজ  
 আর আমাকে নয়, সন্মোপনে তোমায় পেয়েছি, আজ তুমিই আমার  
 প্রথম প্রণাম গ্রহণ কর । আজ বৃদ্ধ ভীষ্মের জীবনে যে শুভ মুহূর্ত  
 এসেছে, সে শুভ-মুহূর্ত আর কোনো ভাগ্যবানের অদৃষ্টে এসেছিল কিনা  
 জানি না । আজ আমার সর্বস্বের মাঝে কেবল তোমায় দেখছি ;  
 আমার হৃদয়ে মাধব, বাক্যে মাধব, জীবনের অল্পভূতিতে মাধব, সর্বকাৰ্য্যে  
 মাধব, সর্বচিন্তায় মাধব । আর মানস পূজা নয়, সাক্ষাৎ পূজা গ্রহণ  
 ক'রে আমার জীবনকে ধ্বংস কর ।

শ্রীকৃষ্ণ । পিতামহ, দেখছি বার্তাক্যে আপনার মন্তিকের বিকৃতি  
 ঘটেছে, নইলে এমন বেদবিগর্হিত কার্য্য করবেন কেন ? আমাকে  
 পূজা ! হিঃ—তবে রক্ষা, গোপনে পূজা ; এ পূজা আর কেউ দেখলে  
 না, নচেৎ লোকের হাস্যস্পন্দ হ'তেন ।

ভীষ্ম। এর উত্তর আর এখানে দেব না তাই। আমি কিছুই  
ভীষ্ম কখনো গোপনে কোনো কাজ করে না, যদি দিন পাই যত্ন পূর্বে  
এর উত্তর আমি দিয়ে যাব যত্নপতি !

শ্রীকৃষ্ণ। আঃ বাঁচা গেল, আপনার উত্তর শোনবার জন্য আমি  
আজ থেকেই উদ্গ্রীব হয়ে রইলেম। এখন কাজের কথা হ'ক।  
যুধিষ্ঠির আমার সঙ্গে এসেছেন। এসে শুনেলেম রাজহুয়ের তো সমস্ত  
আয়োজনই হয়েছে। আপনি এই যজ্ঞের প্রধান উদ্যোগী।

ভীষ্ম। যুধিষ্ঠির কোথায় গেলেন ?

শ্রীকৃষ্ণ। মহারাজ ধৃতরাষ্ট্র এবং দুর্যোধনাদির অভিমত গ্রহণ  
ক'রতে তাঁরা গেলেন রাজ-প্রাসাদে, আর আমি এলাম আপনার সঙ্গে  
দু'টো রসালাপ ক'রতে।

ভীষ্ম। রাজহুয়ের কল্পনা হ'য়েছে বটে, কিন্তু এখনো বুঝতে পারছি  
না, এ যজ্ঞের পরিণাম কোথায় গিয়ে দাঁড়াবে, কিম্বা এ যজ্ঞ সফল হবে  
কি না ?

শ্রীকৃষ্ণ। সত্যত আপনি, আপনার মনে কখনো মিথ্যা কল্পনার  
উদয় হবে না। পিতামহ, এ যজ্ঞ পূর্ণ হবে।

ভীষ্ম। তোমার মুখে এ কথা শুনে আশ্বস্ত হলেম ভাই, পূর্ণ হবে  
কি ?—হয়েছে !

শ্রীকৃষ্ণ। পিতামহ, বলুন এখন আমাদের কি কর্তব্য ?

ভীষ্ম। রাজহুয়—ভারতবর্ষের বিভিন্ন প্রদেশের সমস্ত রাজাকেই  
নিমন্ত্রণ ক'রতে হবে। অঙ্গ, বঙ্গ, কলিঙ্গ, সৌরাষ্ট্র, মিথিলা, পাঞ্চাল,  
মদ্র, গান্ধার, পৌণ্ড্র, চেন্দী, বিদর্ভ—সব। যারা নিমন্ত্রণ গ্রহণ করবেন  
না, তাঁদের যুদ্ধে আহ্বান ক'রে পরাস্ত ক'রতে হবে। একচ্ছত্র  
ভূপতিই রাজহুয়ের অধিকারী। ভারতের—চারিদিকে ভীমার্জুনাদি  
চারি ভ্রাতা দিগ্বিজয়ে যান; আর যত্নপতি, তোমাকে আর

কি কখন ? পাণ্ডবেরা তোমার আশ্রিত, তাদের সকল ভারই তোমার।

শ্রীকৃষ্ণ। পিতামহ, তার আমারই বটে, কিন্তু তার বহনের শক্তি আপনার।

### দৌবারিকের প্রবেশ

দৌবারিক। মগধ হ'তে এক ব্রাহ্মণ এসেছেন, তিনি যদুপতির সাক্ষাৎপ্রার্থী।

ভীষ্ম। ব্রাহ্মণকে সৰ্ব্বাগ্রে পাণ্ড-অৰ্ঘ্য দিয়ে পূজা ক'রে এখানে নিয়ে এস। [দৌবারিকের প্রস্থান।]

শ্রীকৃষ্ণ। ব্রাহ্মণ ? আমার সাক্ষাৎপ্রার্থী ?

### ব্রাহ্মণের প্রবেশ

শ্রীকৃষ্ণ। আসুন ব্রাহ্মণ, আমার প্রণাম গ্রহণ করুন। অগ্রে উপবেশন করুন ; নিবেদন করুন কি আপনার প্রয়োজন ? আপনি আমার নিকট এসেছেন ?

ব্রাহ্মণ। হাঁ, দ্বারকায় গিয়েছিলাম, শুনলেম আপনি ইন্দ্রপ্রস্থে ; ইন্দ্রপ্রস্থে এলেম, শুনলেম আপনি হস্তিনায়। অপেক্ষা ক'রতে পার্লাম না, এখানেই আসতে হ'ল। মার্জনা ক'রবেন, আমি নিভুতে আপনাকে কিছু জানাতে চাই। জানি না এ স্থান নিভূত আলাপের উপযুক্ত কি না, আমার বক্তব্য গোপনীয়।

ভীষ্ম। ব্রাহ্মণ, আপনি নির্ভয়ে আপনার বক্তব্য বলুন, আমি এই গৃহের দ্বার রক্ষা করছি, আপনার শক্তি হবার কোন প্রয়োজন নাই।

[প্রস্থান।]

শ্রীকৃষ্ণ। ব্রাহ্মণ, আপনার অভিপ্রায় কি বলুন ?

ব্রাহ্মণ। ভরাসন্ধের অত্যাচারে ভারতের বহুপ্রদেশ ধ্বংস হ'চ্ছে।



তার বলবীৰ্য্য আপনি জানেন ! এই ভারতে আপনিই একমাত্র তার প্রতিদ্বন্দী। সেই রাজকুলের কলঙ্ক এই ভারতের ছিয়াশীজন রাজাকে কারারুদ্ধ ক'রে রেখেছে। তার উদ্দেশ্য, একশত স্বাধীন রাজাকে বন্দী ক'রে তাদেরই শোণিতে সে এক যজ্ঞ ক'রবে। ছিয়াশীটা জনপদ আজ অরাজক। নগরে নগরে, গ্রামে গ্রামে অরক্ষিত নর-নারী দস্যুর ক্রীড়া-পুতুল। নরহত্যা, ব্যভিচার, গৃহদাহ, লুণ্ঠন, দেশের সর্বত্র আধিপত্য বিস্তার ক'রছে। এই ভীষণ অবস্থা থেকে মুক্তি পাবার উপায় কি স্থির ক'রবার জন্য, অত্যাচার পীড়িত আমরা গোপনে পরামর্শ করি। পরে এই সব অত্যাচারীদের প্রতিনিধি হ'য়ে গোপনে মগধের কারাগারে বন্দী রাজাদের সঙ্গে সাক্ষাৎ করি। তাঁরা সকলেই একমত হ'য়ে আপনার শরণাগত হয়েছেন। আমি তাঁদের দূতস্বরূপ আপনার নিকটে এসেছি। তাঁরা আপনার উত্তর শোনবার জন্যই যেন জীবিত আছেন।

শ্রীকৃষ্ণ। ব্রাহ্মণ, আপনার আগমনের পূর্বেই আমি এ সংবাদ অবগত আছি। আর এই অত্যাচার নিবারণ ক'রবার উদ্দেশ্যেই আমি রাজা যুধিষ্ঠিরকে রাজন্যর যজ্ঞে ত্রতী হ'তে আদেশ দিয়েছি। মহামুণ্ডব ব্রাহ্মণ, আপনি যে অপরের ব্যাধা বহন ক'রে বহুদেশ পর্য্যটনের পর আমার কাছে এসেছেন, তজ্জন্য আপনাকে সহস্র সহস্রবার প্রণাম করি। আপনি কারারুদ্ধ রাজগণকে জানান, আমি অচিরেই মগধে গিয়ে তাঁদের সঙ্গে মিলিত হব। তাঁদের ব'লবেন, তাঁদেরই জন্য আমি বাধ্য হ'য়ে অস্ত্র ধারণ করেছি।

ব্রাহ্মণ। আপনিই বর্ধাষ ক্ষত্রিয়। আমি আর বিলম্ব ক'রব না, উৎকণ্ঠিত রাজাদের যত সম্বর পারি সংবাদ দিয়ে আশ্বস্ত করিগে।

[প্রস্থান।

শ্রীকৃষ্ণ। (স্বগত) কটকরূক্ষ সমস্ত দেশ ছেয়ে কেলেছে, কতদিনে তাকে উন্মূলিত ক'রতে পারব !

## ভীষ্মের পুনঃ প্রবেশ

ভীষ্ম। ব্রাহ্মণ চলে গেলেন দেখ্লেম।

শ্রীকৃষ্ণ। হাঁ। পিতামহ, ব্রাহ্মণ দয়া ক'রে এক গুরুভার দিয়ে গেলেন! দ্বিধিজয়ের জন্য উপস্থিত নকুল সহদেব সৈন্ত-সামন্ত নিয়ে বহির্গত হ'ক, আমি ভীষ্মার্জুনকে সঙ্গে ল'য়ে একবার জরাসন্ধের সহিত সাক্ষাৎ ক'রে আসি।

ভীষ্ম। তোমার উদ্দেশ্য আমি বুঝেছি; কিন্তু শুধু ভীষ্মার্জুন কেন—সৈন্ত, সেনাপতি, পাণ্ডববাহিনী—

শ্রীকৃষ্ণ। না; সৈন্ত ল'য়ে প্রকাশ্য যুদ্ধে জরাসন্ধকে পরাস্ত করা সহজসাধ্য হবে না; আমি তার বল-বিক্রম জানি। সে বহু সৈন্তের অধিনায়ক। পিতামহ, নিশ্চিন্ত থাকুন; বিনা রক্তপাতে, লোকক্লয় না ক'রে আমি জরাসন্ধকে হয় যুধিষ্ঠিরের বশ্বতা স্বীকার করাব, না হয় যুদ্ধে তাকে বধ ক'রে ধরণীর একটা কণ্টক উচ্ছেদ ক'রব। চলুন, ইচ্ছাপ্রাণে যাই, তারপর আমরা অতই মগধে যাত্রা ক'রব। [উভয়ের প্রস্থান।

## মগধ—প্রাসাদ-কক্ষ

## জরাসন্ধ

জরা। একশত রাজ-কারাগার নির্মাণ ক'রেছিলেম, তন্মধ্যে ছিয়ালীট কক্ষ যোগ্য অধিবাসীতে পূর্ণ হ'য়েছে, এখনও চৌদজন বাকী; আর আগন্তু কালহরণ বিধেয় নয়। রাবণ বিলম্বের জন্য স্বর্গের সোপান নির্মাণ ক'রতে পারেনি। আজই মন্ত্রীদের উপর রাজ্যের ভার দিয়ে পুনরায় দ্বিধিজয়ে বহির্গত হব। কে আছে?

## দৌবারিকের প্রবেশ

দৌবারিক। মহারাজ!

জরা। প্রথম অমাত্যকে ডেকে দাও। [দৌবারিকের প্রস্থান।  
—পুত্র সহদেব বালক, এক কণ্ঠা পতিশোক উন্মাদিনী, দ্বিতীয় কণ্ঠা  
আমার কলঙ্ক! শ্রীকৃষ্ণকে এখনও বধ ক'রতে পারেন না। ভীকৃ!  
কৃত্রিয় হ'য়ে পলায়ন ক'রলে—লোকে এমন কাপুরুষেরও গৌরব করে?  
দেখছি পৃথিবী ক্রমশঃ বীরহীন হ'য়ে পড়ছে।

### প্রধান অমাত্যের প্রবেশ

অমাত্য। মহারাজ আমায় অরণ করেছেন?

জরা। হাঁ, আসন গ্রহণ করুন। আমি অতীত দিগ্বিজয়ে বহির্গত  
হব, আপনি সদর আয়োজন করুন। জ্ঞানীরা বলেন, বাসনা কখনও  
অপূর্ণ রাখা উচিত নয়। আপনি যজ্ঞের আয়োজন ক'রে রাখবেন,  
আমি সদরই ফিরে এসে যজ্ঞ পূর্ণ ক'রব।

অমাত্য। আপনি নিশ্চিন্ত মনে যাত্রা করুন, আমি প্রাণপণে  
আপনার সিংহাসনের মর্যাদা রক্ষা ক'রব।

### অস্তির প্রবেশ

অস্তি। পিতা!

জরা। এ কি! কে সন্মোখিল পিতা বলি'?

অস্তি। আমি অস্তি।

জরা। অস্তি বটে আকার সাদৃশ্বে;

ছিল কণ্ঠা অস্তি নামে মোর,

কিন্তু মৃত্যু এবে!

পিতা বলি' সন্মোখন নাহি কর মোরে,

আমি নহি জনক তোমার।

অস্তি। কেন বাবা, আমি কি ক'রেছি যে তুমি আমায় তিরস্কার  
ক'রছ?

জরা । বুঝিতে না পারি ভাগ্যের বিধান !  
 আমি অরাসন্ধ—ভারতের রাজ্য প্রাধান,  
 বীরত্ব প্রভাবে যার,  
 কল্পকুলে দিয়ে কালি  
 যদুকুল প্রাণতয়ে ত্যজি জন্মভূমি  
 অনার্য্য সেবিত দেশে ল'য়েছে আশ্রয়—  
 কত্যা তুই তার,  
 শুনি সেই যাদবের পরিত্যক্ত বংশের অঙ্গার,  
 গোপ-অগ্নে বর্জিত শরীর,  
 দুর্নীতি আচার,  
 কৃষ্ণ নাম যার—  
 ইষ্ট সম তুই নাকি পূজিস্ তাহারে ?

অস্তি । ওমা ! এইজন্তে তোমার এত রাগ ? কেন বাবা, কি  
 দাষ হ'য়েছে তাতে ?

জরা । কি জ্ঞান !  
 হেরি' ছায়ামাত্র যার ভয়ে ভীত কাঁপে চরাচর,  
 সম্মুখে তাহার,  
 নিঃশব্দ হৃদয়ে বালিকা স্বচ্ছন্দে কহে  
 কেন, 'কিবা দোষ তায় ?'  
 পিতৃত্বের এক অভিশাপ ।  
 না—না—আমি কতু পিতা নহি তোরা ।  
 অতি ভীকু পুরুষ অধম  
 নাহি চায় নারী-বধ-কলঙ্ক বহিতে ।  
 নহে এখনো কি রহিস্ জীবিত ?  
 এক কত্যা উন্মাদিনী

পতিহত্যা প্রতিশোধ আশে  
 নভস্ক্যুত উৎসাহ  
 কভু গৃহে কভু পথে ফিরে দিশেহারী—  
 আর তুই—

আরে আরে হীনমতি,  
 ভুলি' ধর্ম, ভুলি' লজ্জা, ভুলি' মর্যাদা নারীর,  
 ভুলি' স্বামি-শোক  
 অমান বদনে  
 দাঁড়ায়ে সম্মুখে কর পিতৃসম্বোধন ?

হে শঙ্কর,  
 যত্ন কর কি আর কোন না ছিল উপায় ?  
 শূল কিম্বা পাশুপত  
 সত্য কি হে হীনশক্তি কুলটা তনয়া হ'তে ?

অস্তি। ছি বাবা, রাগে জ্ঞান হারিয়ে আমাকে কি বলছ ? আমি  
 যে তোমার মেয়ে ! আমাকে কি ওসব কথা বলতে আছে ? আমি  
 কৃষ্ণের পূজা করেছি ব'লে আমার দোষ দিচ্ছ ? আমি তাঁর ঘরে বাস  
 ক'রেছি ব'লে আমার দোষ দিচ্ছ ? তাই তুমি কৃষ্ণের নিন্দা করছ ?  
 আমার বোন স্বামি-শোকে পাগল হ'য়েছে, আমি পাগল হইনি ব'লে  
 তোমার এত রাগ ? স্বামি-শোকে আমিও তো খুব কাঁদছিলাম, কিন্তু  
 তাকে দেখে সব ভুলে গেলাম, চোখের জল শুকিয়ে গেল ! মনে হ'ল  
 সে যেন আমার ইষ্ট, সে যেন আমার ছেলে, সে যেন আমার বাপ। সে  
 ডাকলে “মা”—আমি বল্লাম—“কেন বাবা ?” তারপর আর কিছু তো  
 আমার মনে নেই, আর তো কিছু মনে ক'রতে পারি না। তাকে  
 বল্লাম—“বাবাকে দে'খতে যাব”, কত আদর ক'রে রথে ক'রে পাঠিয়ে  
 দিলে।

জরা । বজ্রাঘাত হ'ক তোর শিরে,  
পাপ জিহ্বা পড়ুক খসিয়া,  
দূর হ' রে সম্মুখ হইতে মোর,  
এই গৃহে আর তোর নাহি স্থান !  
মস্তি ! কহ রক্ষিগণে,  
রাজ্যের সীমান্ত পারে  
দূর ক'র দিয়ে আসে  
মগধের ঘৃণিতা নারীরে এই !

অমাত্য । মহারাজ, ইনি আপনার কন্যা ।

জরা । না না—  
শোণিত বিকার,  
ছুষ্ট ব্যাধি, কুগ্রহ আমার,  
বিষত্রণ, লজ্জা, শ্রানি, পাপ অভিলাপ !  
বুঝি উন্মাদ করিতে মোরে  
ছলে পাঠায়েছে হীন বশুদেব-সুত !  
মস্তি—যাও, কহ রক্ষিগণে আদেশ আমার ।

অস্তি । বাবা, তোমাদের জন্মে—মন-কেমন করছিল, তাই এসে-  
ছিলুম ; তোমার জন্মে, দিদির জন্মে—মা তো নেই ? তা তুমি তাড়িয়ে  
দিচ্ছ ? সত্যি তাড়িয়ে দিচ্ছ ? তা রক্ষী কেন বাবা ? রক্ষী আমার  
হাত ধ'রবে—এই বাড়ীতে—আমি তোমার মেয়ে ? আমি আপনাই  
বাচ্ছি । আমার কান্না পাচ্ছে, আমি কিন্তু কাঁদব না । তাকে ডাকলে  
চোখের জল শুকিয়ে যায়, আমি তাকে ডাকি । এতদিন আমার মনে  
মনে বিশ্বাস ছিল তোমার এখানে একটু আশ্রয় আছে, আজ সে ভুল  
ভান্ন ! আমার কোন আশ্রয় নেই, কেউ নেই, শুধু সে আছে ।  
এখানে পাঠিয়ে বুঝি এই শিক্ষা দিলে ? ছি—তুমি ভারি দুষ্ট । সেখানে

ব'লেই হ'ত, এখানে কষ্ট ক'রে আসতুম না। তা হ'লে বাবা, যাই ? যাই ? তুমি ভাড়িয়ে দিলেও তুমি তো বাপ, একটা গড় ক'রে যাই।

জরা। আমি অকৃতজ্ঞ কন্ডার প্রণাম গ্রহণ করি না, তুই আমার সম্মুখ হতে দূর হ'!

অন্তি। যাচ্ছি বাবা, কিন্তু তোমার জন্তে আমার বড় দুঃখ হ'চ্ছে। তুমি তার নিন্দা কর, তাকে গাল দাও, তার সঙ্গে লড়াই কর। মানুষ মেরে মেরে তোমার প্রাণ পাষণ হ'য়ে গেছে, তাই তোমার জন্তে আমার মন-কেমন করে ; সেই জন্তে তার আদর ভুলে তোমার এখানে এসেছিলুম। আমি জানি সে আমার স্বামীকে মেরেছে ; কিন্তু তার জন্তে দায়ী আমার স্বামী, দায়ী তুমি। তোমরা কত মেয়েকে পতিহীন করেছ বল দেখি—পতিহীনা, পিতৃহীনা, পুত্রহীনা ? তখন তো নিজের মেয়ের মুখ চাওনি, জ্বীর মুখ চাওনি, ছেলের মুখ চাওনি ; এখন রাগতে কি হবে ? আমি যাচ্ছি ; আজ সকল আশ্রয় হারিয়ে, তারি আশ্রয়ে যাচ্ছি,—সে নিরাশ্রয়ের আশ্রয় !

জরা। দূর হ'ক ! অসহ ! আমিই যাচ্ছি।

[ প্রস্থান

( গীত )

অন্তি। আমার সকল বান্ধন ঘুচিয়ে দিয়ে

তোমার পায়ে নাঙগো টেনে।

ঘুরিয়ে না আর মারার ঘোরে,

ঘুম ভেঙ্গেছে কোন্ সে ভোরে,

রাতের অঁধার চোখের পাতার,

চ'লতে বাধে পথ যে চিনে ॥

পুড়িয়ে দাও সব আশার বাসা,

( আমি ) চাইলে কারো ভালোবাসা,

সকল জ্বালায় জ্বালিয়ে নিয়ে

ঠাই দিও হরি অনাথ জেনে।

[ প্রস্থান

জরাসন্ধ ও অমাত্যের পুনঃ প্রবেশ

জরা। চ'লে গেল ? সত্য কি অস্তি ? আমার কণ্ঠা—আমার কণ্ঠা ! কখনও না—কখনও না ; সকলে ব'লতো আমারই মুখের মত মুখ। পাপিষ্ঠা !

অমাত্য। মহারাজ, ক্রোধের বশবর্তী হ'য়ে কাজটা ভাল ক'লেন না। কণ্ঠা লক্ষ্মী, আজ প্রত্যাষে লক্ষ্মীর অপমান ক'লেন ? যা স্বেচ্ছায় আশ্রয় নিতে এসেছিলেন, আপনি তাঁকে তাড়িয়ে দিলেন ? এখনও কিরিয়ে আনুন, আমার কথা রাখুন, যান্ মহারাজ—আমি ব্রাহ্মণ, ভিক্ষা চাচ্ছি, এখনও যান্, যাকে কিরিয়ে আনুন ; না হয় আমার অনুমতি করুন, আমি মহামায়াকে শান্ত ক'রে ঘরে কিরিয়ে আনি।

জরা। আমা হ'তে দেখছি আপনার স্নেহ কিছু অধিক ! কণ্ঠা ! কণ্ঠা ! আমার কণ্ঠা প্রাপ্তি, অস্তি নয় ! লক্ষ্মী ! দেখছি অলক্ষ্মী আমার কণ্ঠার মূর্তি ধ'রে আমাকে প্রতারিত ক'রতে এসেছিল ; তাড়িয়ে দিয়েছি ভালই হয়েছে।

প্রতিহারীর প্রবেশ

প্রতি। মহারাজ ! তিন জন স্নাতক ব্রাহ্মণ আপনার দর্শন-প্রার্থী।

জরা। ব্রাহ্মণ ? প্রার্থী ? নিয়ে এস।

[ প্রতিহারীর প্রস্থান।

ব্রাহ্মণবেশে শ্রীকৃষ্ণ, ভীম ও অর্জুনের প্রবেশ

সকলে। জয়োহস্ত।

জরা। প্রণাম গ্রহণ করুন।

( স্বগত ) বিপ্রসম বেশ,

কিন্তু আকৃতি কল্লিয়োচিত।

ধনুছিল-পীড়িত প্রকোষ্ঠ—



হয় হৃদে সন্দেহ উদয় । সত্য বিজ্ঞ ?

কিছা শত্রুচর এসেছে ছলিতে ?

( প্রকাশ্যে ) আপনাদের অভিপ্রায় কি, অনুমতি করুন ।

শ্রীকৃষ্ণ । ওনলেম আপনি প্রত্যুষে স্নাতক ব্রাহ্মণদের দ্বানে বিমুখ করেন না, তাই আপনায় নিকট এসেছি ।

জয়া । বেশ বলুন, আপনারা কি চান, আমি আপনাদের অভিলাষ পূর্ণ করব ।

শ্রীকৃষ্ণ । আমরা বুদ্ধার্থী হ'য়ে আপনার নিকট এসেছি । আপনার সহিত দ্বন্দ্বযুদ্ধ প্রার্থনা করি । এই তিন জনের মধ্যে যাকে হয় আপনার প্রতিপক্ষ নির্বাচন ক'রে নিতে পারেন ।

জয়া । অদ্ভুত প্রার্থনা তব ! বুদ্ধার্থী ব্রাহ্মণ ?

কিছা সুনিশ্চিত সন্দেহ আমার ;

শত্রু মোর এসেছে ব্রাহ্মণ বেশে

গুঢ় অভিসন্ধি ল'য়ে

প্রতারিত করিতে আমারে ?

শ্রীকৃষ্ণ । মহারাজ ! আর সন্দেহের প্রয়োজন নাই । আপনি যথার্থ-ই অনুমান করেছেন ; আমরা ব্রাহ্মণ নই, ক্ষত্রিয় । তবে আমরা আপনার শত্রু নই, আপনিই আমাদের শত্রু । আপনি মথুরা আক্রমণ করেছিলেন, আমরা প্রতিরোধ করেছিলাম মাত্র । আজও শত্রুরূপে আমরা আপনার কাছে আসিনি, মিত্রভাবেই এসেছি ; যদি মিত্রতা রক্ষা না করেন, আমাদের মধ্যে যার সঙ্গে হয়, বুদ্ধার্থে প্রস্তুত হ'ন্ ।

জয়া । এতক্ষণে বুঝি পামর, কেবা তুই,

কি উদ্দেশ্যে আগমন হেথা তোর ।

জানিতাম তীরু তুই, পটু পলায়নে—

আজি দেখি—ছল—প্রতারক !

ছদ্মবেশে আপন লুকায়ে  
তঙ্করের প্রায় এসেছিস সন্মুখে মৃত্যুর :  
আজি দেখি দেবতা সহায় মোর,  
তুষ্ট মহাদেব—

তাই যুদ্ধার্থী ব্রাহ্মণরূপে  
চির শত্রু আপনি আসিল পুরে ?  
কহ কৃষ্ণ সঙ্গী ছ'টা কেবা ?  
কোন্ কুল করিয়া উজ্জল  
চৌরবেশে প্রবেশ করিল হেথা  
তঙ্করের শিরোমণি সনে ?

ন। ভারত বিখ্যাত কীর্তি—

চন্দ্রবংশে জন্ম দৌহাকার ;  
মহামতি পাণ্ডুর তনয়,  
ইনি ভীম—মধ্যম পাণ্ডব,  
আমি অমুজ অর্জুন ।

জরা। বটে ?

আসিয়াছ দুই ভাই ?  
বুঝি শুন নাই জরাসন্ধ নাম ?  
কেন আনিলে না ক্লীব ভীয়ে কিম্বা বৃদ্ধ দ্রোণে ?  
নিতান্ত বালক দেখি,  
বুদ্ধ সাধ কি মিটিবে তোমাদের সনে ?  
( শ্রীকৃষ্ণের প্রতি ) আর তুমি—  
( স্বগত ) উন্মাদ করেছে এই ভণ্ড  
নন্দিনীয়ে মোর ;  
ইচ্ছা হয় বধি প্রাণ পাবাণে আছাড়ি !

( প্রকাশ্যে ) আর তুমি—

রে বর্বর !

রহ স্থির—

তিনজনে একে একে বধিব সময়ে ।

ছলে কহ আসিয়াছ মিত্ররূপে,

মিথ্যাবাদী, অসত্যভাবিন্ !

কৈতবের নাহি স্থান আর ?

শ্রীকৃষ্ণ । নহে মিথ্যা,

সত্য কহি শুন শুন মগধ-দৈত্বর,

সাক্ষী রাখি দেবতা মানব কহি সত্যবাণী ;

সত্য আসিয়াছি মিত্রভাবে আমি,

যুদ্ধ সাধ তিলমাত্র নাহি মোর মনে ।

তুমি ভাগ্যবশে জন্মি' নৃপকূলে

জন্মাবধি করিয়াছ দুর্বল পীড়ন,

অগণন নর-নারী ক'রেছ নিধন,

শাস্ত ধরণীর স্নেহার্দ্ৰ হৃদয়ে

বহায়েছ রুধির প্লাবন !

শুনিলে তোমার নাম

আতঙ্কে শিহরে নারী,

ব্যাত্তভয়ে ভীত পথিকের প্রায়

উর্দ্ধ্বাসে ছোটো নর সত্য অস্তর !

তুমি করিয়াছ যজ্ঞ আয়োজন,

সেই হেতু নির্দম হৃদয়ে

কারারুদ্ধ করিয়াছ বহু নরপতি ;

আমি আসিয়াছি আত্মানে তাদের ।

যদি মিত্রভাবে বস্তুতা স্বীকার করি  
 মুক্তি দাও সবে,  
 আমি চ'লে যাই  
 আনন্দে উচ্চারি জয় উদ্দেশে তোমার ।  
 আর যদি ভিন্নরূপ থাকে হে বাসনা—  
 এস রণক্ষেত্রে, তোমারি রুধিরে,  
 যজ্ঞ পূর্ণ করি হে তোমার ।

জরা । মুক্তি দিব সবে,  
 মুক্তি দিব যুগকাঠে খড়্গের আঘাতে !  
 অতি ক্ষুদ্র তুই,  
 ক্ষুদ্র দেহ তোর কতটুকু শক্তি ধরে ?  
 কি कहিলে ? অর্জুন তোমার নাম ?  
 সমান আকার দৌহে ।  
 তুমি মধ্যম পাণ্ডব ভীমসেন ?  
 দেখে মনে হয়—  
 কথঞ্চিৎ পারিবে সহিতে শক্তি মোর ।  
 ভাল, শুন ওহে যাদব-নন্দন,  
 রণক্ষেত্রে যেই ক্ষত্র করে পলায়ন  
 তার সনে  
 জরাসন্ধ কভু অস্ত্র নাহি ধরে ।  
 তোমা সনে যুদ্ধ না করিব ।  
 আমি হৃদয়ঙ্কে আবাসানি ভীমেরে—  
 চল রণক্ষেত্রে ।  
 যত্নি !  
 অস্ত্রাধ্যক্ষে কহ রঙ্গস্থলে লয়ে যেতে

মুখল'খুদগর গদা ।

বাহা সাধ লহ হে বালক ;

সুপ্রসন্ন ভাগ্য মোর,

যজ্ঞপণ্ড গৃহে সমাগত ।

এস সাধে—লহ ত্রিকা স্নাতক ত্রিকুক ।

ভীম ।

চল,

আমি গদায়ুধে চাহি প্রাণ ত্রিকা তব ।

[ সকলের প্রস্থান ।

### শপথের দৃশ্য

ইন্দ্রপ্রস্থ—রাজ-অস্ত্রপুৰ—উদ্যান

সত্যভামা, রুক্মিণী, দ্রোপদী, সুভদ্রা প্রভৃতি

রুক্মিণী । ( দ্রোপদীর প্রতি ) আজ তোমার কথা আমরা কেউ শুনবো না, আমাদের কথাই তোমাকে শুনতে হবে ।

দ্রোপদী । তোমাদের সকলের কথা, আর আমি একা, পেরে উঠবো কেন ভাই ?

সত্যভামা । না পারলে চ'লবে কেন ? শুধু শোনা নয়, আমাদের সকলেরই কথা তোমায় রাখতে হবে ; আমরা যে যেমন বলবো তোমায় সাজতে হবে ; রাজহুয় যজ্ঞের অধীশ্বর মহারাজ যুধিষ্ঠির, আর তুমি তাঁর মহিষী, যজ্ঞের অধীশ্বরী ; মানবী কি ছার, আজ দেব-কন্ডারাতো তোমার গৌরবের দীর্ঘা করেন । আজ আমাদের কথা না রাখলে চলে !

দ্রোপদী । এই তো সাজিয়েছে ; এর পরও যদি সাজাবার বাকী থাকে, আমি নাচায় । একা সকলের মন জুগিয়ে সাজি কি ক'রে বল ?

সত্য। তা ভাই তোমার কাছে এটা তো নূতন নয়। পাঁচ জনের মন জুগিয়ে চলই তো আজ তুমি ভারতের অধীশ্বরী।

রুক্মিণী। যা বলেচো ভাই; বন্দাবনের কথা ছেড়ে দাও, দ্বারকায় আট জন মহিষী আমরা, ঠাকুরটী একা; আট জন মিলেও তাঁর মন জোগাতে পারিনে, আর তুমি ভাই একা কি ক'রে যে কি কর আমরা তো বুঝতেই পারিনে।

সত্য। ওলো, পাঞ্চালের মেয়েরা ওষুধ করতে জানে। তুই তো আটকে রাখতে পারিস্ না। এবার রাজসূয় যজ্ঞে এসে পাঞ্চালীর কাছে স্বামী বশ করা ওষুধ একটু শিখে বাস, দ্বারকায় গিয়ে কাজে লাগাতে পারবি।

রুক্মিণী। সে দরকারটা আমার চেয়ে তোমারই বেশী। স্বামীর মন রাখতে তার বোনটিকে অর্জুনের হাতে তুলে দিয়েছিলে তুমি। তুমি কি কম?

সত্য। তাতে তোমার এত গায়ের জালা কেন?

সুভদ্রা। ওঁর বোনকে দাওনি ব'লে।

সত্য। ঠিক বলেছি।

দ্রৌপদী। ছি ভাই, স্বামীকে নিয়ে এমন পরিহাস কি ক'রতে আছে?

সত্য। না, তোমার মত ওষুধ করতে আছে।

দ্রৌপদী। ছি, ছি, আমি কখনো এমন হীন কার্যের কল্পনাও করিনি।

সত্য। তবে ঠাকুরণ, কি ক'রে তোমার স্বামীরা তোমার এমন বশীভূত বল তো?

দ্রৌপদী। সে কথা শুন্লে খুসী হবে?

রুক্মিণী। খুব খুসী হবে; পারি তো শিখে যাব।

দ্রোপদী । অধম স্ত্রী যারা তারাই স্বামীকে মস্ত্রোষধি দ্বারা বশীভূত করবার চেষ্টা করে। যে উত্তম সে স্বামীকে বশীভূত করে প্রেমে, সেবায়, সহিষ্ণুতায়, আশ্রয়্যাগে, নিজেকে বিলিয়ে দিয়ে, নিজের কিছুমাত্র স্বাভাব্য না রেখে। আমি আমার স্বামীদের ভক্তি করি, কায়মনোবাক্যে ভক্তি করি ; সেই ভক্তির মূলে তাঁরা আমার বশীভূত হ'য়ে আছেন। আমি স্বামীর শয্যাভ্যাগের পূর্বে শয্যাভ্যাগ করি, তাঁরা নিদ্রাভঞ্জে উঠে দেখেন গৃহের সকল কাজই শেষ হয়েছে। তাঁদের আহারাভ্যন্তে পৌরজন এবং অতিথি সকলের আহার শেষ হ'লে আমি আহার গ্রহণ করি ; তাঁরা যখনই কার্য্যাস্তর হ'তে গৃহে আসেন আমি পাণ্ড-অর্ঘ্য দিয়ে তাঁদের সর্ষদ্বনা করি। আমি স্বহস্তে তাঁহাদের জন্ত রন্ধন করি, পরিবেশন করি আমি, আচমনের জল দিই আমি, ভোজনান্তে তাঁদের উত্তম শয্যারচনা ক'রে দিই আমি নিজে, যতক্ষণ তাঁরা নিদ্রিত না হন আমি পদসেবা করি, তাঁরা নিদ্রিত হ'লে তাঁদের পদপ্রান্তে আমি শয্যা গ্রহণ করি। তাঁদের প্রয়োজন না হ'লে আমি কখনো বিলাস দ্রব্য ভোগ করি না। এই জন্তই আমার স্বামীরা আমার অনুরক্ত, হীন ঔষধের গুণে নয়।

কুঞ্জিনী । এ যে সাংঘাতিক ঔষধ ভাই ! দাম্পত্য-নিদানে পাণ্ডব-গৃহিণী শ্রীমতী দ্রোপদী স্বয়ং এর ব্যবস্থা ক'রেচেন ; এর চেয়ে ঔষধ আর কি আছে তাতো জানি না।

### পরিচারিকার প্রবেশ

পরি । রাজসভায় প্রবেশের সময় হয়েছে

সত্য । চল আমরাও প্রস্তুত।

[ সকলের প্রস্থান।

সখীগণের মাজলিক-দ্রব্য লইয়া প্রবেশ

( গীত )

মঙ্গল কুন্ত শিরে—অভিবেক বারি,  
 তীরধ-তীরধ কিরি একেলি নারী ।  
 হৃদয়কুন্তে জাহ্নবী যমুনা,  
 সিদ্ধু কাবেরী—শ্রেম করুণা,  
 চঞ্চলা নন্দনা উছলিত সদা,  
 গোদাবরী সরস্বতী কলুষহারী ।  
 কুঙ্কুমরাগ-রঞ্জিত বদনে—  
 উজ্জ্বল কজ্জল পঙ্কজ-নয়নে,  
 কুহুম মালা দোলে গলে—  
 অলঙ্কক-রেখা চরণ তলে—  
 লেখা চন্দন ভালে, পাণ্ডুর চন্দ্রমা লাজে ।  
 চলে রাজরাজেশ্বরী বিমোহিনী সাজে  
 মঙ্গল শঙ্খ ঘন ঘন বাজে ।  
 বাজে বাজে বীণা মনোমোহে ।

ষষ্ঠ দৃশ্য

ইন্দ্রপ্রস্থ—রাজস্বয় যজ্ঞের একাংশ

শ্রীকৃষ্ণ, ভীষ্ম, যুধিষ্ঠির, ভীম, অর্জুন, নকুল, সহদেব, ধৃতরাষ্ট্র,

দ্রুপদাচার্য, দ্রুপদাচার্য, প্রভৃতি কুরুগণ, শকুনি, দ্রোণাচার্য,

কুপাচার্য, অশ্বখামা এবং ভারতের বিভিন্ন প্রদেশের

রাজগণ, ঋষি, যতি, ব্রাহ্মণগণ ইত্যাদি

ভীষ্ম । ভারতের সকল প্রদেশের রাজগুরু সমাগত হ'য়েছেন,  
 কিন্তু একখানি সিংহাসন শূন্য দেখছি ; আমরা কোন্ নরপতির অভাব  
 অনুভব করছি ?

সহদেব । চন্দ্রীরাজ শিশুপাল এখনও সত্যস্থ হননি ।

ভীষ্ম । তাহ'লে তাঁর জন্য আমরা আর কিছুকণ অপেক্ষা ক'রবো,



যদি নির্দিষ্ট সময়ের মধ্যে তিনি না আসেন, তা হ'লে তাঁর কুশম্বর্জি স্থাপন ক'রে যজ্ঞ আরম্ভ ক'রতে হবে।

[ একজন ব্রাহ্মণ যজ্ঞস্থলে প্রবেশ করিলেন, সহদেব

তাঁহাকে প্রত্যুদ্গমন করিয়া আনিলেন ]

শ্রীকৃষ্ণ। আশুন, আশুন ব্রাহ্মণ, আপনার পদপ্রক্ষালন ক'রে আমি কৃতার্থ হই।

ব্রাহ্মণ। না, না, আপনি ক্ষত্রিয়, আপনি রাজা !

শ্রীকৃষ্ণ। ক্ষত্রিয় রাজা যে চিরদিনই ব্রাহ্মণের সেবক, ইত্যন্ততঃ ক'রছেন কেন ব্রাহ্মণ।

শকুনি। আপনাদেরই পূর্বপুরুষ তো নারায়ণের বক্ষে পদস্থাপন করতেনও ইত্যন্ততঃ করেন নি, এ যে আপনাদের জাতীয় অধিকার, পা ধুইয়ে দিবেন এ আর বড় কথা কি ?

প্রতিহারীর প্রবেশ

প্রতিহারী। চেন্দীরাজ মহামতি শিশুপাল রথ হ'তে অবতরণ ক'রলেন।

[ প্রতিহারীর প্রস্থান।

ভীষ্ম। যাও সহদেব, রাজাকে সসম্মানে এখানে নিয়ে এস।

সহদেব। যথা আজ্ঞা।

[ প্রস্থান।

শকুনি। ভীষ্মদেব, আপনি যাঁর জন্ত ব্যাকুল হয়েছিলেন—তিনি লশরীরে এসেছেন। কুশপুত্তলিকার আর প্রয়োজন হোল না। ( জনাস্তিকে শল্যের প্রতি ) কি দম্ভ দেখেছ ?

শিশুপালকে লইয়া সহদেবের পুনঃ প্রবেশ

ভীষ্ম। এস রাজা, আমরা উদ্গ্রীব হ'য়ে তোমারই অপেক্ষা ক'রছিলাম, এস, আসন পরিগ্রহ কর।

শিশু। এই যে সকলকেই সমাগত দেখছি ; আমার বিলম্বের জন্য বড়ই লজ্জিত হ'লেম।

শকুনি। তাহ'লে দেখছি, লজ্জা এখনও চেদীরাজের ভূষণ হ'য়ে আছেন।

যুধি। পিতামহ, অনুমতি করুন এইবার যজ্ঞ আরম্ভ হোক।

ভীষ্ম। হাঁ, আর বিলম্বের প্রয়োজন নাই; হে সমবেত নৃপতি-মণ্ডল, হে ব্রাহ্মণ, যতি ও ঋষিগণ, আপনারা সকলে শুভ্রন ; মহারাজ যুধিষ্ঠির রাজসূয় যজ্ঞে ব্রতী হ'য়েছেন ; কিন্তু শাস্ত্রের বিধান, এই মহাযজ্ঞ আরম্ভের পূর্বে, ভারতবর্ষের মধ্যে সর্ব বিষয়ে কোন শ্রেষ্ঠ পুরুষকে এই সভার নেতা নির্বাচন ক'রে, পাণ্ড-অর্ঘ্য দিয়ে, তাঁকে যজ্ঞের ভার অর্পণ করা ; তিনি হবেন যজ্ঞেশ্বর, এই মহাযজ্ঞের ভার তাঁর। আপনারদের অনুমতি পেলে আমরা নেতৃ-নির্বাচনে প্রস্তুত হই।

সকলে। উত্তম ! উত্তম !

শিশু। একি ? ভ্রূকার হস্তে তোরণ দ্বারে কে ও ? বাসুদেব ? না—আমার দৃষ্টিভ্রম।

শকুনি। ভ্রম কেন ? উনি যদুকুলভিলক শ্রীকৃষ্ণ—আপনার মাতুল-পুত্র। সম্প্রতি এই যজ্ঞে, ব্রাহ্মণ-কুলের পদপ্রক্ষালনের ভার নিয়েছেন। রাজসূয় যজ্ঞ ! সকলের কিছু কিছু ভার নেওয়া চাইতো। আপনার জ্যেষ্ঠ ভীষ্মদেব বড়ই উদ্বিগ্ন হ'য়ে উঠেছিলেন। এইবার আপনিও একটা কাজ বেছে নিন্ ; উনি বড় ভাই, পা ধোয়াছেন, আপনি বাক্যে ক'রে জল ব'য়ে আনুন। মণিকাঞ্চনযোগ হোক।

[ রাজগণ উচ্চহাস্য করিলেন ; ভীষ্ম ও যুধিষ্ঠিরাদি পাণ্ডবগণ কিছু চঞ্চল হইলেন, কৌরব পক্ষীয়েরা স্থিতযুধ ]

শিশুপাল। কি পাপ ! যদুকুলে বৃষ্ণিবংশের কি এতদূর অধঃপতন হ'য়েছে ? এই কি ক্রত্বিয়ার আচার ! কৃষ্ণ, তোমার কি বুদ্ধিভ্রংশ হ'য়েছে ? তুমি এই হীন-কার্য্যে ব্রতী জান্লে আমি কখনই এই সভায় আস্তেম না। তোমাকে আত্মীয় ব'লে পরিচয় দিতে আমাদের লজ্জা হয়।

শ্রীকৃষ্ণ। শিশুপাল, সেবার কার্য্য কখনও হীন হয় না ; পাপ বা অন্ত্যায় কার্য্যকেই সাধুরা হীন ব'লে থাকেন ; আমি গৌরব মনে ক'রেই স্বেচ্ছায় এই কার্য্যে ত্রুতী হ'য়েছি।

শিশুপাল। দেখছি, বাল্যের সংস্কার কখনও যায় না ! তুমি বসুদেবের পুত্র হ'য়েও আশৈশব গোপ-গৃহে পালিত হ'য়েছ। গোপ-অগ্নে তোমার শরীর। তাই অন্ন-পাপে তোমার এই হীন বৃত্তি।

শকুনি। শান্ত্রের ব'লেছে—অন্ন-পাপ মহাপাপ।

শিশু। আর মহারাজ যুধিষ্ঠির, কুরুবৃদ্ধ ভীষ্ম, আমি বৃদ্ধিতে পারছি না, তোমরাই বা এই বুদ্ধিহীন কৃষ্ণকে এই ঘৃণিত দাসকার্য্যে নিয়োগ ক'রলে কি অভিপ্রায়ে ? কিম্বা তোমরা ইচ্ছা ক'রেই, আমার মাতৃ-কুলকে পৃথিবীর রাজাদের সম্মুখে অপমানিত করবার জন্তই এই ব্যবস্থা ক'রেছ।

যুধি। না না, তা কেঁন ? যদুপতি স্বেচ্ছায় এই ভার গ্রহণ ক'রেছেন।

ভীষ্ম। মহারাজ শিশুপাল, তুমি যা অভিযোগ ক'রলে তা সম্পূর্ণ মিথ্যা। তুমি এবং মহারাজ যুধিষ্ঠির ও ভীমার্জুন একই মাতৃকুল হ'তে উৎপন্ন ; স্মৃতরাং বৃষ্ণিবংশের অপমানের কল্পনাও আমরা ক'রতে পারি না। আমার ইচ্ছা, তুমি সংযত হ'য়ে এই মহাসভার গৌরব অক্ষুণ্ণ রাখ।

শকুনি। ( জনান্তিকে ) বসুন রাজা, বসুন। যে যা ভাল বোঝে করুক না, আমাদের কি ? আমরা মাত্র দর্শক। একটু পূর্বে আপনার কুশপুত্তলিকার ব্যবস্থা হ'চ্ছিল। ওঁরা কি কাউকে ভয় করেন ; বসুন।

[ শিশুপাল বিরক্তি সহকারে বসিলেন ]

ভীষ্ম। এইবার অর্ঘ্য-দানের ব্যবস্থা। সহদেব, অর্ঘ্য আনয়ন কর—এবং তুমিই প্রস্তাব কর—এই মহা-সভায় কোন্ পুরুষশ্রেষ্ঠকে অর্ঘ্য-দান করা বিধেয়।

শকুনি। হাঁ, এ কার্যটা পাণ্ডবদেরই কর্তব্য ; তাঁরাই যজ্ঞের অনুষ্ঠাতা।

[ সহদেব স্বর্ণখালীতে অর্ঘ্য আনিলেন ]

সহদেব। বীর্যবতায়, বংশগৌরবে, জ্ঞানে, ধর্ম্মাচরণে, মহাপ্রাণতায় যিনি জগতের মধ্যে শ্রেষ্ঠ, সেই আদর্শ পুরুষ শ্রীকৃষ্ণকেই আমি এই মহাসভার নেতা নির্বাচনের প্রস্তাব করি।

ব্রাহ্মণ ও ঋষিগণ। সাধু—সাধু—সহদেব!

কয়েকজন রাজা। কি ব'লে, সহদেব কার নাম ক'লে ?

শকুনি। কেন, সহদেব তো বেশ উচ্চকণ্ঠেই ব'লেছেন।

শিশু। (উঠিয়া) সহদেব, তুমি যা ব'লে তার পুনরাবৃত্তি কর।

নিশ্চয় তোমার ভ্রম হ'য়ে থাকবে।

শকুনি। মহারাজ শিশুপাল দেখছি আজ ভ্রম সংশোধন কর্ত্তেই এসেছেন!

সহদেব। ভ্রম কেন হবে রাজা? আমি আপনাদেরই মাতৃকুলের শ্রেষ্ঠপুরুষ যাদবপ্রধান শ্রীকৃষ্ণকে যজ্ঞেশ্বর রূপে বরণ করবার জ্ঞ প্রস্তাব করছি।

শিশু। ক্ষত্রিয় সমাজের কি এতদূর অধঃপতন হয়েছে যে, বালক সহদেবের এই হীন প্রস্তাব সকলে নির্দিষ্টবাদে অনুমোদন করবেন? এই মহাসভার নেতা হবে ঐ ঘৃণিত দাসবৃত্ত কৃষ্ণ—যে ভিক্ষুকের পদ-প্রক্ষালনের জ্ঞ ভৃঙ্গারহস্তে দ্বারে দাঁড়িয়ে আছে? সহদেব! এখনো তোমার ভ্রম সংশোধন কর; তোমায় সাবধান করছি, এ অপমান আমরা কেউ নীরবে সহ্য ক'রব না।

ভীষ্ম। মহারাজ শিশুপাল, বালক সহদেবের ভ্রম—বুদ্ধ আমি—আমি সংশোধন করছি। রাজস্বয়ং যজ্ঞের মহা আয়োজনে এ পর্য্যন্ত ভারতের কোন নরপতি সাহস করেন নি। ভাগ্যবান্ যুধিষ্ঠির এবং

তাঁর চারি ভ্রাতা, যাঁরা এই মহাযজ্ঞের অমুষ্ঠানে ব্রতী হয়েছেন—  
 আর মহাভাগ্যবান্ আমরা সকলে, এখানে যারা উপস্থিত আছি, যে,  
 এই সভার নেতৃত্ব গ্রহণের জন্ত আমরা এমন একজন মহাপুরুষকে  
 পেয়েছি—যাঁর সমকক্ষ কেউ নেই, কেউ ছিল না, কেউ কখনো হবে  
 না। যিনি বাক্য ও মনের অগোচর হ'য়েও, আমাদের সম্মুখে, আমা-  
 দেবই মত মানবের আকারে, আমাদেরিগকে যন্ত্র ক'রবার জন্ত ওই ভূদ্বার-  
 হস্তে দাঁড়িয়ে আছেন। মানব ভ্রমে গুঁর প্রতি কটুস্তি কোর না, গুঁকে  
 পাণ্ড অর্থ্য দিয়ে জন্ম সার্থক কর।

শিশু। দেখতে পাচ্ছি কোরব পাওবেরা ষড়যন্ত্র ক'রে আমাদেরিগকে  
 লাজিত করবার জন্তই এই যজ্ঞের আয়োজন ক'রেছে। ভীষ্ম! অতি  
 বার্কক্যে তোমার বুদ্ধিভংশ হয়েছে। রাজকূলে জন্মগ্রহণ ক'রেও তুমি  
 কাপুরুষের গ্রায় অন্তঃপুরে বাস কর। পুরুষের গ্রায় আকৃতি হ'লেও  
 তুমি স্ত্রীব; নিজের বংশরক্ষার ভার অপরকে দিয়ে নিশ্চিত মনে রাজ-  
 উচ্ছিষ্ট ভক্ষণ কর। এ নৃপতি-সমাজে তোমার কথার কোন মূল্যই  
 নেই। তুমি এখনি এস্থান পরিত্যাগ কর।

ভীষ্ম। শিশুপাল! তুমি নিমন্ত্রিত; এই নিমন্ত্রিত তোমার কথার  
 উত্তর দিতে পার্ছি না—তুমি এখনি সৰ্ব্বপূজ্য শ্রীকৃষ্ণ এবং পিতামহ  
 ভীষ্মের নিকট ক্রমা প্রার্থনা কর।

শিশু। ভীষ্মসেন! ঐ কপট, ভণ্ড, মিথ্যাচারী, যুদ্ধ হ'তে পলায়ন-  
 পটু নরাধম কৃষ্ণের কোশলে চোরের গ্রায় গিরিজাজে প্রবেশ ক'রে  
 জরাসন্ধকে বধ ক'রেছে ব'লে মনে কোর না যে, তোমার  
 আক্ষালনে আমরা ভয়ে এ স্থান ত্যাগ ক'রব। কোথায় ভগদত্ত,  
 কোথায় দ্রুপদক, প্রস্তুত হ'ন—এ অপমানের সমুচিত উত্তর  
 দিন।

ভগদত্ত ও দ্রুপদক। এই যে চৌদীরাজ, আমরা আপনার পার্শ্বে।

ভীম । আরে আরে চেদীকুলাঙ্গার,  
 দেখি মৃত্যুকাল নিকট তোমার !  
 কটুভাষ কহ জনাৰ্দনে—  
 ত্রিভুবন করে য়ার পূজা !  
 সৃষ্টির আধার যিনি, বেদ য়ার বাণী,  
 মায়াদ্বীপ মায়াতীত পুরুষ বিরাট,  
 মহামায়া করিয়া আশ্রয়  
 সৃষ্টি স্থিতি লয় করেন বিধান,  
 গুরু হতে গুরু, অগোরণীমান্,  
 গুণহীন—সৰ্বগুণবান্  
 নিরাকার—নিৰ্বিকার  
 স্বেচ্ছায় সাকার কভু,—  
 অহঙ্কারে উন্নত পামর,  
 নরজ্ঞান করিস্ তাঁহারে ?  
 কোথা সহদেব, লয়ে এস অস্ত্র মোর—  
 রামদত্ত মহাধনু, বজ্রভেদী শর,  
 কৃষ্ণনিন্দা শুনেছি শ্রবণে,  
 আজি রসাতলে পাঠাব মেদিনী !

ভীম । পিতামহ, আপনি কেন শ্রম ক'রবেন অল্পমতি করুন ;  
 আমি এই ক্ষুদ্র শিশুপালকে এখান হ'তেই মহা-সমুদ্রে নিক্ষেপ করি ।

শ্রীকৃষ্ণ । পিতামহ, ক্রোধ সম্বরণ করুন ; ভীমসেন, নিজ কার্যে  
 যাও । ভারতের সমস্ত রাজাই আজ নিমন্ত্রিত হ'য়ে এখানে এসেছেন ;  
 এঁদের মধ্যে যদি কেউ অপরাধ করেন, সে অপরাধ সাধ্যানুসারে আমরা  
 মার্জনা ক'রব । বিশেষতঃ, এই শিশুপালের জন্মবৃত্তান্ত আপনি তো  
 জানেন । আমি আমার পিতৃষসার নিকট প্রতিজ্ঞাবদ্ধ যে, শিশুপালের

মৃত্যুযোগ্য শত অপরাধ আমি ক্ষমা ক'রব। আমার অনুরোধ, আপনি রাজাকে ক্ষমা করুন।

শিশু। আমি এই নর-পাংশুল ভীষ্মকেই গ্রাহ্য করি না, তার আবার ক্ষমা!

শ্রীকৃষ্ণ। শিশুপাল! আমি তোমার জ্যেষ্ঠ; আমি তোমায় অনুরোধ ক'রছি, পরমাত্মীয় জ্ঞানে তোমায় ব'লছি—তুমি বংশোচিত ব্যবহার ক'রে এই মহাযজ্ঞের সহায় হও। দেখ, মানবের কল্যাণের জন্ত আমিই এই যজ্ঞের অনুষ্ঠানে পরামর্শ দিইছি। ভারতবর্ষ খণ্ড খণ্ড রাজ্যে বিভক্ত; প্রত্যেক জনপদের রাজা শার্দূলের ত্রায় পরস্পরের শোণিত পানে উগ্ধত। এই হিংসারন্তিকে উচ্ছেদ ক'রে সকলকে একতা সূত্রে বাধবার জন্ত আমি এক অখণ্ড ধর্মরাজ্যের স্থাপনা ক'রতে চাই। সেই ধর্মরাজ্যের রাজা হবেন ধর্মপুত্র যুধিষ্ঠির, তোমরা হবে তাঁর সহায়, আর আমি হব সেই একীভূত রাজ্যের, জাতি-নির্ব্বিচারে সকল প্রজাব সেবক! সেই জন্তই ভৃঙ্গার হস্তে এই সভার দ্বারদেশে সেবাত্রত নিয়ে দাঁড়িয়ে আছি। এ মহা অনুষ্ঠানের তুমি বিয় হ'য়ে না।

শিশু। যারা নিরীর্ধ্য তারা এইরূপ বাক্পটু হ'য়ে থাকে। কৃষ্ণ! লোকে বলে তুমি ক্ষত্রিয়; কিন্তু আমরা জানি তোমার বংশ পরিচয় সন্দেহজনক! তুমি আমাদের আত্মীয় বল কোন্ সাহসে? স্মৃতিকাগার হ'তে লোকে তোমায় গোপগৃহে দেখেছে। কে ব'লতে পারে তুমি হীন গোপ নও? বাল্যে তুমি গোপাঙ্গনাদের নিয়ে লাম্পটের পরিচয় দিয়েছ, যৌবনে জরাসন্ধের ভয়ে সমুদ্রগর্ভে আশ্রয় নিয়েছ, ছলে জরাসন্ধকে বধ করেছ; ক্ষত্রিয় রীতি তোমাতে কিছুমাত্র নাই। আরে ভণ্ড, এতই যদি তোমার ধর্মজ্ঞান, তোমার পিতা বশুদেব জীবিত, তোমার মাতামহ উগ্রসেন, তিনিই বহুবংশের রাজা—তাঁদের অর্ধ্য না দিয়ে, নিজে অর্ধ্য গ্রহণের জন্ত এত ব্যাকুল কেন? তার পর, এখানে অস্ত্রাস্ত্র

রাজারা আছেন, যারা সর্ববিষয়ে তোমার চেয়ে শ্রেষ্ঠ—বিরাট, পার্শ্বকাল, চেকিতান, কোরবেশ্বর হর্ষ্যোধন, জয়দ্রথ, ভগদত্ত কৈ? ভীষ্ম তো এঁদের মধ্যে কাউকে নির্বাচন করলেন না? যার বংশ পরিচয় নেই, তাকে আমরা কখনো অর্ঘ্য দেব না। বিশেষতঃ তুমি রাজা নও, এ রাজসভায় আসন পাবার যোগ্যই তুমি নও।

হর্ষ্যোধন। (স্বগত) শিশুপালের এ উক্তি নিতান্ত অযৌক্তিক নয়।

ভীষ্ম। রাজগণ! আপনারা নিরুত্তর কেন? আপনারা বলুন কাকে অর্ঘ্য দিতে চান? একি! সকলে নীরব! আপনারা শিশুপালের ভয়ে ভীত হ'য়েছেন? বেশ! আপনারা নীরবেই থাকুন; আমি সমবেত ঋষি, সিদ্ধ, সাধ্য, তপস্বী ব্রাহ্মণ, ক্রতুয়, বৈশ্ব এবং শূদ্র, এই সভাস্থ সকলের সম্মুখে যদুপতি শ্রীকৃষ্ণকে প্রত্যক্ষ দৈবর জ্ঞানে, অর্ঘ্য প্রদান করছি—যদি কারো সাহস থাকে, শিশুপালের সঙ্গে অস্ত্রযুদ্ধে আমার কার্যের প্রতিবাদ করুক। আসুন যদুপতি, এই সভায় আমার প্রদত্ত অর্ঘ্য গ্রহণ করে আমার জন্ম ও জীবনকে ধ্বংস করুন। যে সকল ক্রতুয় রাজা আমার এ পূজা অনুমোদন না করবেন, তাদের আমি মনুষ্য মনে করি না—তারা পশু—তাদের মস্তকে আমি এই বামচরণ স্থাপন করি।

অর্জুন। (স্বগত) আমরাও এই আশাই করেছিলাম। পাণ্ডবের রাজস্বয় অনুষ্ঠান সার্থক হ'ল!

[ভীষ্ম শ্রীকৃষ্ণের হাত ধরিয়। সিংহাসনে বসাইলেন এবং

সহদেবের হস্ত হইতে পাণ্ড-অর্ঘ্য লইয়া শ্রীকৃষ্ণের

চরণে ও মস্তকে অর্পণ করিলেন]

এরি তরে জীর্ণ দেহ করেছি বহন,

আজি সফল জীবন!

একদিন নিভৃত্তে নির্জনে



পূজ্যেছিহু তোমা,  
 কিন্তু তুমি উপহাস করেছিলে মোরে ;  
 অভিমানে গুরু চক্ষে ধরেছিল বারি,—  
 আজি শোধ তার ! আমি মহা ভাগ্যবান—  
 ঋষি-শ্রেষ্ঠ ব্যাসের বচনে,  
 অবতার জানে—  
 সাক্ষী রাধি ত্রিলোক সংসার,  
 প্রথম পূজার পাণ্ড নিবেদি চরণে ;  
 দানি অর্ঘ্য, উচ্চকণ্ঠে কহি পুনঃ পুনঃ—  
 একমাত্র তুমি শ্রেষ্ঠ,  
 তুমি ইষ্ট বিশ্ব-চরাচরে,  
 পূজ্যযোগ্য একমাত্র তুমি,  
 তুমি গুরু, তুমি পিতা,  
 সখা তুমি বিপদে বান্ধব,  
 ভ্রাতা তুমি, ত্রিতাপজালায়,  
 নারায়ণ নরের আকারে,  
 মানবের একমাত্র নির্ভর আশ্রয়,  
 উচ্চ রবে পুনঃ পুনঃ গাহি তব জয় !

যুধিষ্ঠিরাদি সকলে । জয় যদুপতি শ্রীকৃষ্ণের জয় !

ঋষি ও ব্রাহ্মণগণ । জয় ভগবান্ শ্রীকৃষ্ণের জয় !

[ অন্তরীক্ষ হইতে পুষ্পবৃষ্টি হইল । নেপথ্য হইতে—

পুরাঙ্গনাগণ শঙ্খধ্বনি করিলেন ]

শিশু । স্ববির ভীষ্ম উদ্গাদ । কিন্তু আমি আশ্চর্য্য হচ্ছি এই নিরীহ মেঘপাল, এরা আমার সম্মুখে কোন্ সাহসে ঐ গোপকুলের কলঙ্কের

জয়ধ্বনি ক'রছে। আজ এই হীন চাটুকার দলকে পশুর জায়গাখানে হত্যা ক'রে সমগ্র কলত্রের কলঙ্ক মোচন করবো।

শ্রীকৃষ্ণ। শিশুপাল! তোমার শত অপরাধ আমি ক্ষমা ক'রেছি; কিন্তু পুনঃ পুনঃ ওদ্ধত্য প্রকাশ ক'রে রাজোচিত মর্যাদা নষ্ট ক'রছ। তোমাকে এই শেষবার বলছি, তুমি নিরস্ত হও, নচেৎ যত্ন তোমার আসন্ন।

শিশু। আমি চাটুকার ভীষ্মের মন্তকে পদাঘাত করি, তোমার উপদেশে পদাঘাত করি। তুই তস্কর, তুই ভীকু, তুই নরকুলের কলঙ্ক। ভগদত্ত, সৌমী, চেকিতান—অস্ত্র ধর, আজ রাজস্বয় যজ্ঞে জরাসন্ধ বধের প্রতিশোধ দিয়ে যাই।

শ্রীকৃষ্ণ। আর নহে ক্ষমা।

আরে ছুট, আরে হীনমতি,  
বার বার অবহেলা করিসু আমারে ?  
নাহি বৃদ্ধের সম্মান, নাহি নীতি জ্ঞান  
অহঙ্কারে প্রমত্ত অধম  
ধনগর্বে গর্বী কুলাঙ্গার,  
গুরু লঘু নাহি কর ভেদ ?  
এস, এস শক্তির আধার—  
সুদর্শন প্রিয়চক্র মোর,  
হুর্জনের দণ্ড বিধায়ক  
এস ভূষিত শায়ক,  
মেলি' শত রসনা করাল  
পাষাণের—রক্ত কর পান,  
পশু সম বধ শিশুপালে।

[ শূন্য হইতে চক্রের আবির্ভাব ; শিশুপালের মন্তক ছেদন ]

সকলে। জয়—জয়—ভগবান্ বাসুদেবের জয়!

# তৃতীয় অঙ্ক

প্রথম দৃশ্য

ভীষ্মের কক্ষ

শ্রীকৃষ্ণ ও ভীষ্ম

শ্রীকৃষ্ণ। পিতামহ, আপনি নীরব কেন? আপনার কি উত্তর বলুন! আমার ভবিষ্যতের কার্য নির্ভর ক'রছে আপনার উত্তরের উপর। আমি চিন্তা ক'রছি, আজীবন চিন্তা ক'রছি—বিশেষতঃ রাজস্বয় যজ্ঞের পর এই তেরো বৎসর প্রতি মুহূর্ত চিন্তা ক'রছি, কিন্তু সে চিন্তার মধ্যে, আমি যাকে খুঁজছি তার দর্শন পাইনি। আর ধ্যান নয়, আমি তাঁর দর্শন চাই, কর্ষ্মের মধ্যে বিশ্ব-আত্মার বিরাট বিকাশ! বলুন, আর কতদিন নিশ্চেষ্ট ব'সে থাকব?

ভীষ্ম। দাস ভাবাপন্ন আমি, ভাই, আমি কি সন্তানের দানে অধিকারী? ভরত বংশের মূঢ় রাজা যুধিষ্ঠির দ্যুত ক্রীড়ায় উন্মত্ত হ'য়ে যে দিন মা পাঞ্চালনন্দিনীকে পণ রেখেছিল, সেই দিন একবার দ্রৌপদীর প্রণের উত্তর দেবার জন্য কোষবদ্ধ তরবারিতে এই জীর্ণ হস্ত স্পর্শ করেছিল; কিন্তু উত্তর দিতে পারিনি। উত্তর দিতে পারিনি—যখন কুরুকুলাজ্ঞার দুর্ঘোষনের উত্তেজনায় দুঃশাসন আমার কুলবধূর কেশাকর্ষণ ক'রে তাকে বিবজ্রা ক'রতে গিয়েছিল। প্রতিজ্ঞাবদ্ধ দাস—আজ তোমার কথার কি উত্তর দেব ভাই? তুমি কর্ষ্মের মধ্যে তোমার বিশ্বদেবতার অব্যবহাণে অগ্রসর হও, আর আমি আমার কর্ষ্মদেবতার আদেশে এই জীর্ণদেহ যত সক্ষর পারি মরণের কূলে টেনে নিয়ে যাই।

শ্রীকৃষ্ণ। অভিমানের কথা নয়—পিতামহ; আমি—ভারতবর্ষে  
 মহাশয়ানে দাঁড়িয়ে প্রকৃতির বীভৎস তাণ্ডব আর-দেখতে পারছি  
 জান হ'য়ে পর্যন্ত দেখে আসছি—পাপ পুণ্যকে গ্রাস ক'রছে,  
 বল দুর্বলের উচ্ছেদে উত্তম খড়্গে রক্তের স্রোতে ধরণীকে কলঙ্কিত  
 ক'রছে। দুঃশাসন দ্রৌপদীর কেশাকর্ষণ ক'রেছিল, সেই আদর্শে আজ  
 চারতের কত স্থানে কত দ্রৌপদী লম্পটের হাতে নির্যাতিত হ'চ্ছে কে  
 তার গণনা করে? নিরীহ, ধর্মগত প্রাণ যুষ্টিরি এই প্রবলের অত্যা-  
 চারেই না আজ শূণ্যল কুকুরের মত এক বন হ'তে অত্র বনে বিতাড়িত  
 হ'য়ে, কোন প্রকারে হীন জীবন বহন ক'রে বেঁচে আছে? বনবাসে  
 চরাসার অত্যাচার, জয়দ্রথ কর্তৃক দ্রৌপদীর লাঞ্ছনা, অজ্ঞাতবাসে—  
 শত্রু দাতা বিরাটের গোধন হরণ, ভৃগুর্ভৃষ্ আয়েয়-গিরির স্রায় আমার  
 অন্তরকে নিয়ত আলোড়িত ক'রছে। এই মহা অত্যাচারের যদি  
 প্রতিকার ক'রতে না পারি, তবে কোথায় ধর্ম, কোথায় সত্য, কোথায়  
 দৈব ?

ভীষ্ম। আমার শরভিন্ন হৃদয়ে বার বার অস্ত্রের আঘাত কেন কর  
 যত্নপতি? পাণ্ডব—পাণ্ডব—সর্ব অধিকার হ'তে বঞ্চিত পাণ্ডব—  
 আমার জীর্ণ হৃদয়ের কতখানি জুড়ে ব'সে আছে—অন্তর্যামি! তা কি  
 তুমি দেখতে পাচ্ছ না? তা কি তুমি জান না? কিন্তু আমি কি করণ  
 বল, কি করতে পারি বল?

শ্রীকৃষ্ণ। আমি মাত্র জিজ্ঞাসা করি পিতামহ, এই যে বিস্তীর্ণ  
 ধরণী—এ কার? কতকগুলি যুষ্টিমেয় ঐশ্বর্য-মদ-গর্ভিত অত্যাচারী  
 কামান্ন রাজার—না, এই যে অগণিত দীন প্রজা, অনশনে অর্দ্ধাশনে,  
 উদয়াস্ত পরিশ্রমে যারা এর ক্ষেত্রকে কর্ষণ করে, যারা ক্ষুধার্ত প্রতিবেশীর  
 মুখে সাগ্রহে আহার তুলে দেয়—তৃষ্ণায় জল, রোগে সেবা, শোকে  
 সহানুভূতি ঢেলে দিয়ে মর্ত্যকে স্বর্গাপেক্ষা গরীয়সী করে—যারা

ধর্মকে ভুল করে, সমাজকে ভয় করে, যারা প্রতিপদে মনুষ্যত্বের মর্যাদা রেখে চলে, তাঁদের ?

ভীষ্ম। যখন তুমি নিজে নিঃসহায় জেনে, দুর্বল জেনে, পাণ্ডবদের পক্ষ গ্রহণ ক'রেছ, তোমার প্রেমের উত্তর তো তখনই দিয়েছ ভাই। তবে আমায় আর সে কথা জিজ্ঞাসা ক'রে বিপদে ফেলছ কেন ?

শ্রীকৃষ্ণ। বেশ, তবে আপনি দুর্যোধনকে পরিত্যাগ ক'রে পাণ্ডব পক্ষ গ্রহণ করুন ; আমার দৌত্য সফল হ'ক।

ভীষ্ম। তারও তো উপায় রাখিনি ভাই। ঋষি-সেবিত ভারতের শ্রেষ্ঠ রাজবংশে জন্মগ্রহণ করেছিলাম ; যৌবনের স্নিগ্ধ উষ্ম রাজশোণিতের গর্বে উৎকুল প্রাণ,—ভারত বংশের রাজার গগনম্পর্শী সন্মান—এক হীন ধীবরের পদতলে লুপ্তি হয় দেখে মহামতি শাস্ত্রভূত বিপন্ন মর্যাদাকে তার যোগ্য স্থানে স্থাপন ক'রতে গিয়ে প্রতিজ্ঞ করেছিলাম, যে এই হস্তিনার সিংহাসনে ব'সবে—চিরকুমারব্রতধারী আমি—বিনা বিচারে জীবনের শেষ মুহূর্ত্ত পর্যন্ত তার সেবা ক'রব। তখন এই বিস্তীর্ণ ধরণীর কণ্ঠহারশোভিত মধ্যমণি যে মনুষ্যত্ব, তার মর্যাদা দেখিনি, মহামানবতার পূজা ভুলে গিয়েছিলাম ; দেখেছিলাম—মহিমময় রাজবংশের গৌরব ; পূজা করেছিলাম—বংশপরম্পরাগত রাজশোণিতের ; তখন কল্পনায়ও ভাবিনি যে, সত্যপালন ক'রতে গিয়ে—মনুষ্যত্বের পরিবর্তে কখনো পশুত্বের চরণে আত্মবিক্রয় ক'রতে হবে ! দুর্যোধনের মত রাজা যে, কখনো হস্তিনার সিংহাসনে ব'সবে, এ তো ধারণাতেও ছিল না ভাই। রাজা হ'য়ে পাণ্ডু রাজধর্ম পালন না ক'রে, যৌবনে সিংহাসন ত্যাগে যে মহাপাপ সঞ্চয় ক'রে গেছে, আজ প্রতিজ্ঞাবদ্ধ ভীষ্মকে যে তারই প্রায়শ্চিত্ত ক'রতে হচ্ছে।

শ্রীকৃষ্ণ। তবে আপনি নিরপেক্ষ থাকুন ; বলুন, পাণ্ডবদের বিরুদ্ধে অস্ত্রধারণ ক'রবেন না !

ভীষ্ম ।

চক্রধারি ! বুঝিতে না পারি  
পরীক্ষা কি করিতেছ মোরে ? ক্ষত্র আমি,  
জন্ম মম রাজকুলে—  
যদি হস্তিনার রাজ্য  
সমরে আমারে বরে,  
আমি ভয়ে ভীত, স্নান যুগে কহিব তাহারে,  
‘বার্কাক্যে এ জীর্ণ দেহ—  
কর ক্ষমা—রামশিষ্য ভীষ্ম নহে  
কাম্বুক ধারণে আর সক্ষম এখন’ !  
বৃদ্ধ বটে,  
কিন্তু যদুপতি, সিংহ-পুত্র ভীষ্ম আমি,  
রাজরক্ত নহে স্তব্ধ হিমানী সমান ধমনীতে মোর !  
বীর আমি—বীরোচিত করিব ব্যাভার !  
ইচ্ছা-মৃত্যু—রণক্ষেত্রে রাজীব চরণে  
অস্ত্রযুগে মাগি লব বাঞ্ছিত শয়ন ;  
কিন্তু যতক্ষণ দেহে রবে প্রাণ,  
রাজধর্ম—ক্ষত্রধর্ম  
কভু করিব না বিসর্জন ।

শ্রীকৃষ্ণ । তবে ধর্মত্যাগ ক’রে অধর্মের আশ্রয় গ্রহণ ক’রবেন ?  
আপনি আমার জগতের সন্মুখে দাঁড়ান স্তানে পূজা করেছেন, সেই  
আপনি আমার অনুরোধ রাখবেন না ? আমার বিরুদ্ধে অস্ত্রধারণ  
ক’রবেন ?

ভীষ্ম ।

জীবনে মরণে তব বাক্য সার মম ;  
ইষ্ট মম ওই তব দুর্লভ চরণ  
তবু কহি,

তোমারি রূপায়—কুরুক্ষেত্র মহারণে  
 তোমারি বিরুদ্ধে অস্ত্র করিব ধারণ !  
 নারায়ণ ! বুঝিতে না পারি—  
 কেন বুঝেও না বোঝ তুমি রহস্ত ইহার ?  
 স্বধর্ম্মে নিধন শ্রেয়,  
 পরধর্ম্ম ভয়াবহ সদা—  
 বেদবাণী বার বার শুনেছি শ্রীমুখে,  
 আজি তবে  
 বিপরীত আচরণে কেন দেহ মতি ?  
 আসিয়াছ ধরাভার করিতে মোচন,  
 অতি-ভার আমি  
 পাপ-পঙ্ক করিয়া আশ্রয়,  
 মম ধর্ম্ম—ধরা ভার করিতে লাঘব,  
 হাসিমুখে রণাঙ্গনে আত্ম-নিবেদন ;  
 তব ধর্ম্ম—নির্ব্বিবাদে সে পূজা গ্রহণ ।

শ্রীকৃষ্ণ । বেশ, তাই হ'ক ; পাণ্ডবের জ্ঞায় দুর্ব্বোধনও আমার  
 আত্মীয় ; তাকে বহুবার নিবারণ করেছি, সে শোনেনি ; এবার সে  
 আমার কাছে সাহায্য চাইলে । আমি ব'ল্লেম, এ যুদ্ধে আমি অস্ত্রধারণ  
 ক'রব না । তখন যে আমার কাছে সৈন্ত সাহায্য চাইলে । আমি  
 তাকে নারায়ণী সেনা দেব, প্রীতিশ্রুত হয়েছি । কিন্তু তবু আমি তাকে  
 আর একবার নিরস্ত্র করবার চেষ্টা ক'রব ; তাই আজ আমি দূত হ'য়ে  
 তার কাছে এসেছি । পিতামহ, আমায় বিদায় দিন, সে হয়তো সভার  
 আমার জ্ঞাত অপেক্ষা ক'রছে ।

ভীষ্ম । জান সব—তবু কর ছল । মায়াধর !

মায়া তব অভেদ্য সংসারে ! [ উভয়ের প্রস্থান ।

## দ্বিতীয় দৃশ্য

হস্তিনা—রাজ-সভা

দুর্যোধন ও প্রাপ্তি

দুর্যোধ্য। তোমার কথা সব শুনলেম ; কে তুমি ?

প্রাপ্তি। আমার পরিচয় জেনে তোমার কোন লাভ নেই। তবে জনো আমি তোমার মঙ্গলাকাঙ্ক্ষী। আমি যা চাই, তুমিও তাই চাও। আমি আমার অন্তর দিয়ে তোমার অন্তর জানি। যে সাপ তোমার হৃদয়ে কুণ্ডলী পাকিয়ে রয়েছে, সেই সাপই দিবারাত্র আমার দ্বন্দ্বের তার ফণা বিস্তার করে আছে। তার বিষের জ্বালায় আমি একস্থানে স্থির থাকতে পারি না, ছুটে বেড়াই, ছুটে বেড়াই। তৃষ্ণাতুরা গিনি আমি, আমার আর অগ্র পরিচয় নেই।

দুর্যোধ্য। কিন্তু আমি তো শ্রীকৃষ্ণকে বধ ক'রতে চাই না ; শ্রীকৃষ্ণের সঙ্গে আমার কোন শত্রুতা নেই—আমি চাই পাণ্ডবদের উচ্ছেদ।

প্রাপ্তি। মিথ্যা কথা। তুমি যা চাও, তুমি তা জান, কেবল ভয়ে তা বলতে পারছ না। শ্রীকৃষ্ণের সঙ্গে প্রকাশ্যে শত্রুতা ক'রতে তোমার সাহসে কুলাচ্ছে না। আমি তোমার চোখে তোমার মনের ছবি দেখেছি, আমার কাছে মনোভাব গোপনে কোন লাভ নেই। তুমি নিশ্চিত জেনো—যতদিন শ্রীকৃষ্ণ জীবিত থাকবে, ততদিন পাণ্ডবদের কেউ বধ ক'রতে পারবে না।

দুর্যোধ্য। তার পরিচয় পেয়েছি। যতবার পাণ্ডবদের ধ্বংস ক'রতে চেষ্টা করিছি, সে চেষ্টা ব্যর্থ ক'রেছে শ্রীকৃষ্ণ ! যে বলবান্ রাজাদের আমি আমার স্বপক্ষ জেনে সখ্যতা-সূত্রে আবদ্ধ ক'রতে গিয়েছি, শ্রীকৃষ্ণ সেই রাজাদেরই হত্যা ক'রেছে। আজ যদি শিশুপাল বেঁচে থাকত, দ্রাসন কংস বেঁচে থাকত, কংস বেঁচে থাকত—



প্রাপ্তি । হাঁ—হাঁ—জরাসন্ধ নেই, কংস নেই, শিশুপাল নেই, কিন্তু আমি আছি ! তাদের যে রক্ত ধরিত্রীকে আর্জি ক'রেছে, সেট রক্তের বিজয়টাকা আমার লগাটে ! আমি রক্ত চাই—গাঢ় তপ্ত রক্ত এই মেঘপালকের । রাজা না হ'য়েও, অন্ত্যজ গোপবংশে জন্মগ্রহণ ক'রেও যে আজ পৃথিবীর রাজাদের অঙ্গুলি-সঙ্কেতে মেঘ-পালের ত্যার চালিত ক'রছে । ভীষ্ম যার পদানত, কাপুরুষ যুধিষ্ঠির যার আজ্ঞাবাহী, ক্রতুকুলাদ্ভার ভীমার্জুন যার পদলেখী ! দ্বারে দ্বারে ফিরিছি, ভারতের প্রতি গ্রামে—প্রতি নগরে—কিন্তু রাজা কই ? বংশ-গৌরবে গরীয়ান কে ? দুর্যোধন—ভরত বংশের কুল-প্রদীপ—নির্মীর ভারতের ভাবী অধীশ্বর । শ্রীকৃষ্ণকে হত্যা ক'রে তোমার পথ নিষ্ফলক কর—সসাগরা পৃথিবীর একচ্ছত্র অধীশ্বর হও !

দুর্যোধন । ( স্বগত ) সত্য কহে নারী

কেবা এই মঙ্গলভাষিণী ?

পরিচয়হীনা—

তবু মনে হয় অতি আপনার ।

( প্রকাশ্যে )

কহ মাতা,—কেবা তুমি ?

কি কারণে কৃষ্ণদেবী ?

কি ক'রেছে কৃষ্ণ তব ?

কেন চাও পাণ্ডব উচ্ছেদ ?

কি সম্বন্ধ পাণ্ডবের সনে ?

বিষদম্ভা কণিনীর প্রায়

কেন ফের নগরে প্রাস্তরে ?

অকস্মাৎ কেন আজি

উত্তেজিত করিতেছ মোরে ?

কোথায় বসতি তব, কার সূতা,  
 পতি তব কোন্ ভাগ্যবান ?  
 প্রাপ্তি । ভুলে গেছি সব ।  
 কোথায় আবাস,  
 কার সূতা, পতি কেবা মোর,  
 আত্মীয়-স্বজন ছিল কিম্বা নাই,—  
 কই, চিহ্ন তার খুঁজিয়া না পাই !  
 বিব ধূমে আচ্ছন্ন হৃদয়,  
 দৃষ্টি-রুদ্ধ শোণিত-প্রবাহে,  
 ক্ষুদ্র স্মৃতি—নির্বাপিত অতীত আলোক—  
 অন্ধকার ভবিষ্যৎ পথ,  
 জালে আলো—ক্ষীণ দীপশিখা  
 প্রতিহিংসা তাহে,—  
 নির্দেশে তাহার স্বলিত চরণে চলি—  
 সহায়-বিহীনা, দুর্বলা পীড়িতা নারী ;  
 খুঁজি দিকে দিকে  
 হৃদয়ে প্রতিচ্ছবি মোর—  
 কুটীরে—প্রাসাদে,  
 সন্ধান যতপি মিলে  
 ভাগ্যবশে স্নহদের কভু—  
 সখা—বন্ধু—আত্মীয় আমার,  
 আশ্রয়ে যাহার—  
 শ্রান্ত প্রাণ লভে—কণিকের অতৃপ্ত বিশ্রাম,  
 প্রতিহিংসা তৃষ্ণা হয় দূর !  
 দূর্য্যো । পরিচয় আর জানিতে না চাহি ।

সত্য বটে  
 একমাত্র তুমি মাতা, চিনিয়াছ মোরে !  
 দীর্ঘানলে জলে প্রাণ, সহিতে না পারি  
 প্রতিবাদী—কেহ  
 ভারতের স্বর্ণ-সিংহাসনে !  
 জন্মের কণ্টক—পঞ্চ পাণ্ডুর তনয়  
 যতদিন না হয় উচ্ছেদ—  
 তিল নহি স্থির শয়নে স্বপনে !  
 সত্য বটে শ্রীকৃষ্ণ রক্ষিত তারা,  
 ব্রহ্ম ক্ষতে বিধের প্রলেপ ।  
 আমি চাই পাণ্ডবে, শ্রীকৃষ্ণে বধি' ।

প্রাপ্তি । এই তো সুযোগ ! দূত হ'য়ে তোমার সভায় আসছে, তাকে বন্দী কর, বধ কর, তার চিহ্ন মুছে ফেলে দাও ;—দেখবে, সঙ্গে সঙ্গে পাণ্ডবও তোমার পদানত হয়েচে ।

দুর্যো । তুমি কোথায় থাকবে ? আর কখনো কি তোমার দেখা পাব ?

প্রাপ্তি । তা জানি না, থাকাবার নির্দিষ্ট স্থান নেই ! আর দেখা হবে কিনা জানতে চাও ? আমি আসব, আসব, আবার দেখা দেব ; যদি শ্রীকৃষ্ণকে বধ ক'রতে পার, যদি ভীমের বক্ষ পদাঘাতে চূর্ণ ক'রতে পার, তখন আসবো, তখন দেখা দেব, তোমার সঙ্গে একবার প্রাণ খুলে হাসব, রক্ত দিয়ে রক্তের টীকা মুছে ফেলব ! সে এখনি আসবে ; আমি যাই—আমি যাই ।

[ প্রস্থান ।

দুর্যো । অদ্ভুত রমণী ! না দানিল পরিচয় ।

বোধ হয় নির্যাতিতা কেহ,  
 কৃষ্ণ অরি নিশ্চয় ইহার ।

পশি অন্তরের গূঢ় স্থলে মোর  
 দেখিয়াছে সত্য আমি চাহি যাহা ।  
 অবধ্য সৰ্বদা দূত  
 রাজনীতি কহে এইরূপ ।  
 রাজনীতি—রাজনীতি—  
 ভুলাইতে মূঢ়জনে মধুর বচন !  
 ভীকু যেই সেই মানে নীতির শাসন—  
 প্রবলের রীতি নীতি  
 চিরদিন স্বেচ্ছাধীন তার ।

শ্রীকৃষ্ণ, দ্রোণাচার্য্য, অশ্বখামা, কর্ণ, শকুনি,

দুঃশাসন প্রভৃতির প্রবেশ

দ্রোণ । হৃষ্যোধন, তুমি কি স্থির ক'রলে ? যদুপতি তোমার মুখ  
 থেকে উত্তর শোনবার জন্য অপেক্ষা ক'রছেন ।

হৃষ্যো । উত্তর—আমি পুরোহিত ধোম্যকে একবার দিয়েছি ; যদি  
 যদুপতি স্বয়ং সে কথা পুনর্ব্বার শুনতে চান, তা হ'লে শুনুন—আমি অস্ত্র  
 সন্ধি জানি না—আমি জানি রণক্ষেত্রে তরবারি যুদ্ধে রক্ত দিয়ে সন্ধিপত্র  
 স্বাক্ষর ক'রতে ; আমার আর দ্বিতীয় উত্তর নাই ।

শ্রীকৃষ্ণ । ভাল, তাই যদি তোমার অভিমত হয়, আমি সানন্দে সে  
 কথা যুধিষ্ঠিরকে জানাব । উত্তর-প্রত্যুত্তর রণক্ষেত্রেই মীমাংসিত হবে ;  
 কিন্তু বীর, আমার প্রস্তাব এই—বধা ভ্রাতৃদ্বন্দ্বে প্রবৃত্ত না হ'য়ে যুধিষ্ঠিরের  
 প্রাপ্য ব'লে তুমি পঞ্চ পাণ্ডবের জন্য পাঁচখানি মাত্র গ্রাম ত্যাগ কর ।  
 অর্দ্ধরাজ্য নয়, আর কোন ঐশ্বর্য্য নয়, কোন অনুগ্রহ নয়, কেবল পাঁচ-  
 খানি গ্রাম—ইন্দ্রপ্রস্থ, বারণাবত, সিদ্ধিগ্রাম, কুশস্থল, পাণ্ডবনগর—এই  
 পাঁচখানি মাত্র ।

দুর্ঘো। যদি যুধিষ্ঠির ভিক্ষার্থী হ'য়ে আমার কাছে আসেন—  
পাঁচখানি গ্রাম কেন, আমার এই সিংহাসন—অর্দ্ধরাজ্য নয়—আমি  
অনায়াসে তাঁকে দান ক'রতে পারি; কিন্তু ত্রাণ্য অধিকার ব'লে চাইলে  
আমি তাঁকে একখানি গ্রামও দিতে প্রস্তুত নই।

শ্রীকৃষ্ণ। ক্ষত্রিয়ের ভিক্ষারত্তি তার ধর্মবিরুদ্ধ; ধর্মবিরুদ্ধ কার্যে  
প্রস্তুত হ'তে আমি কখনো যুধিষ্ঠিরকে অনুরোধ ক'রতে পারব না।

দুর্ঘো। যদি ভিক্ষা যুধিষ্ঠিরের ধর্মবিরুদ্ধ হয়, তাহ'লে সন্ধি করাও  
আমার ধর্মবিরুদ্ধ। আমি রাজা, আমি ক্ষত্রিয়; যেমন ক'রেই হ'ক,  
একবার যা আমার অধিকারভুক্ত হ'য়েছে আমি জীবিত থাকতে কখনো  
সে অধিকার থেকে বিচ্যুত হব না!

শ্রীকৃষ্ণ। তাহ'লে বুঝ্‌ব দুর্ঘোষধন, তুমি কল্যাণকে পরিত্যাগ ক'রে  
অমঙ্গলকে আহ্বান ক'রছ! তুমি জীবন-মৃত্যুর সন্ধিস্থলে দাঁড়িয়ে  
মৃত্যুকে আলিঙ্গন করবার জ্ঞান হস্ত প্রসারিত ক'রছ। আমি তোমার  
হিতের জ্ঞান, সকলের কল্যাণের জ্ঞান, তোমায় বার-বার ব'লছি, দুর্ঘোষধন!  
তুমি ভীষ্ম, দ্রোণ, কর্ণ, বীরশ্রেষ্ঠ তোমার উনশত ভাই—সকলের মৃত্যুর  
কারণ হয়ে না।

দুর্ঘো। নাহি জানি কিবা মৃত্যু,  
জীবন কাহারে বলে!  
নাহি জানি ধর্মধর্ম নিগূঢ় রহস্ত;  
কত আমি—জানি শুধু  
শাণিত কুপাণ  
যতক্ষণ মুষ্টিবদ্ধ রহে করে,  
ততক্ষণ জীবন অমৃত করি পান;  
হস্তচ্যুত তরবারি যবে,  
মৃতের সমান জীবন স্পন্দন শূন্য।

শুন হে যাদব, প্রতিজ্ঞা আমার—

যতক্ষণ রহিব জীবিত,

তীক্ষ্ণহৃদি অগ্রদেশে ধরে যে মৃত্তিকা

বিনা যুদ্ধে পাণ্ডবেরে নাহি দিব আমি !

যদি তিন লোক হয় তাহে বাদী,

যদি ভীষ্ম দ্রোণ কর্ণ সবে করে ত্যাগ,

যদি বান্ধব-বিহীন,

একা আমি ভ্রমি ভূমণ্ডলে,

তথাপি প্রতিজ্ঞা মোর না হবে লঙ্ঘন ।

শ্রীকৃষ্ণ । বুঝিলাম কৌরবের আসন্ন সময় !

কাঁদে প্রাণ গান্ধারীর তরে,

রুদ্ধ অন্ধ ধৃতরাষ্ট্র,

আর আর পৌরজন যত—বালক রমণী,

ছিন্নমূল তরুসম লুটাবে ধূলায় !

কাঁপে কায় অরি ভবিষ্যৎ চিত্র বিভীষিকা !

দুর্যোধন ! ধরহ বচন,

করে ধ'রে সাধি মতিমান্,

দুর্জয় এ অভিমানে দেহ বিসর্জন ;

অহঙ্কারে আত্মনাশ নাহি সাধ বীর !

জ্ঞাতি যুধিষ্ঠির—কিবা ক্ষতি,

যদি ভাই বলি' পাশে দেহ স্থান ?

কিবা ক্ষতি, বিপুল এ ধরা—

যদি এক প্রান্তে তার

কুটীর নির্মাণ-যোগ্য ভূমি কর দান ?

দুর্যোধন । নহ রাজা, রাজবংশে নহে জন্ম তব,

কতি-বৃদ্ধি বুঝিবে না তুমি !  
 চাহ পঞ্চ গ্রাম ?  
 অতি কূট, অতি শঠ তুমি—  
 পঞ্চ ভাই পঞ্চ দিকে রবে বেড়ি মোরে,  
 আমি বসি হস্তিনার সিংহাসনে  
 কারারুদ্ধ জনকের প্রায়  
 সশক্তির রব সদা  
 পাণ্ডবের অমুগ্রহ চাহি' !  
 তুচ্ছ—অতি তুচ্ছ—  
 অভিশপ্ত যদুবংশে হীন চাটুকার,  
 কিবা ছার অমুরোধ তব—  
 তিন পুর যদি সাথে এককালে,  
 বাক্য মম না টলিবে কভু !  
 রণক্ষেত্রে রক্তের রেখায়  
 অসিযুগে করিব হে রাজ্যের বিভাগ !  
 নহে আজি—  
 নহে বাকাপটু যাদবের স্ততি-নিন্দা ভয়ে ।

শ্রীকৃষ্ণ । দুর্ঘোষণ, বোধ হয় তুমি এখনো আমার উদ্দেশ্য বুঝতে পারনি । আমি সন্ধির প্রস্তাব ক'রছি এ উদ্দেশ্যে নয়, যে, পাণ্ডবদের উপলক্ষ ক'রে তোমার শক্তি ধ্বংস ক'রব । আমি চাই কুরুপাণ্ডবের সম্মিলিত এমন এক বিরাট রাজশক্তি, যে রাজশক্তিকে ভারতের জনসাধারণ তাদের অশেষ মঙ্গলের হেতু বলে বরণ ক'রে নেবে ; যে পবিত্র রাজশক্তির সঙ্গে তাদের প্রাণের সংযোগ আছে ; যে রাজশক্তি ধর্মের স্নিগ্ধোজ্জল ছটায় সদাই যুগিত । দেশের প্রাণের গতি 'লক্ষ্য ক'রেছি বলেই আমি এই আকাজ্কিত ধর্মরাজ্য স্থাপনের উদ্যোগী । আমি

আজীবন দেশের এই প্রাণতন্ত্রী অমূল্যমান ক'রেছি, সে প্রাণের তারের নক্সার আমি প্রাসাদে শুনতে পাইনি, ঐশ্বর্যের মধ্যে তাকে খুঁজে পাইনি, বিলাসীর আরামকুঞ্জে তার চিহ্নও নেই—সে প্রাণের পরিচয় পেয়েছি দরিদ্রের কুটীরে; পেয়েছি হলধারী নিরন্ন কৃষকের ছিন্নকস্থার আবরণে; পেয়েছি দুর্বলের চির উপেক্ষিত দীর্ঘশ্বাসের উত্তাপে! রাজপুত্র হ'য়েও তোমারি অত্যাচারে বনবাসী যুধিষ্ঠির আজ এই দীন প্রজার সঙ্গে এক পর্যায়ে অবস্থিত, তাই ভারতের জন-সাধারণ আজ যুধিষ্ঠিরের মত রাজার কৃত অপেক্ষা ক'রছে। আমি তাদেরই পক্ষ গ্রহণ ক'রে তোমার নিকট এই সন্ধির প্রস্তাব ক'রছি!

দুর্যো। এই যদি তোমার উদ্দেশ্য হয়, তাহ'লে রাজসভায় না এসে হলধারী দরিদ্রের কুটীরে যাওয়াই তোমার উচিত ছিল—এখানে তোমার দোতের কোন প্রয়োজন নেই!

শ্রীকৃষ্ণ। আত্মাভিমানীরা এমনি ক'রেই ধ্বংস হয়। দুর্যোধন! তুমি পাণ্ডবদের বল জান, কিন্তু আমি আশ্চর্য্য হ'চ্ছি, তুমি তা কেনেও নিজেকে ক্ষমতাশালী মনে ক'রছ কোন্ মোহে? একা ভীম বায়ুমুখে শুদ্ধ পত্রের মত তোমাদের শত ভাইকে ধ্বংস ক'রতে পারে তুমি কি জান না? তুমি কি জান না, কালকেয়-বিধ্বংসী অর্জুনের ভীষ্ম-দ্রোণাদি কি ছাড়া, স্বয়ং ইন্দ্র, স্বয়ং ধৃজ্জটী, যম বা বরুণ, কারও রক্ষা নাই? তুমি কি জান না, ধর্ম্ম কখনো যাকে পরিত্যাগ করেন নি, সেই ধর্ম্মাত্মা যুধিষ্ঠির কান্দু'ক হস্তে রণক্ষেত্রে প্রবেশ করলে, জয় তাঁর অবশ্যসম্ভাবি? তুমি কি জান না, নকুল সহদেব চির অজ্ঞেয়? তুমি কি ভুলে যাচ্ছ, পাণ্ডবদের প্রতি আবাল্য দ্বন্দ্ব পোষণ ক'রে তুমি নিজের কুলক্ষয় পূর্ব্ব হতেই ক'রে রেখেছ।

দুর্যো। সব জানি; আর এও জানি, পাণ্ডব উচ্ছেদে আমার সকল চেষ্টা ব্যর্থ ক'রেছ তুমি! তোমারি কুমন্ত্রণায় ভিখারী পাণ্ডব



আজ লুক্ক দৃষ্টিতে কোরনের সিংহাসন পানে চাইতে সাহস করে ! তুমি আমাদের উভয় কুলের আত্মীয় হ'য়েও চিরদিনই পাণ্ডব পক্ষের অভ্যুত্থান কামনা ক'রে এসেছ। শুধু আত্মীয় ব'লে, সৌহার্দ্যবশে আমি এতদিন তোমার সে অপরাধ মার্জনা ক'রে এসেছি ; কিন্তু তোমার স্পর্ধা এতদূর বর্দ্ধিত হ'য়েছে যে, তুমি পাণ্ডবদের গ্রন্থসাচ্ছলে আমাকে অভিষাপ দিতেও কুণ্ঠিত নও। আর ক্ষমা নয়। কুরু-পাণ্ডবের যুদ্ধ—সে ঈপ্সিত ভবিষ্যৎ কবে আসবে জানি না—আজ এই মুহূর্ত্তে আমি তোমার হীন পক্ষপাতিকের শান্তি দেব। হুঃশাসন ! এই যত্নকুলের কলঙ্কে বন্দী কর—বধ কর ; দেখি, কার সাধ্য এই দুষ্টকে রক্ষা করে !

শ্রীকৃষ্ণ। রক্ষাকর্ত্তা নিজে নারায়ণ !

স্বরাট্ এ ক্ষুদ্র দেহে

বিশ্ব-আত্মা যবে হন জাগরিত,

বিশ্ব মাঝে শক্তিধর কেবা,

বিরাট্ বিগ্রহে সেই বধিবারে পারে ?

দুর্হ্যোধন ! হিতাহিত না শুন বচন,

চাহ বধিতে আমারে ?

বধ—কিষা বন্দী কর,

স্বৈচ্ছায় এ অন্ত্র আমি করিতেছি ত্যাগ ;

অন্ত্রহীন দূত—

সাধ্য থাকে গতিরোধ করহ আমার !

ডাক ভীষ্মে, ডাক কুরুগুরু দ্রোণাচার্য্যে,

ডাক অঙ্গরাজ সধা কর্ণে তব,

দ্রোণী কিষা হুঃশাসন, শকুনি মাভুল,

আর আর সহায় তোমার,

ইচ্ছা যদি হয়

এককালে কর আক্রমণ ;  
 দেখহ কোতুক—  
 হেলায় অক্ষত দেহে ত্যজি পাপ পুরী,  
 পাপ সভা এই—  
 মৃতকল্প শবাচ্ছন্ন ভূমি !  
 কোথায় সাত্যকি, দেখাও আমারে পথ !

সাত্যকি, ভীষ্ম ও যাদব সৈন্তগণের প্রবেশ

ভীষ্ম । শুধু সাত্যকি কেন ভাই, আমি যে তোমার চির অহুপ্ত  
 ারী, তরবারি হস্তে দ্বার রক্ষা করছি । হে যাদবশ্রেষ্ঠ ! তুমি নির্বিষয়ে  
 এ পাপ পুরী পরিত্যাগ কর । [ শ্রীকৃষ্ণের প্রস্থান ।

[ সকলে নির্বাক-বিশ্বয়ে চাহিয়া রহিল ]

## তৃতীয় দৃশ্য

প্রান্তর

দ্রোণাচার্য ও অশ্বখামা

অশ্বখামা । দুর্যোধনের এরূপ ব্যবহার আদৌ ক্রোধোচিত হয়নি ।  
 ত অবধ্য ; তার বিরুদ্ধে অস্ত্রধারণ ক'রতে বলায় আমাদের সকলেরই  
 অপমান হ'য়েছে । ভীষ্ম প্রথমে সভায় উপস্থিত ছিলেন না, কিন্তু শেষ  
 মুহূর্ত্তে এসে তিনি তাঁর নামের যোগ্য পরিচয়ই দিয়েছেন ! কিন্তু পিতা,  
 আমি আশ্চর্য্য হ'চ্ছি, আপনি তো দুর্যোধনের এ গর্হিত আচরণের  
 কোন প্রতিবাদ ক'রলেন না !

দ্রোণ । না, করিনি ; এ পর্য্যন্ত দুর্যোধনের কোন অত্যাচার কার্য্যেরই  
 প্রতিবাদ করিনি ।

অশ্ব । পিতা, পুত্রের প্রগল্ভতা মার্জ্জনা ক'রবেন ; জানতে পারি  
 কি, কেন করেন নি ?

দ্রোণ । বৎস, জানতে চাও কেন করিনি ?

অশ্ব । হাঁ পিতা, জানবার জ্ঞান আমার কৌতুহল বাড়ছে ।

দ্রোণ । করিনি তোমার জ্ঞান ।

অশ্ব । আমার জ্ঞান ! এ কি অদ্ভুত কথা পিতা ? আমার জ্ঞান ?  
এ উত্তর যে, আরও রহস্যময় ব'লে বোধ হ'চ্ছে ।

দ্রোণ । অশ্বখামা, তুমি তোমার জন্মরহস্য জান ?

অশ্ব । জানি, জানি আমি আপনার পুত্র ; এ ছাড়া আর তো  
কিছু জানি না ।

দ্রোণ । হাঁ, তুমি আমারই পুত্র ; কিন্তু তোমার জন্মের পরে যে  
ঘটনা হ'য়েছিল সে কথা তুমি জান না, এতদিন তোমায় বলিনি । আজ  
তোমার প্রশ্নের উত্তর দিতে হ'লে, সর্বাগ্রে সেই কথাই ব'লতে হয় ।

অশ্ব । পিতা, আমার কৌতুহল যে আরও বাড়ছে । যদি বাধা না  
থাকে বলুন, সে গুহ্য কথা কি, যা এতদিন আমার কাছে প্রকাশ করেন  
নি । আর আমার প্রথম প্রশ্নের সঙ্গে সে রহস্যের সম্বন্ধই বা কি ?

দ্রোণ । অশ্বখামা, তুমি জন্মগ্রহণ করবার পরেই অশ্বরবে বিকট  
চীৎকার করেছিলে ; সে চীৎকারে ধরিত্রী কেঁপে উঠেছিল ; আমি  
সম্বোজাত শিশুর কণ্ঠে সেই অস্বাভাবিক ধ্বনি শুনে অমঙ্গলাশঙ্কায়  
তোমায় জীবন্ত নদীগর্ভে বিসর্জন দিতে গিয়েছিলেম ।

অশ্ব । আপনি ! পিতা হ'য়ে ?

দ্রোণ । হাঁ, পিতা হ'য়ে । তখনও বোধ হয় আমার বংশগত  
তপস্শার অক্সসংস্কার আমায় একেবারে পরিত্যাগ করেনি । কিন্তু  
বিসর্জন কালে এক অদ্ভুত দৈববাণী শুনলেম । শুনলেম, 'দ্রোণ !  
তোমার এ পুত্রকে পরিত্যাগ কোরো না ; এ পুত্র অসাধারণ ! মৃত্যু  
কখনও একে স্পর্শ ক'রতে পারবে না ; মরলোকে তোমার এ পুত্র অমর !

অশ্ব । অমর ?

দ্রোণ। হাঁ বৎস, দৈবাদের যদি মিথ্যা না হয়, তুমি মৃত্যুঞ্জয়ী ! বৎস, তোমার মস্তকে যে মণি আছে, তা তোমার সহজাত ; এ মণি ততদিন থাকবে, ততদিন জরা বা মৃত্যু তোমাকে আক্রমণ ক'রতে পারবে না ! এ গৃহ রহস্য এ পৃথিবীতে কেউ জানে না ; দৈবাদেরে আমি শুনেছিলেম, আর আজ তুমি শুনলে।

অশ্ব। তার পর ?

দ্রোণ। যাকে মুহূর্ত পূর্বে পরিত্যাগ ক'রতে বাচ্ছিলেম, তাকে বন্ধে তুলে নিলেম। সে কি মমতা ! সন্তোজাত শিশুর ওষ্ঠের হাসি-আমাকে ব্যঙ্গ ক'রে যেন ব'লে—দ্রোণ ! এই পুত্র ! সহস্র অমঙ্গলের আশঙ্কা থাকলেও একে পরিত্যাগ করা যায় না !

অশ্ব। পিতা—

দ্রোণ। বাধা দিও না বৎস, শোন। ধীরে ধীরে পর্ণকুটীরে ফিরে এলেম ; তোমার মূচ্ছিতা গর্ভধারিণীর অঙ্কে তোমায় আবার শুইয়ে দিলেম ;—তার পর—তার পর—উদরান্নহীন দরিদ্রের কুটীরে অভুক্ত শিশুকে কোলে ক'রে ব্রাহ্মণ-ব্রাহ্মণী আমরা, কত বিনিদ্র রজনী যে তোমাকে শুধু চোখের জলে সিক্ত করেছি—অন্তর্যামী ভিন্ন কে তার সাক্ষী ! সেই অভিশপ্ত দরিদ্রের উত্তপ্ত অশ্রু—বৎস, আমার পূর্বপুরুষের ব্রাহ্মণত্বকে তিলে তিলে ক্ষয় ক'রে আজ আমাকে এমন স্থানে এনে ফেলেছে, যেখানে দাঁড়িয়ে আমি আর দুর্ঘ্যোপনের কোন অস্ত্রায়েরই প্রতিবাদ ক'রতে পারি না।

অশ্ব। যদি আমার জীবন এমনিভাবে আপনার আক্ষেপের কারণ হ'য়ে থাকে, তা হ'লে পিতা, সন্তোজাত আমাকে নদীগর্ভে বিসর্জন দেওয়াই তো উচিত ছিল !

দ্রোণ। অশ্বখামা, অভিমানে আমার প্রতি নিষ্ঠুর হ'য়ে না। আক্ষেপ নয় বৎস, আক্ষেপ নয়,—আকাজ্জা, দুর্দমনীয় আশা, আমার

একমাত্র সাস্থনা ! অস্থখামা, পৃথিবীর রাজকুলের সৃষ্টি হওয়ার বহু পূর্বে পরগীতো একদিন আমারি মত দরিদ্রের আবাস ছিল ? বহুজনের প্রাপ্য, বহুজনের ভোগা উদরান্ন অপহরণ ক'রেই না রাজার সৃষ্টি ?

অস্থ । পিতা, এ আপনি কি বলছেন ?

দ্রোণ । যতই দারিদ্র্যে নিম্পেষিত হয়েছি, শৃগাল কুকুরের অপেক্ষাও দীন ভিক্ষার্থী ব্রাহ্মণ, গুধু ঘৃণায় নয়—ভয়ে লোকে আমায় দেখে দূরে স'রে গেছে—অকল্যাণ আশঙ্কায় আমার ছায়াও স্পর্শ করেনি ! সহপাঠী ক্রম্ভদ কুকুরের মত আমায় তাড়িয়ে দিয়েছে ; ওঃ ! কি ব'লব বৎস, সেই নিশ্চয় তাচ্ছীলোর মাঝে তোমার ক্ষুধাকাতর মুখ দেখেছি, আর মনে হ'য়েছে আমার এ পুত্র তো অমর, পৃথিবীর অধীশ্বর হ'তে এর বাধা কি ?

অস্থ । আমি অধীশ্বর হব, আপনি এমন কল্পনা করেন ?

দ্রোণ । বাধা কি ? পৃথিবীর প্রথম রাজাও একদিন আমারই মত দরিদ্র ছিল ; ক্ষুধার তাড়নে সে আমমাংস ভক্ষণ ক'রেছে, তার কটিতে বস্ত্র ছিল না, মাথায় আচ্ছাদন ছিল না ; সেও একদিন যে তার ক্ষুধিত পুত্রকে বুকে ক'রে আমারি মত আধিপত্যের স্বপ্ন দেখেনি—কে সে কথা ব'লতে পারে ! কে ব'লতে পারে, এই দুর্জয় ক্ষুধার তাড়নই তাকে সঙ্কয়ের প্ররুত্তি দেয়নি ? তার পর, যদি দুর্ব্যোধন হস্তিনার অধীশ্বর হ'তে পারে, যদি জরাসন্ধ, শিশুপাল, কংস, এই সব অত্যাচারী, মনুষ্য-নামের কলঙ্ক, পশুচরিত্র অধমেরা ধরিত্রীর শাসনদণ্ড গ্রহণ ক'রতে পারে, আর মানুষ সে শাসন অবনত মস্তকে বহন ক'রতে দ্বিধাবোধ না করে—তখন রামশিষ্য দ্রোণাচার্যের পুত্র ভারদ্বাজ অস্থখামা কি এতই হীন, যে, সে সিংহাসনের গৌরব আকাজ্জ্ব ক'রবার অধিকারী নয় ?

অস্থ । পিতা, একি উচ্চাভিলাষের বহি আপনি আমার অন্তরে জ্বলে দিচ্ছেন ; এ যে আমি ধারণা ক'রতে পারছি না !

দ্রোণ । কিন্তু বৎস, এই কুরু ও পাণ্ডব, বিশেষতঃ এই দুর্ব্যোধনই

তোমার সিংহাসনের পথ নিষ্কণ্টক ক'রে রেখেছে ! আমি বহুদিন হ'তে জানি, আজ দুর্ঘ্যোধনের আচরণে দিবালোকের গায় স্পষ্ট দেখতে পাচ্ছি, কোরবদের কেউ থাকবে না ; আর পাণ্ডব ? অশ্বখামা, তারাও কেউ অমরত্ব নিয়ে জন্মগ্রহণ করেনি ।

অশ্ব । কিন্তু পিতা, সিংহাসন তো ব্রাহ্মণের জন্ত নয় ?

দ্রোণ । কিন্তু এই দাসত্ব ? এ কি ব্রাহ্মণের জন্ত ? এই ভিক্ষা, এই দারিদ্র্য, এই অনাহারের ক্লেশ, এ কি কেবল ব্রাহ্মণের জন্তই সৃষ্টি হ'য়েছিল ? ক্রপদের সে অপমান, সেই ঘৃণা, এ কি চিরদিনই দীন ব্রাহ্মণের শিরোভূষণ হ'য়ে থাকবে ! বলদুগ্ধ, মদ্যাক্ষ ক্ষত্রিয়-নিষ্পেষিত ব্রাহ্মণ যদি তার প্রতি বহু বর্ষের অত্যাচারের প্রতিশোধ নেয়, তাতে আশ্চর্য্য হবার কি আছে ? বৎস, এই ক্ষত্রিয়দের ধ্বংসের সঙ্গে আর্থা-কীর্তি লোপ পাবে ; অনার্য্যেরা ভারতবর্ষে অধর্ম্মের পতাকা উড়াবে ; এই অবসরে ব্রাহ্মণ যদি যত্নমুখে পতিত ক্ষত্রিয়ের হাত থেকে রাজদণ্ড কেড়ে নেয়, তাতে অধর্ম্ম কি ? পাপ কি ? এই জেনে, এই বুঝেই আমি ক্ষত্রকুলক্ষয়কারী দুর্ঘ্যোধনের কোন অত্যাচারই প্রতিবাদ করিনি ! আমি জানি, ভারত যুদ্ধে আমি থাকবো না ; প্রাণদানে আমার জ্ঞানকৃত কার্য্যের প্রায়শ্চিত্ত, আমাকে ক'রতেই হবে ; কিন্তু তুমি থাকবে চির অক্ষয়, চির অমর—ভারতবর্ষে ব্রাহ্মণ রাজবংশের প্রতিষ্ঠাতা !

### দুঃশাসনের প্রবেশ

দুঃশাসন । আচার্য্য, আমি আপনারই সন্ধানে এসেছি ; কুরুপতি পাণ্ডবদের বিরুদ্ধে ইতিমধ্যেই যুদ্ধ ঘোষণা ক'রছেন । আজই পিতামহকে সৈন্যপত্যে বরণ ক'রতে হবে । আপনি আসুন ; কুরুপতি আপনাকে প্রণাম জানিয়েছেন ।

দ্রোণ । দুঃশাসন, এ সংবাদ আমার পক্ষে শুভ ; অতি আনন্দের ।

কুরুবৃদ্ধ ভীষ্মই এই বিরাট বৃদ্ধের সেনাপতি হবার যোগ্য। তিনি কাম্বুক ধারণ ক'রলে, নরলোক তো তুচ্ছ, দেবলোকে এমন কে আছে, যে তাঁর শক্তির প্রতিরোধ ক'রতে পারে। চল বৎস, আমি যাচ্ছি।

[ দৃঃশাসনের প্রস্থান

এস অশ্বখামা, ক্রাত্ত্বধর্মাবলম্বী ব্রাহ্মণ-সন্তান তুমি—সম্মুখে রক্ত পারাবার দেখে বিস্মিত হোয়ে না। জেন' এই শোণিত-তরঙ্গ অতিক্রম ক'রে যারা জীবিত থাকবে, তারাই মহা ভাগ্যবান।

[ দ্রোণাচার্যের প্রস্থান।

অশ্ব।

পিতা,

এ কি শক্তি বাক্যে তব, এ কি মাদকতা !

কিবা তীব্র উগ্র বিষধারা

প্রবাহিত অকস্মাৎ শান্ত ধমনীতে,

হৃদয়ের দ্বারে দ্রুত করিছে আঘাত !

এ কি নব জাগরণ—

নূতন আলোকপাত নয়নে আমার !

দেখি বিশ্ব ভিন্নরূপ,

ভিন্নরূপ হেরি নিজ কায়া !

মূহুর্তের পূর্বে ছিল যেই অশ্বখামা,

মৃত বিগলিত মাংসপিণ্ডে তার, পিতা,

কি মস্ত ঔষধে দ্বিয়ে গেলে নূতন আকার ?

আপনারে না পারি চিনিতে !

লাঞ্ছিত দরিদ্র দ্রোণি,

ভারতের সিংহাসন সম্মুখে তাহার

করে আকর্ষণ,

অস্তুরায়—

মাত্র এক অতি-সূক্ষ্ম রক্ত-স্ববানিকা  
 দেখি, কোষমুক্ত তরবারি  
 কতদিনে তারে বিচ্ছিন্ন করিতে পারে ? [ প্রস্থান ।

## চতুর্থ দৃশ্য

## প্রাপ্তির

## অস্তির প্রবেশ

( গীত )

এস পাই—নিমিষে হারাই,  
 কাছে এস—তবু দূরে স'রে যাই ।  
 বুঝিতে না পারি লুকোচুরি এই,  
 ভাঙ্গা ঘরে খেলা, শেষ কিবা নেই,  
 হাসিতে চাহে না প্রাণ কাদিয়ে বেড়াই ।  
 ফেঁটা ফেঁটা জলে—যদি প্রাণ গলে,  
 ডেকে দিও ঠাই কতু চরণ তলে,  
 পিয়াসা বাড়ায় আমি পিয়াসা মিটাই ।

## প্রাপ্তির প্রবেশ

প্রাপ্তি । সেই স্বর—সেই কণ্ঠ—বহুদিনের বিন্মৃত সেই আকুল  
 ক্রন্দন!—কে তুই ? সত্য কি সেই ? বেঁচে আছিহু ? এখনো  
 বেঁচে আছিহু ?

অস্তি । দিদি ! দিদি ! তুমি ? তোমার এমন দশা হ'য়েছে ?  
 আহা !

প্রাপ্তি । সেইত ! সেইত ! তুই আমায় দেখে “আহা” ক'রছিহু ?  
 আহা ! আমারও এই বুকের ভেতর থেকে দিবারাত্র গর্জ্জ ওঠে  
 ‘আহা !’ ‘আহা !’ রক্তাক্ত মৈনাক ধূলায় লুটিয়ে প'ড়েছে—আর



ডাকেনি, সে স্থির চক্ষে আর এ পৃথিবীর আলোক প্রবেশ করেনি।  
আহা! রাজরাজেশ্বর হৃত, আমি এখনও বেঁচে আছি; এ দশা যে  
ক'রেছে তাকে—তাকে—আজই শেষ হ'য়ে যেত! পালেনা—ভীকু—  
কাপুরুষ!

অাস্ত। দাঁদ, এখনও ভোলনি? আজও নিফল আক্ষেপে ঘুরে  
বেড়াচ্ছ? মথুরার অধীশ্বরী তুমি, তোমার এ দশা দেখে যে, বুক কেটে  
যাচ্ছে!

প্রাপ্তি। আমার এ দশা কে করেছে! ভুলব? ভুলব? নিফল  
আক্ষেপ? না—না।

নিমেষের শাস্তি তার করিতে হরণ,

মথুরার অধীশ্বরী আমি—

আসমুদ্র ভারতের প্রতি জনপদে

জ্বলিছে অনল,

ধু—ধু—দাবানল—

হৃদয়ের বহিস্রম সতত প্রবল!

গোপ-বংশে হীন কুলান্দার,

ক্ষুদ্র পতঙ্গের সম

সেই দীপ্ত বহি মাঝে

অবিশ্রান্ত ফিরে দিশেহারা—!

হাঃ—হাঃ—

কি আনন্দ তাহে!

ধ্বংসযজ্ঞে উঠিতেছে ধুম,

হৃদ-ধুম আচ্ছন্ন তাহাতে!

প্রাস্তরে চর্চিত আঁজ

দেখি অস্তি জরাসন্ধ-সুতা—

বনিতা কংসের—

কণ্ঠে তার সেই বিষ সম প্রবাহিত !

যাছুকরে করেছে উন্মাদ !

এক রক্ত ছুই ঠাই !

বোন, আদরিণী ভগ্নী মোর,

হেরি তোরে উদ্বেলিত সন্তাপ সাগর—

আয় বন্ধ মাঝে ।

অস্তি । দিদি ! দিদি !

প্রাপ্তি । এখনও আপনার জন আছে ! তোকে কোলে ক'রে  
মানুষ করিছি, বাল্যে তোর অফুট কণ্ঠে দিদি বলা শুনেছি ; যৌবনে  
স্বামীর পার্শ্বে তোকে শুইয়ে আনন্দে উচ্চ হাসি হেসেছি—সেই তুই  
এখনও এমন ?

একা নারী, কত পারি ? অক্লুরস্ত পথ—

ক্ষত পদ চলিতে চলিতে !

কত দেশে যাই,

উদ্বেজিত করি কতজনে,

এক মাতৃগর্ভে স্থান লভিয়াছি দৌহে,

তুই যদি হতিসু সহায় ?

আয়—আয়—করে কর—একপ্রাণ—

এক লক্ষ্য দৌহাকার,

ছুই ক্ষুধার্ত বাসিনী,

রুধির পিয়াসী ভৈরবী ডাকিনী ছুই,

আয় সৃষ্টি দিই রসাতলে,

স্বর্গ মর্ত্য করি একাকার,—

দেখি, স্বামিহস্তা জীয়ে কতদিন,

দেখি, চরাচরে শক্তির আছে কেবা,

রমণীর প্রতিহিংসা হ'তে

রক্ষা করে যাদব অধমে !

অস্তি । দিদি, দিদি, এ তুমি কি ব'লছ আমায় ? তাকে হত্যা ক'রব আমি ?

প্রাপ্তি । হাঁ—তুই ! কেন করবিনি ? সে কে ? তুচ্ছ মানুষ বৈ তো নয় ? সে আমাদের স্বামীকে হত্যা ক'রেছে, পিতাকে হত্যা ক'রেছে, আমাদের মত কত নারীকে অসহায়া ক'রে, ভিখারিণী ক'রে পথে ছেড়ে দিয়েছে ; কি অজ্ঞায় যদি আমরা তার প্রতিশোধ নিই ? রক্তের পরিবর্তে রক্ত—কোন দোষ নেই—কোন পাপ নেই ! আয়—আয়, তুই আমার সহায় হ' । স্বামীর কাছে প্রতিজ্ঞা করেছিলাম, সে প্রতিজ্ঞা পূর্ণ ক'রে, চল স্বামীর চরণে জুড়ুইগে । সে তো তোকে বিশ্বাস করে, তার বুকে ছুরী বলিয়ে দে ; তার অঙ্গে বিষ, পানীয়ে বিষ, শয্যায় বিষ দিয়ে তাকে হত্যা কর ।

অস্তি । দিদি, রক্তের পিপাসায় তুমি এমনই অন্ধ, আজও তাকে চিনতে পারলে না ? কা'কে হত্যা ক'রতে ব'লছ ? তাকে দেখলে যে আমি সব ভুলে যাই । স্বামিশোক ভুলি, পিতার শোক ভুলি, সংসার ভুলি, নিজেকে ভুলি ! তাকে দেখে অবধি সংসারে তো আর কিছু দেখতে পাইনে । যেদিকে চাই, সেই দিকেই তাকে দেখি—তার কথা শুনি । তোমার সঙ্গে কথা কছি, অন্তরে সে ! হু—হু ক'রে বাতাস বইছে, মনে হ'চ্ছে সে ডাকছে—‘মা’ ‘মা’ ! সে যে সব ভুলিয়ে দিলে—আমি যে নিজেকে খুঁজে পাইনে ! তাকে হত্যা ক'রব ? দিদি, তুমি এমনি পাগল হয়েছ ? আহা !

প্রাপ্তি । আবার ‘আহা’ ? আবার ‘আহা’ ? তোকে যাহু ক'রেছে—তোকে যাহু ক'রেছে । বোন্ ! বোন্ !

অন্তি । না, আর আমি 'তোমার বোন' নই । আমার মা, বাপ, ভাই, বোন, স্বামী—সব সে—সব সে । আমার আর কেউ নেই—কেউ ছিল না ; শুধু সে ছিল—সে আছে—সে থাকবে । কাছে থাকে—আবার পালায় ! এই আসে—এই ছুটে যায় । আমি তাকে পাই—আর হারাই—আবার খুঁজতে ছুটি । এই খেলায় আমি উন্মত্ত হ'য়ে আছি, বিভোর হ'য়ে আছি । হাসি, কাঁদি ! সে কি সুখ, কি আনন্দ !—দিদি, তুমি আমায় ছেড়ে দাও ; তোমার চক্ষে এ কি বিভীষিকা ! আমায় ছেড়ে দাও, আমি পালাই, তাঁর কাছে যাই ।

প্রাপ্তি । যা—যা—অবিশ্বাসিনী নারী, যা—যা—দূরে স'রে যা ! এখনও মমতা আছে, পালা—পালা ! নইলে কি জানি, যদি তোকে হত্যা করি ? তোর গলা টিপে মারি ? রাক্ষসী আমি—সকল মমতা ভাসিয়ে দিয়েছি যার চরণে—সে আমায় ব'লছে “ওকে হত্যা কর, হত্যা কর !” তুই—পালা—পালা । আমি মহাশ্মশানে চিতা সাজাতে চলছি ; তাকে পোড়াব—সেই শ্রীকৃষ্ণকে পোড়াব ! আমি যেমন পুড়ছি, তেমনি তিলে তিলে তাকে পোড়াব ! তুই পালা—পালা ! [ প্রস্থান ।

অন্তি । হে দয়াময় ! হে অনাথনাথ ! এই উন্মাদিনী নারীকে দেখে আমার প্রাণ গ'লে যাচ্ছে—নিষ্ঠুর ! তোমার প্রাণ কি কাঁদে না ? আহা ! ঠাকুর, কেন এর এমন দশা ক'রলে ? এ তোমার কি লীলা ? এ তোমার কি খেলা ? দীননাথ, তোমার খেলাঘর ভেঙ্গে দাও—এ ভুলের দেশে থাকতে যে প্রাণ চায় না ! [ প্রস্থান ।

পঞ্চম দৃশ্য

কুরুক্ষেত্র—প্রান্তর

শ্রীকৃষ্ণ ও অর্জুন

অর্জুন । হে মাধব ! তিষ্ঠ ক্ষণকাল,  
রাখ রথ কুরুক্ষেত্র রজভূমি মাঝে ;

বৃধ্যর্মান সেনাগণে নেহারি বারেক ।

নেহারি বারেক—

গগনের প্রান্তচূড়ি প্রান্তর মাঝারে—

অগণিত কোরব পাণ্ডব,

আত্মীয় বান্ধব,

সমাগত যারা রণযজ্ঞে

জীবন আহুতি দানে ।

অস্থ বলা করহ সংযত ;

যতিমান,

মূহূর্ত্তের অবসর দেহ সন্ধিক্ষণে ।

শ্রীকৃষ্ণ । হে ফাস্তানি,

রুদ্ধগতি রথনেমি আদেশে তোমার ;

সৈন্তসিদ্ধ নেহার অদূরে—

প্রণয়ের পূর্বে স্থির জলধি যেমন !

পূর্বভাগে হের ওই কোরবের দল—

পিতামহ-চালিত বাহিনী,

যেদল ঢাকে যথা সূর্য্যের কিরণ,

মহা চম্ আচ্ছাদিয়া ভারত তপনে ;—

পার্শ্বে তার সপুত্র আচার্য্য, রূপ মহাপুত্র,

দুর্য্যোধন, দুঃশাসন, শকুনি মাতুল,

সোমদত্ত, ভূরিশ্রবা, জয়দ্রথ বীর—

আগুয়ান সময় বিজয় আশে ;

পশ্চিমে পাণ্ডব,—

বৃকোদর রক্ষা করে ঠাট ;

সহদেব, ঋপদ, নকুল

ধর্মরাজে বেড়িয়া চৌদিকে,  
দ্রোপদেয় পঞ্চ, অভিমুখ্য শূর,  
ষটোৎকচ, শিখণ্ডী ভীষণ  
ধৃষ্টদ্যুম্ন, বিরাট সাত্যকি,  
পুত্রপৌত্র আদি আত্মীয় স্বগণ—  
শ্রালক সম্বন্ধী সখা—  
যমজয়ী জনে জনে !

অর্জুন । এ কি দৃশ্য দেখি মহাভাগ,  
নরমুণ্ডে আচ্ছাদিত ভূমি !  
কোটা কোটা প্রাণী এই  
মুহূর্তেক পরে পড়িবে আহবে !  
কি উল্লাস তেজোদীপ্ত বদনে সবার,  
নরঘাতী আকাজক্ষা দুর্জয়—  
ভীক্ৰ অসি করে সমুদ্রত সবে  
পরম্পর হৃদিরক্ত পানে !  
রাক্ষস ইন্দ্রিত এই বীভৎস আচার  
মানবের কল্পনা অতীত !  
যত্নপতি ! ক্রমা কর মোরে,  
এ দৃশ্য দেখিতে নারি আর ।  
শুধু মুখ—ষেদলিঙ্গ  
কম্পাঘিত কলেবর মোর,  
শুধু তাহু, ভারাক্রান্ত অঙ্গগ্রহি,  
অবসন্ন প্রাণ,  
অক্ষয় দুর্বল বাহু গাভীর ধারণে !

হুবীকেন্দ্র ! কর ক্রমা—

সংগ্রামে বিরত আমি ।

শ্রীকৃষ্ণ । হে বিজয় !

অকস্মাৎ এ কি শুনি বিপরীত বাণী ?

বুঝিব কি ভয়ে ভীত অজ্ঞেয় অর্জুন

কৌরবের মহাসৈন্য হেরি’

চাহে ভীকু সম পৃষ্ঠ দিতে রণে ?

অর্জুন । নহে ভয়—যত্নপতি, নহে ভয় ;

মমতায় ব্যাধিত এ প্রাণ ।

নিষ্ঠুর এ হত্যা কার্য্য—অতি হীন যেই

শিহরে সে কল্পনা করিতে ;

নরোচিত নহে ইহা ।

এই গাণ্ডীব করিমু ত্যাগ,

পদে ধরি কহি মহাভাগ,

ক্রমা কর মোরে ;

আমি যুদ্ধ কভু না করিব ।

শ্রীকৃষ্ণ । ভারতের সিংহাসনে

নির্বিবাদে বসিবে কৌরব,

রাজহুত্রে হুর্ঘ্যোধন শিরে—

আর বীর-শ্রেষ্ঠ পঞ্চ ভাই পাণ্ডুর তনয়

বনে বনে ভিখারীর বেশে করিবে ভ্রমণ

পরদস্ত অমুগ্রহ চাহি’,—

নরোচিত হবে সমুচিত ?

অর্জুন । কিবা ক্রতি ? কতদিন প্রাণ ?

কতদিন ভ্রমিব ধরায়,

কতদিন নিগ্রহ ভুঞ্জিব,  
 কাহারে বধিব রণে ?  
 তীক্ষ্ণধার শাণিত শায়ক—  
 কার রক্ত করিবে হে পান ?  
 অতি পূজ্য নমস্ত সবার—  
 ভরত বংশের ওই গৌরবের কেতু,  
 অতি বৃদ্ধ পিতামহ,  
 পুত্রসম করেছে পালন—  
 কোন্ প্রাণে  
 তাঁর বক্ষে করিব হে অস্ত্রের আঘাত ?  
 গুরু দ্রোণ—  
 অতি স্নেহে বন্ধিয়া তনয়ে নিজ  
 অকপটে বিছাদান ক'রেছেন যোরে,  
 প্রহারিব লোল চর্মে তাঁর !  
 জ্ঞাতি হুৰ্য্যোধন—একরক্ত ধারা,—  
 আর আর আত্মীয়-স্বজন,  
 মম পক্ষে প্রাণাধিক প্রিয়পুত্র,  
 ভ্রাতা, ভ্রাতৃশূত, মিত্র আদি  
 কতজন ত্যজিবে জীবন,  
 আমি হব কারণ তাহার ?  
 না, না—অতি হীন গর্হিত এ আচরণ,  
 আমা হ'তে না হবে সম্ভব !

শ্রীকৃষ্ণ । অবহেলে ক্রাত্রধর্ম দিবে বিসর্জন ?

অর্জুন । ক্রাত্রধর্ম যদি হয় স্বজাতি নিধন,

ক্রাত্রধর্ম যদি হয় নির্ধম এমন,



তবে কাত্রধর্ম যাক রসাতলে  
 তাহে মোর নাহি প্রয়োজন ।  
 জনার্দন,  
 আমি বংশগত ধর্ম ত্যজি'  
 অধর্মের লইব আশ্রয়,  
 কিন্তু কুলক্ষয় করিতে নারিব ।  
 কার তরে বাহু সিংহাসন ?  
 কে করিবে ভোগ ?  
 তুচ্ছ এই ধরা—কর্কশ মৃত্তিকা স্তূপ,  
 তুচ্ছ আধিপত্য তার,  
 তুচ্ছ তার রাজসিংহাসন,—  
 প্রাণহীন স্বর্ষপিণ্ডে গঠন বাহার,  
 ত্রৈলোক্যের সিংহাসন  
 প্রলুপ্ত করিতে যোরে নারিবে কখনো,  
 জাতিবধ গুরুবধে এই—  
 প্রায়শ্চিত্ত যার  
 অনন্ত নরকভোগে না হবে লাগন ।  
 হে শ্রীহরি,  
 ভিক্ষা-অন্ন শত গুণে শ্রেয় গরীয়ান  
 রুধিরাক্ত পরমায় হ'তে ।  
 হে অর্জুন, চমৎকৃত করিলে আমারে !  
 মোহাচ্ছন্ন দুর্বল হৃদয়,  
 বালক-উচিত বুদ্ধি,  
 বিজ্ঞতার তাণে কহ পণ্ডিতের ভাষা,—  
 অর্থ যার অজ্ঞাত তোমার ।

শ্রীকৃষ্ণ ।

আসন্ন সময় ত্যজি' যদি কর পলায়ন,

হাস্যাম্পদ হবে লোকে ;

ক'বে হবে,—নহে বিবেক তাড়নে,

ভয়ে রণে দেছে কমা

কাপুরুষ তৃতীয় পাণ্ডব ।

ছি ছি নিন্দার ভাজন হবে ক্ষত্রিয় সমাজে

ধর্মভাণে দৌর্বল্যের লইলে আশ্রয় !

অর্জুন । বাঞ্ছনীয় উপহাস

কিঞ্চা নিন্দা গ্লানি যত,

এই আশ্রয়িক আচরণ হ'তে ।

সর্বশাস্ত্রে সর্বধর্ম্মে কহে,

হিংসার অধিক পাপ নাহিক জগতে ।

শ্রীকৃষ্ণ । মূর্থ সম এক কথা কহ বারবার,

নাহি বুঝ কিবা পাপ, কিবা পুণ্য,

হিংসা কহে কারে !

অহঙ্কারে বিমূঢ় অজ্ঞান,

ভাব মনে ভূমি বধিবে কোরবে ?

নাহি জ্ঞানি কেবা বধ্য, বধকর্ত্তা কেবা,

নাহি জান জীবন মরণ রহস্ত ছুজেন,—

তাই মমতার আবরণে ঢাকি' ভীকৃত্য আপন,

ব্যর্থ মহত্বের করিছ প্রচার !

ওঠ, ধর শরাসন,

যুদ্ধকামী অরাতির হও সম্মুখীন,

বীরবে প্রতিষ্ঠা কর নয়ন ভোমার

অর্জুন । কমা কর দেব,

বিঘ্নিগ্ধমস্তিষ্ক আমার,  
 রবিরশ্মি নির্ঝাপিত,  
 নির্ঝাপিত নয়ন আলোক,  
 হেরি চারিধার দুর্ভেদ্য আঁধার,  
 শুনি অমঙ্গল ধ্বনি—  
 হাহাকার মহামার বেড়িয়া অবনী !  
 হৃদপিণ্ড দলিত মথিত !  
 লতি জন্ম শ্রেষ্ঠ নরকুলে,  
 অতিহীন হিংসার তাড়নে  
 নরহত্যা করিতে নারিব ।  
 হৃষীকেশ, প্রণমি তোমায়,  
 ত্যজি রাজ্যস্পৃহা,  
 ত্যজি পাপ রণক্ষেত্রে এই,  
 আমি যাই—বনবাসে লইগে আশ্রয় !  
 শ্রীকৃষ্ণ । কোথা যাও ? তিষ্ঠ হেথা ;  
 নাশি' অজ্ঞানতা, নাশি' মোহ,  
 উদ্বোধিত কর সত্য নরহ তোমার !  
 হিংসা কারে কহ ?  
 যতদিন ভক্তুর এ শরীর ধারণ,  
 জীবন-প্রবাহ বদ্ধ যতদিন দেহের বেষ্টনে,  
 হিংসা নিত্য সহচরী তব ;  
 প্রতি স্বাসে কর কোটী প্রাণী নাশ ;  
 প্রতি পরক্ষেপে  
 অগণিত প্রাণী হত্যা কত !  
 কীটাণু গঠিত দেহ

হিংসায় জনম—হিংসায় বর্দ্ধিত ঈর্ষ্য ;  
 আহারে বিহারে, আরামে বিরামে  
 চলে প্রাণী হিংসি' পরম্পরে,  
 জীবনের ধারা তাই ধায় অবিরাম ।  
 মুক্তকেশী মহাকালী কৃষির লোমূপা,  
 জননী বিশ্বের—

সৃষ্টির অনাদি শক্তি,  
 তাই হিংসা-ধড়গ ছেদি' শক্রশির,  
 জীবঘাতী অসুরের হৃদি ভিন্ন করি'  
 রাখেন বিশ্বের সৃষ্টি । বীর তুমি,  
 অসুর বিনাশে পার্শ্ব,  
 নাহি কর বৈরাগ্যের ভাগ !

অর্জুন । ভাগ ?

তবে কি মাধব, অধর্ম অহিংসা-ব্রত ?

শ্রীকৃষ্ণ । যতদিন দেহজ্ঞান,

কোথা স্থান অহিংসার ?

অহিংসা পরম ধর্ম নাহিক সন্দেহ ;

কিন্তু সে নীতি কাহার ?

আত্মপরভেদাত্তেদজ্ঞান শূন্য যেই,

সুখে-দুঃখে সম বুদ্ধি,—

স্থিত জ্ঞান, আত্মতত্ত্ব প্রকটিত যার,

জীবব্রহ্ম উপলব্ধি করিয়াছে যেই—

যেই জন ব্রহ্মজ্ঞানে ব্যাঘ্রে দেয় কোল,

সর্ব ফণা ধরে গলদেশে,

বিষামৃত সমান বাহার,

কর্মফলেত্যাগী সন্ন্যাসী প্রবর,—  
 অহিংসা পরম ধর্মে অধিকারী সেই ।  
 তুমি বদ্ধ জীব, স্বামী অভিমানে  
 লক্ষ্য-ভেদে লতেছ পাঞ্চালী,—  
 স্বামী তুমি, রক্ষক তাহার,—  
 সত্তা মাঝে বিবজ্জা করিল তারে—  
 বিহার-সজ্জিনী তব  
 উলঙ্গিনী দীপ্ত দিবালোকে  
 সম্মুখে তোমার নারকীর অত্যাচারে,  
 আর—

তুমি করি' বৈরাগ্যের ভাণ,  
 কহ মমতা-কাতর স্বরে,  
 অহিংসা পরম ধর্ম সনাতন নীতি ?  
 অর্জুন । কিন্তু গুরুবধ—আত্মীয় বিনাশ !  
 নারায়ণ, হতবুদ্ধি, বুঝিতে না পারি  
 কেমনে নাশিব প্রাণাধিক স্বগণে আমার ?  
 নিষ্ঠুর এ ধ্বংস-যজ্ঞে কেমনে হইব ব্রতী ?

শ্রীকৃষ্ণ । পুনঃ কহ কেমনে নাশিব ?  
 পুনঃ ভাব মনে নাশকর্তা তুমি ?  
 দেহী ভাবি'—দেহ বধে কাতর এখনো ?  
 কে কহিল ধ্বংস ইহা ?  
 অস্তিত্ব বাহার ছিল না কখনো,  
 মায়াঘোরে বস্তু বিচার যাহে,  
 —ধ্বংস তার কেমনে সম্ভবে ?  
 আর তাই যদি হয়,

এই দেহ—মুহূর্ত্তে বর্ত্তন যার, .  
প্রতি পলে ধ্বংস মুখে অগ্রসর যেই,  
কৌমার যৌবন জরা  
বার্দ্ধক্যের করিয়া আশ্রয়,  
নিত্য ভাব তারে তুমি ?

মূর্থ,

কহ কেমনে নাশিব তারে ?

অৰ্জুন । প্রকৃতি নিয়মে সত্য যদি মরিবে সকলে,  
আমি কেন হব হত্যাকারী ?

—প্রভু !—ধরি পায়,

উত্তেজিত আর কোরো না আমারে ।

শ্রীকৃষ্ণ । হে অৰ্জুন !

সখা জ্ঞানে আলিঙ্গন করিয়াছি তোমা,

নর মাঝে নরোত্তম তুমি,

—নর-নারায়ণ,

দিব্য জ্ঞান দানি আজি ;

জ্ঞান চক্ষে হের মতিমান !

প্রকৃতি-নিয়মে টুটিবে এ মায়াবী বিকার ;

অসত্যে গঠন যার,

অনিত্য সৰ্ব্বদা সেই !

কেবা মরে, কেবা কায়ে মারে ?

আত্মা অবিনাশী সদা !

ঘটে ঘটে প্রকাশ বাহার,

ঘট নাশে নহে ধ্বংস তার ।

নিত্য বিরাজিত সেই,

জনম মরণ ব্যবধান হীন,  
—নহে ছেদ অস্ত্রের আঘাতে,  
অদাহ—অশেষ্য সদা  
—সদা ক্লেদহীন, পরিধি বিহীন,  
অসীম—অনন্ত—ছেদ-শূন্য মহাপারাবার !

অর্জুন ।

যদুপতি !  
এ কি, কোথা ল'য়ে যায় মোরে ?  
এ কি দীপ্তি অন্ধকার মাঝে,  
ক্লেমে—ক্লেমে বিদ্যুৎ চমক সম  
বিভ্রান্ত করিছে প্রাণ !  
ধর দেব, ধর কর দৃঢ় করি',  
চরণ বহিতে নারে দেহ ভার আর !  
ঘোরে মস্তিষ্ক আমার,  
অর্কবুদ—অর্কবুদ বিশ্ব  
ফুটে—টুটে—হয় লয় কে করে নির্ণয়,  
মিশে কোন্ সীমাহীন ভীম পারাবারে !  
আচ্ছন্ন সন্ধিৎ,  
জানহারা আমি—আমারে নিষ্কৃতি দাও ।

শ্রীকৃষ্ণ । হে পার্শ্ব !

হীন ক্লৈব্য কর পরিহার,  
কর দূর মোহ আবরণ,  
ছিন্ন কর তুচ্ছ মায়াপাশ ; দেখ চেয়ে—  
আমি কৃষ্ণ—সম্মুখে তোমার  
ইষ্ট সবাকার !  
স্বাবর অঙ্গম বিশ্ব চরাচর

বিরাজিত প্রতি লোমকূপে ;  
 শশী সূর্য্য নয়ন আমার ;  
 সরিৎ সাগর অঙ্গি, গ্রহ উপগ্রহ,  
 বিদ্যমান আমারে আশ্রয় করি' ;  
 আমি প্রাণ নিখিল ভুবনে,  
 আমি জীব, আমি শিব,  
 আমি—আমি—কারণ সলিলে ;  
 আমি কালান্তক,—মহাকাল আমি,  
 মায়াশে নামের বিকার  
 আমি করিয়াছি নাশ ;  
 ভীষ্ম দ্রোণ কৰ্ণ মহাশূর,  
 আর আর বোদ্ধবৃন্দ যত,  
 পূৰ্ব্ব হ'তে হত সব প্রভাবে আমার !  
 পরম্পর, অমৃতের পুত্র মহাতাগ ।  
 সৰ্ব্বধৰ্ম্ম করি' পরিহার,  
 লহ একমাত্র আমার শরণ ;  
 ত্যজ খেদ, করি' ত্রাণ সৰ্ব্বপাপ হ'তে  
 মহামুক্তি আমি দিব তোমা ।  
 উঠ—জাগ—ধর করে বিজয় গাণ্ধীব,—  
 প্রমত্ত বিক্রমে নাশি,  
 ধৰ্ম্মঘাতী—অরাতির দল  
 সব্যাসাচি !  
 অক্ষয় কীর্তির স্তম্ভ করহ স্থাপন !



# চতুর্থ অঙ্ক

প্রথম দৃশ্য

ভীষ্মের শিবির সম্মুখ

দুর্য্যোধন

দুর্য্যো । একে একে গত সপ্ত দিন—  
মম পক্ষে অগণিত সৈন্য হত,  
মৃত আত্মীয় বান্ধব কত,  
কিন্তু পাণ্ডুকুল অক্ষয় অমর  
সমভাবে যুঝে ভীষ্ম সনে !  
বুঝিতে না পারি,  
কোন্ দৈব বলে  
অবহেলে সহে সবে ভীষ্ম-পরাক্রম !  
সমরান্তে  
নিত্য আসে বৃষ্টিটির পিতামহ পাশে,  
নিত্য যাচে আশীর্ব্বাদ !  
বৃদ্ধ—স্বভাবতঃ কোমল-হৃদয়,  
হয় সন্দেহ উদয়,  
স্নেহবশে কার্পণ্য করিয়া  
যুঝে শান্তনু-নন্দন,  
তাই জীয়ে অধম পাণ্ডব !  
দেখি, নিজ বুদ্ধি দোষে  
রচিয়াছি নিজ মৃত্যুজাল !

যা হবার হবে—আমি সন্দেহ ঘুচাব,  
হারি কিম্বা জিনি  
পর মুখ না চাহিব আর ;  
নিজ ভার নিজে আমি করিব গ্রহণ ।

### ভীষ্মের প্রবেশ

ভীষ্ম । কে ? ওঃ—দুর্যোধন ! এ কি মহারাজ, বুদ্ধান্তে শ্রান্ত  
তুমি, এখনো প্রাসাদে যাওনি ; এখানে অপেক্ষা ক'রছ কেন বৎস ?

দুর্যোধন । পিতামহ, প্রাণ জ্বলে,—

বুঝিতে না পারি নির্বন্ধ দৈবের !  
সেনাপতি রামজয়ী তুমি ধনুধারী,  
অতুল বিক্রম দ্রোণ সহায় তোমার,  
যুঝে রূপ, অশ্বখামা বিক্রমে কেশরী,  
ইন্দ্র আদি দেবগণ, বরুণ, শমন  
স্তম্ভিত যাদের হেরি সম্মুখ সমরে !  
তবু—নিত্য হেরি কুলক্ষয়  
পরাজয় মম পক্ষে ;  
নিত্য ফিরি বিষণ্ণ-বদনে  
সমর-অঙ্গন হ'তে । কহ, কত দিনে  
এ লাঞ্ছনার হবে শেষ ?  
হয় শত ভাই কৌরব নির্মূল হবে,  
নয় মরিবে পাণ্ডব ?

ভীষ্ম । দুর্যোধন ! আক্ষেপ না কর ।

বুদ্ধ আমি—তবু প্রাণপণে করি রণ ;  
প্রাণপণে করি তব আদেশ পালন ;

কিস্ত কি করিব ? নিয়তি নির্দিষ্ট গতি

ফিরাবার শক্তি নাহি কার' ।

বার-বার বলেছি তোমায়ে

অজ্ঞেয় পাণ্ডব, রণে দিতে ক্রমা,

হিতবাণী শোননি কখনো ;

কি করিব ; সাধ্যমত করি যুদ্ধ,

ফলাফল নহে বৎস, আয়ত্তে আমার !

দুর্যো । চিরদিন এক কথা—

অজ্ঞেয় পাণ্ডব—অজ্ঞেয় পাণ্ডব !

জ্ঞেয় শুধু কুরুকুল,—

ভীষ্ম সেনাপতি যার !

যদি বুঝেছিলে সার অজ্ঞেয় পাণ্ডব,

সৈন্যপত্য তবে কেন করিলে গ্রহণ ?

কেন বলনি তখন,

দৈব বলবান,

আর হীন-শক্তি জাহ্নবী-নন্দন ?

ছিল দ্রোণ, ছিল কৰ্ণ অঙ্গ-অধিপতি,

সাগ্রহে সৈন্তের ভার করিত গ্রহণ :

কিষ্ণা আমি নিজে

চালিতাম বাহিনী আমার ।

কি শত্রুতা ছিল তব সনে

ইচ্ছা করি মজাইলে মোরে ?

ভীষ্ম । দুর্যোধন ! দুর্যোধন !

আরে আরে কুলের অধম !

—না—না—

হে বাণী করুণাময়ি,  
 অসংযত রসনা আমার,  
 তুমি দেবি, হ'য়ো না চঞ্চল,  
 কোরো না নিষ্ফল  
 আজন্মের তপস্যা ভীষ্মের ;  
 মমতা ফিরায়ে দাও, অন্ধ স্নেহ,  
 বন্ধ যাহা প্রতিজ্ঞার পাবাণ বেঁধেনে  
 সস্তাপ তাড়নে যেন শুদ্ধ নাহি হয় ;  
 যেন কুপায় তোমার, সর্ব অভিষাপ  
 আশীর্বাদে হয় পরিণত !  
 কহ দুর্ঘোষন, হস্তিনার রাজা,  
 কিবা চাহ আমি হ'তে ?  
 কহ, কোন্ কার্যে দেখিয়াছ ক্রটি ;  
 সংশোধনে যদি সাধ্য থাকে,  
 প্রাণদানে সাধি তাহা ।  
 দুর্ঘোষ । পিতামহ, ক্রোধ পরিহর ;  
 অভিমানে কহি কটুভাষ ।  
 তুমি আজীবন করেছ পালন,  
 তব ঋণ চিরদিন অশোধ্য আমার,  
 একমাত্র তোমার ভরসা করি,  
 দিছি ঝাঁপ দুস্তর এ সমর-সাগরে ;—  
 কিন্তু কি কহিব,  
 মন্দ ভাগ্য আমি ! দিন দিন পরাজয়,  
 দিন দিন পরি কলঙ্কের ভ্রমলেপ  
 ললাটের টীকা,

ঘৃণা হয় বদন দেখাতে নরে ।  
 যদি জান, সত্য অজ্ঞেয় পাওব,  
 কহ মতিমান,  
 বিসর্জন দিই প্রাণ অগ্নিকুণ্ড মাঝে ;  
 কিসা ত্যজি লোকালয়  
 গহনে প্রবেশ করি ।  
 রাজা আমি, বৃথা রাজছত্র ধরি শিরে,  
 বৃথা আড়ম্বর কোরব ঈশ্বর,  
 উঠে ব্যঙ্গপূর্ণ ধ্বনি অবিরাম !  
 হতমান—হতমান, চূর্ণ দস্ত—  
 জীবন থাকিতে ফিরি মৃতের সমান !  
 জানি না ভাগ্যের লিপি,  
 চিরদিন অজ্ঞেয় জগতে তাহা ;  
 কিন্তু রাজা,  
 জানি কিছু সামর্থ্য আমার ।  
 দুর্ঘ্যোজন ! ক্লেভ নাহি কর,  
 যাও গৃহে লভগে বিশ্রাম ;  
 কালি প্রাতে করিব সংগ্রাম  
 ইতিপূর্বে ত্রিলোক দেখেনি বাহা ।  
 যদি বাসুদেবে করিয়া সহায়,  
 দেব সৈন্তে মিলি, ইন্দ্র, চন্দ্র, শূলি,  
 মহাশূর কার্তিকেয় প্রবেশে সমরে,  
 নিবারিতে নারিবে আমারে ।  
 কালি করিব সমর,—  
 হেরি যাহা ধরণী কাঁপিবে,

ভীষ্ম ।

শরাচ্ছন্ন দিবাকর  
 সত্যে লুকাবে মুখ !  
 শোন রাজা, শোন প্রতিজ্ঞা আমার—  
 গুরুদত্ত মহামন্ত্র করি' আবাহন  
 মহাশক্তি সঞ্চারিব বাণে—  
 পঞ্চ তীক্ষ্ণ তীর এই,  
 পঞ্চভাই পাণ্ডুর তনয়  
 ছিন্ন শির লুটাবে ধরায় যাহে !  
 যাও গৃহে, পূজা অন্তে পুনঃ হবে দেখা ।

[ ভীষ্মের প্রস্থান ।

দুর্যো । আজি কাটিল দুর্দিন,  
 দেখি সুদিন আগত যোর,  
 এতদিনে নিশ্চিন্ত হইলু আমি ।  
 আর কারে ভয় ?  
 হে পাণ্ডব,—  
 আজি নিশা যত পার করহ উল্লাস ;  
 কালি সুর্য্যোদয়ে  
 রণক্ষেত্রে লভিও বিরাট ;  
 হোয়ো চির-নিদ্রাগত ;  
 আর সে নিদ্রায় মাঝে মাঝে দেখিও স্বপন—  
 কুরুক্ষেত্রে রুধির তরঙ্গে ভালে  
 সর্ব আকাজিকত এই  
 ভারতের মায়া সিংহাসন !

[ প্রস্থান ।

## দ্বিতীয় দৃশ্য

হস্তিনার প্রাসাদ-তোরণ

শ্রীকৃষ্ণ ও অর্জুন

শ্রীকৃষ্ণ । কোন চিন্তা নাই ; পিতামহের প্রতিজ্ঞা ব্যর্থ ক'রবো আমি । তুমি যাও, নিঃসঙ্কোচে দুর্যোধনের সহিত দেখা কর । প্রভাসে, গন্ধর্ব্বরাজ চিত্রসেন যখন কুরুবধুগণের সহিত সবার্দ্ধব দুর্যোধনকে বন্দী করে, তখন তুমি আর ভীম তাদের মুক্ত ক'রেছিলে । সে সময়, অতি আনন্দে দুর্যোধন তোমায় একটী বর দিতে চেয়েছিল ; সে বর তখন তুমি গ্রহণ করনি ; আজ তার প্রয়োজন হ'য়েছে ।

অর্জুন । কি বর চাইব ?

শ্রীকৃষ্ণ । তুমি দুর্যোধনের নিকট তার মুকুট ভিক্ষা কর !

অর্জুন । মুকুট ? তাতে কি হবে ?

শ্রীকৃষ্ণ । এই মুকুটেই আসন্ন সঙ্কট থেকে তোমাদের রক্ষা ক'রবে । এই মুকুট পরিধান ক'রে তুমি ভীষ্মের শিবিরে গিয়ে তাঁর কাছে পাণ্ডব বিনাশার্থ মন্ত্রঃপুত যে পঞ্চবাণ, তা চেয়ে নেবে ।

অর্জুন । তিনি আমায় দেবেন কেন ?

শ্রীকৃষ্ণ । তোমায় দুর্যোধন ভ্রমে দেবেন ; স্নেহ এবং ক্রোধে তাঁর জ্ঞান আচ্ছন্ন হ'য়েছে ; তিনি এখন কর্তব্য এবং অকর্তব্য বিচারপরিশূন্য । এই দুর্ব্বলতার সুযোগ তুমি অকুণ্ঠিত-চিত্তে গ্রহণ কর । প্রতিজ্ঞায় আবদ্ধ ভীষ্ম, রাজাদেশ পালন ক'রতে, চিরজীবন ঈশ্বরের আদেশ পালনে অবহেলা ক'রেছেন ; সর্ব্ব মানবের পূজা পরিত্যাগ ক'রে রাজ-শোণিতের পূজায় যে মহাক্রটি, তা সংশোধন ক'রব আমি । যাও, দুর্যোধনকে সংবাদ দাও !

অর্জুন । আর তুমি—

শ্রীকৃষ্ণ । আমি ঠিক সময়েই দেখা ক'রব । [ শ্রীকৃষ্ণের প্রস্থান ।

অর্জুন । যদুপতি !

তুমি যন্ত্রী—

আমি যন্ত্র ; চলি-বলি তোমার ইচ্ছায় !

প্রতীহারির প্রবেশ

প্রতীহারি । আপনি কি পুরী প্রবেশ ক'রবেন ?

অর্জুন । রাজাকে সংবাদ দাও, তৃতীয় পাণ্ডব অর্জুন তাঁর সাক্ষাৎপ্রার্থী ।

প্রতীহারি । ( নতজাহ্নু হইয়া ) দেব, আমার প্রণাম গ্রহণ করুন ।  
আর্য্য, আপনার নিকট এ প্রাসাদের দ্বার সদাই মুক্ত ।

অর্জুন । তুমি সংবাদ দাও ; তাঁর উত্তর পেলে আমি যাব ।

প্রতীহারি । যথা আজ্ঞা ।

অর্জুন । এখানে একদিন বাস ক'রতাম ; বাস্তবস্থিতি জড়িত এই  
প্রাসাদ এখন শত্রুপুরী । ক্ষত্রিয়ের জীবনই বিচিত্র !

দুর্য্যোধনের প্রবেশ

দুর্য্যো । একি ! অর্জুন ? ভাই, তুমি পুরী প্রবেশ না ক'রে  
আমায় সংবাদ পাঠিয়েছ কেন ? ক্ষত্রিয়ের ধর্ম্ম অনুসারে আমরা যুদ্ধ  
করি ; কিন্তু শত্রুতা—সে তো রণক্ষেত্রে ! এখন তো আমরা সেই ভাই  
—কোরব আর পাণ্ডব । এস মতিমান, স্বগৃহে প্রবেশ ক'রে আমার  
আনন্দ বর্দ্ধন কর । এস, বন্ধে এস । ( আলিঙ্গন )

অর্জুন । হে জ্যেষ্ঠ, লহ প্রণাম আমার ।

আজি আসি নাই—

আতিথ্য হেথায় করিতে গ্রহণ ;

কনিষ্ঠ কোরব—

আসিয়াছি জ্যেষ্ঠের নিকটে



প্রতিশ্রুত বর ভিক্ষা হেতু ।

কোরব দৈশ্বর, করহ অরণ—

বহুদিন গত,

চিত্রসেন যবে বন্দী করিল তোমায়—

দুর্ঘ্যো । বুঝিয়াছি ভাই,

আর বলিবার নাহি প্রয়োজন ।

সে ঘোর সঙ্কটে তুমি আর ভীম

রেখেছিলে বংশের সন্মান ।

বীরছে তোমার—গর্কোৎফুল্ল প্রাণ,

চেয়েছিহু দানিতে তোমায় বর ;

তুমি করনি গ্রহণ ;

বলেছিলে—লবে সময়ে কখনো ইচ্ছামত তব ;

আজি যদি বুঝ প্রয়োজন,

কহ পাণ্ডুর নন্দন, কিবা চাহ তুমি ?

অদেয় তোমারে ভাই, নাহি কিছু মোর ।

অর্জুন । আমি চাহি যুকুট তোমার ।

দুর্ঘ্যো । চাহ উকীষ আমার ?

অদ্বুত প্রার্থনা তব !

চাহ শুধু রাজ-শিরস্রাণ—

আর নহে কিছু ?

নহে সিংহাসন,

নহে রাজছত্র, রাজস্ব বৈভব ?

অর্জুন । নহে ।

দুর্ঘ্যো । কহ—কি অদেয় ছিল মোর ?

কহ ভাই, যদি যুদ্ধরতী পক্ষ ভাই

ত্যজি রণ, ত্যজি অভিমান,  
 আসি হস্তিনার প্রাসাদের দ্বারে,  
 ভ্রাতৃহের পূর্ণ অধিকারে, চাহে বর,  
 চাহে সিংহাসন, চাহে সর্বস্ব আমার,  
 কোন্ দানে অসম্মত আমি ?  
 চাহ মাত্র তুচ্ছ এ মুকুট ?  
 অতি ক্ষুদ্র ভিক্ষা তব ।  
 লহ-লহ বংশের গৌরব,  
 লহ এ মুকুট ;  
 আমি স্বহস্তে পরায়ে দিই  
 বিজয় মস্তকে তব ।  
 আন নাই নিজ শিরোভূষা ?  
 হ'ত ভাল—  
 আজি রাত্রি করিতাম  
 বিনিময় কিরীট দৌহার ;  
 কালি প্রাতে  
 কুরুক্ষেত্রে মহারণে মাতিতাম পুনঃ ।

অর্জুন । শুধিলেনা প্রয়োজন—  
 দুর্যো । আর কিছু শুনিতে না চাহি,  
 ঋণমুক্ত আজি আমি ;  
 যাও ভাই,  
 করি আশীর্বাদ,  
 প্রয়োজন সিদ্ধ হ'ক তব ।

অর্জুন । লহ কোষ্ঠ, প্রণাম আমার । [ অর্জুনের প্রস্থান ।  
 দুর্যো । অর্জুনের পূর্ণ বেধি ; ভিক্ষার্থী পাণ্ডব !

রে অর্জুন !

যাও—নিশ্চিন্তে ঘুমাও আজি ;

মুকুট-বিহীন পঞ্চশির

লুটাবে ধরায় কালি !

### তৃতীয় দৃশ্য

কুরুক্ষেত্রে সময়-প্রাক্কণ

দ্রোণাচার্য্য ও অশ্বথামা

দ্রোণ ।      শুন পুত্র, সাবধানে রক্ষা কর ঠাট ;  
মহোন্মাদে গর্জে শুন পাণ্ডবের দল ;  
কালান্তক যম সম পার্থ ধনুর্ধর—  
আগুয়ান্ রণে ; গদা হাতে ভীম ধায়  
আক্রমিতে কোরব-ঈশ্বরে ;  
বৃষ্টিবির যুঝে শল্য সনে ;  
অভিমুখ্য করে মহামার ;  
ধুইছায় বার-বার করে আশ্ফালন !  
সহিতে না পারি অরাতি বিক্রম ।

তুমি যাও—

নিবার' পাঞ্চালে রণে ;  
ধুইছায়ে বধি' আমি ঘুচাই জঞ্জাল ;  
দ্রুপদের উপেক্ষার দিই প্রতিকূল ।

অশ্ব ।

পিতা,

হের ওই রথোপরি ভীম মহাবীর—  
শত্রুকেশ, শুভ্রবাসে আচ্ছাদিত তনু,  
অচল অটল স্থির হেমগিরি যেন—

সৈন্তসিদ্ধি মতি' মহা ধনু করে

আক্রমিছে ধনঞ্জয়ে !

পার্শ্বে তার চির-অরি দ্রুপদেয় ওই।

পিতা,

দেহ আজ্ঞা—পশুসম বধিয়া অধমে,

কাটি মুণ্ড তার পদে দিই ডালি।

দ্রোণ। যাও বৎস,—বীরহীন কর মহী।

আমি দেখি কোথায় পাকাল ! [ উভয়ের প্রস্থান।

যুধিষ্ঠিরের প্রবেশ

যুধি। আজি দেখি পাণ্ডবের নাহিক নিস্তার !

আজি দেখি

কুরুক্ষেত্রে মহারণ হয় অবসান !

কি আশ্চর্য্য ! ধনুর্ধর পার্থ মহাবীর,

তিনপুত্র হয় দক্ষ শরানলে যার,

শ্রীহরি সারথী রথে—

ভিল নহে স্থির ভীষ্মের সন্মুখে।

একি যুষ্টি ধরে আজি শাস্ত্র-নন্দন !

পিনাক টঙ্কার শুনি'

কোদণ্ড টঙ্কারে তাঁর—

হয় মনে, যোগভঞ্জে ক্রুদ্ধ মহাকাল

মহারজে ধায় ব্রহ্মাণ্ড বিনাশ হেতু !

বুঝি বুঝি দোবে মোর

সৃষ্টি নাশ হয় আজি।

এ কি ! ধুইছায় করে পলায়ন !

বুঝি আচার্য্য পাঞ্চালে বধে !

কোথা ভীম, কোথা সহদেব,

রক্ষা কর সপুত্র দ্রুপদে ।

[ প্রস্থান ।

নেপথ্যে

অশ্বখামা

} আরে হীন দ্রুপদ-নন্দন,

প্রাণ ভয়ে কর পলায়ন ?

দেখি কোথা জনক তোমার ।

ভীমের প্রবেশ

ভীম । ঐ রথে রাজা দুর্যোধন—

কর আক্রমণ—কর আক্রমণ !

ধৃষ্টদ্যুম্নের প্রবেশ

ধৃষ্ট । শরানলে দগ্ধ তনু—

আজি দেখি প্রমাদ পড়িল ঘোর

ধর্ম্মরাজে ল'য়ে ! ত্রস্ত পাণ্ডবের দল—

মহাসৈন্য আকুল অধীর—

উদ্বেলিত সমর-সাগর—

একগোটা রথী নহে স্থির—

ঘন ঘন মুচ্ছিত অর্জুন—

এ হেন সমর-জীবনে দেখিনি কভু !

অস্তরীক্ষে সমাগত দেবগণ সবে

হেরিতে ভীষ্মের রণ !

হেরি চিস্তিত শ্রীহরি,

বুঝিতে না পারি আজি কি হয় সংগ্রামে ?

[ প্রস্থান ।

রথোপরি অর্জুন ও শ্রীকৃষ্ণের প্রবেশ

অর্জুন । যদুপতি,

হেরি শরজালে আচ্ছন্ন গগন !

কোথা ভীষ্ম, কোথা পিতামহ—দুর্ভেদ্য আধার—

রথ তাঁর দেখিতে না পাই ।

শ্রীকৃষ্ণ । হে অর্জুন,

বিস্ময়ে বিমুগ্ধ আমি ।

সত্য বটে

কালান্তক যম গঙ্গার নন্দন ।

সত্য বটে

রামশিষ্য রামজয়ী ভীষ্ম নাম সার্থক তাঁহার !

সত্য বটে

কৃত্রমাঝে ক্ষত্র শ্রেষ্ঠ বীর পিতামহ,

শৌর্য্যে বীর্য্যে জ্ঞানে বা পাণ্ডিত্যে

সমকক্ষ তাঁর কেহ নাহি ভবে !

পরিণাম ভয়ে ভীত আমি ;

বুঝিতে না পারি

আজি রণে ধর্ম্মরাজে কেমনে রক্ষিবে !

অর্জুন । বৃথা ছলে হরিলাম বাণ,

কলঙ্কের ডালি বৃথা লইলাম শিরে !

যতক্ষণ বেছে রবে প্রাণ

কলাফল নাহি গণি,

ভীষ্ম সনে করিব সংগ্রাম ;

যদি মরি—

প্রবোধিব মনে,

যোগ্য অরি-করে  
 ধনু করে সমরে পড়েছি ।  
 ওই আসে পিতামহ,  
 যত্নপতি, চাল অস্থগণে,  
 আর ব্যাজ নাহি সহে ।  
 অপরদিক হইতে রথোপরি ভীষ্মের প্রবেশ

ভীষ্ম ।

রে অর্জুন,  
 পলায়নে নাহি পরিত্রাণ ;  
 হে পার্থ-সারথি,  
 হেরি সমধিক নৈপুণ্য তোমার !  
 ছলে কালি হরিয়াছ বাণ,  
 ভেবেছ কি শূন্য তুণ তাহে মোর ?  
 নহে ছলে—  
 আজি রণাঙ্গনে  
 অস্ত্র মুখে দিবহে উত্তর ;  
 যদি থাকে সাধ্য  
 কর রক্ষা সখারে তোমার ।

অর্জুন ।

হে কেশব,  
 জলদগ্নি ভীষ্ণু তীর মুখে  
 বর্ষভেদী' মর্ষস্থলে করিছে প্রবেশ !  
 কোথা রাজা—কোথা যুধিষ্ঠির ?—  
 ত্যজি রথ যাওহে সত্তর,  
 কর রক্ষা ধর্মরাজে ।  
 বীরত্ব গৌরব মোর  
 আজি বুঝি যায় প্রাণ সনে ।

হে জগন্নিবাস,  
বিচলিত পাণ্ডবের চম্  
হের ওই করে হাহাকার !  
করহ উপায়,  
নহে আজি যুদ্ধে মজিবে সকলি ।

ভীষ্ম ।

হে বিজয়,  
তাজি গাণ্ডীব অক্ষয়,  
ডাক—যত পার—কেশব—মাধব ;  
কর উচ্চৈঃস্বরে শ্রীহরি কীর্তন,  
নিদানের বিধান সবার !

দেখি,  
কালান্তক মহারণে কে র'ক্ষে তোমায় !

শ্রীকৃষ্ণ । ( স্বগত ) সত্য কি অজ্ঞেয় ভীষ্ম বধিবে পাণ্ডবে ?

নিফল করিবে আজি  
জীবনের তপস্যা আমার ?  
দেশব্যাপী তমনাশ সঙ্কল্প করিয়ে  
জেলেছি এ সমর অনল,—  
পোড়াইতে পতঙ্গের প্রায়  
হৃষ্মদ ক্ষত্রিয়গণে ;  
সে সঙ্কল্প বিফল হইবে ?  
না না—কভু নহে !

( প্রকাশ্যে ) হে গাণ্ডীবী !  
অক্ষয় তুণীর অধিকারী তুমি,  
করগত পাণ্ডপত,  
কিবা ভয় বৃদ্ধ ভীষ্মে ?



প্রাণপণে কর রণ  
 অসংশয় লভিবে বিজয় ।  
 অর্জুন । অবশ্য এ কর—গাণ্ডীব চালিতে নারি ;  
 নারায়ণ,  
 বুঝি মৃত্যুকাল উদয় আমার !  
 ভীষ্ম । ক'রেছিলে পণ  
 কুরুক্ষেত্র মহারণে অস্ত্র নাহি করিবে ধারণ ;  
 কিন্তু ভাবনি তখন ভীষ্ম পরাক্রম !  
 রথী দেখি বিচলিত  
 সংজ্ঞাহীন রথের উপরে ; হে সারথি !  
 আর কেন ? ত্যজি' কশা, অশ্বরজ্জু ত্যজি'  
 যদি থাকে সাধ মহাহবে রাখিতে পাণ্ডবে,  
 ধর অস্ত্র, ধর চক্র তব ; যদি পার,  
 রুদ্ধ কর শমনের গতি !  
 শ্রীকৃষ্ণ । ( অশ্ব রজ্জু ফেলিয়া রথ হইতে নামিয়া )  
 শরবিদ্ধ অঙ্গ মম,  
 রথ'পরি তিষ্ঠিতে না পারি ।  
 আরে বৃদ্ধ, আরে পর্বী গজার তনয়,  
 পাপ-পঙ্ক করিয়া গ্রহণ  
 বার বার কর আশ্ফালন !  
 ধরণীর শাস্তি তুমি করেছ-হরণ ;  
 নিজ হস্তে আজি শাস্তি দিব তার ;  
 সভীষ্ম কোরবে মাশি'  
 তার মুক্ত করিব মেদিনী ।

[ চক্র লইয়া অঙ্গের ]

ভীষ্ম ।

( রথ হইতে নামিয়া )

ব্যাসবাক্য পূর্ণ একদিনে,

জীবনের যজ্ঞ মোর হইল সফল !

ত্রিলোক মাঝারে

ভাগ্যবান মম সব কেবা

আজি চক্রধারী হরি সন্মুখে আমার !

এস—এস

হান অস্ত্র জনাৰ্দ্দন, হান সূৰ্য্যদৰ্শন—

প্রসারিত লোল বক্ষে মোর ;

বিশ্বত্রাণ,

উদ্ধারিতে মোরে এসেছ ধরায়,

দাও—মৃত্যু দাও—মৃত্যু দাও মোরে,

মরিয়া তোমার হাতে হই হে অমর !

আর নাহি বেদ ; সত্যব্রত-ধারী আমি,

জ্ঞানে বা অজ্ঞানে কভু

করি নাই মিথ্যা উচ্চারণ,

চক্রী,

কালি ছলে হরি বাণ—প্রতিজ্ঞা ভেঙ্গেছ’ ;

আজি শোধ তার !

হে ভক্তবৎসল,

রেখেছ আমার মান,

আর নাহি সাধ দেহভার করিতে বহন !

স্বৈচ্ছায় মরণ—

মৃত্যু চিন্তা জাগিয়াছে মনে ;

তাজি হীন পান্থবাস এই,

বহুদিন পরে করিব হে স্বগৃহে গমন,

নারায়ণ! পূর্বে তার

সভক্তি প্রণাম মোর করহ গ্রহণ।

অৰ্জুন। দেব, ক্রোধ কর সম্বরণ;

নাহি হও বিশ্বরণ,

ভীষ্মের নিধন প্রতিজ্ঞা আমার।

### চতুর্থ দৃশ্য

হস্তিনা—প্রাসাদ

ধৃতরাষ্ট্র, গান্ধারী ও প্রতীহারি

ধৃতরাষ্ট্র। প্রতিহারী! আমার রথ আনতে বল,—আমি একবার  
রণক্ষেত্রে গিয়ে দুর্যোধনের সঙ্গে দেখা ক'রবো। গান্ধারি, এস, এস,  
আমি তো পারিনি, তুমি যদি পার, এখন দুর্যোধনকে নিবারণ ক'রবে  
এস। যারা দশ দিন ভীষ্মের সঙ্গে সমভাবে যুদ্ধ ক'রতে পারে,  
আমার পুত্রেরা তাদের বিনাশ ক'রতে পারবে না; আর না হয়  
কুলক্ষয় দেখবার পূর্বে চল, আমরাই পাপ রাজ্য ত্যাগ ক'রে বনে  
যাই।

গান্ধারী। ব্যাস পারেন নি, আর্ষ্য ভীষ্ম পারেন নি, বিহুরও  
পারে নি; কৃষ্ণ পাঁচখানি গ্রাম মাত্র ভিক্ষা ক'রে সন্ধি ক'রতে চেয়ে  
ছিলেন, তাতেও দুর্যোধন সন্মত হয় নি—আর এখন যতদিন ভীষ্ম  
জাচ্ছেন, দ্রোণ আছেন, কর্ণ আছে, সে কি কারও কথা শুনেবে?

বিহুরের প্রবেশ

বিহুর। দেব,

হেরি বিষম অনর্থ পুরে।

আচম্বিতে বহে বায়ু গরজি ভীষণ,  
 খসি পড়ে দেউল প্রাচীর,  
 রক্ত মেঘ বরষে শোণিত !  
 হেরি বিপরীত রীতি প্রকৃতির,—  
 গাভী করে গর্দভী প্রসব,  
 কুঙ্কর শৃগালী,  
 ময়ূরী প্রসবে কাক,  
 নিরুৎসাহ অশ্বযুথ কাঁপে থর থরি,  
 চলে পশু তিন পদে !  
 নরনাথ, অদ্ভুত কথন—  
 জননীর ক্রোড় ত্যজি  
 উঠে শিশু  
 দণ্ড হাতে যুঝে পরম্পরে ;  
 প্রতি স্রোত বহে নদী রক্ত-প্রবাহিনী ।  
 দিবাভাগে ধূমকেতু উদিল গগনে ;  
 উদ্ধাপাত হয় ঘন ঘন !  
 বুঝিতে না পারি—  
 কি আছে অদৃষ্টে আজি,  
 আজি যুদ্ধে পরিণাম কিবা !

ধৃত । বিহ্বল, এ সবই কুলক্ষয়ের লক্ষণ ! ব্যাস বলেছিলেন, এই  
 সব অমঙ্গল যে দিন দেখা দেবে, সেই দিন থেকেই কুরুবংশের ধ্বংস  
 আরম্ভ হবে । গান্ধারি, আর কেন ? প্রস্তুত হও । তুমি অন্ধ না  
 হ'য়েও, আচ্ছাদনে চক্ষুর দৃষ্টি রুদ্ধ ক'রেছিলে ; কিন্তু অদৃষ্টের দ্বার রুদ্ধ  
 ক'রতে পারনি । কুলক্ষয়কারী পুত্র প্রসব ক'রেছে ; মহাশোকের  
 আঘাত ছ'জনকেই সমভাবে সহ ক'রতে হবে ।

## সজয়ের প্রবেশ

সজয়। দেব, সর্বনাশ হ'রেছে! কুরুচূড়া ভীষ্ম শরশয্যা গ্রহণ ক'রেছেন।

গান্ধারী। হৃষ্যোধন কোথা?

ধৃত। গান্ধারী, আর জিজ্ঞাসা ক'রোনা। মহীরুহ ছিন্নমূল, শাখা-প্রশাখা সঙ্গে সঙ্গে ধূলিশায়ী হ'তে বিলম্ব হ'বেনা।

সজয়। হৃষ্যোধন, দ্রোণাচার্য্যকে সৈন্যপত্যে বরণ ক'রতে গেছেন।

ধৃত। বিদুর, আমি একবার ভীষ্মের চরণে প্রণাম ক'রব। এস গান্ধারি, শত পুত্রের পিতা—কলিতে এই মহা অভিষাপের সূচনা আমি হ'তেই হবে; সহধর্ম্মিণী তুমি, স্বামীর অন্ধত্বের ভাগিনী হয়েছিলে—এ দুর্ভাগ্য বহন ক'ববার শক্তি হারিও না। এস, যদি পাপ ক্রয় ক'রতে চাও—তাহ'লে দেবব্রতের আশীর্ব্বাদ ভিক্ষা ক'রবে এস।

[ সকলের প্রস্থান।

## পঞ্চম দৃশ্য

কুরুক্ষেত্র সমর-প্রাঙ্গণ

যুধিষ্ঠির

যুধি। হায়—হায়।

রাজ্য আশে সান্নিধ্যম নিজ সর্ব্বনাশ!

বংশের দুলালে অমূল্যে দিলেছি জাতি;

অভিমন্যু হত রণে আমার করুণে;

ইহলোকে স্বজিয়াছি শোক-পায়দ্বার

ছিল ধর্ম—তাও আজি দিনু জলাঞ্জলি ;  
 পরলোকে মুক্ত নরকের দ্বার  
 করিছু স্বেচ্ছায় ;  
 শ্রীকৃষ্ণ আদেশে—  
 মিথ্যা ভাবে গুরুসনে করিলাম প্রবন্ধনা ;  
 প্রায়শ্চিত্ত ভুবানলে হবে কি বিধান !  
 নরলোকে কেমনে দেবাব মুখ ?  
 মিথ্যাবাদী ধর্ম-পুল্ল বুঝিতির—  
 প্রাণদানে এ কলঙ্ক খুঁচিবে কি কভু ?  
 কোথা হৃষ্যোদন,  
 কোথা হস্তিনার রাজা,  
 এস—বধ মোরে,  
 ঘুচুক জঞ্জাল,  
 পাণযুদ্ধ হ'ক অবসান !

[ ধীরে ধীরে প্রস্থান ।

জোণাচার্য্যের প্রবেশ

জোণ । মিথ্যা হোল দৈববাণী !  
 দরিত্রের ভাণ্ডের বিক্রপ !  
 হস্ত অস্বখায়া—স্বকর্ণে শুনেছি আমি ;  
 নহে ভ্রম, নহে চিন্তের বিকার ।  
 তিনবার উচ্চকণ্ঠে কহিয়াছে বুঝিতির—  
 ধর্ম-পুল্ল ধর্ম-অবতার !  
 যদি সর্বদেব মিলি করে প্রত্টিবাদ,  
 তবু অস্বিমান নাহি করি ভাষা ;

অস্থখামা ভ্যজেছে আমায়

সংশয় নাহিক তায় ।

নেপথ্যে } ছত্রভঙ্গ কোরবের দল ! ফের ফের—  
দুঃশাসন }

হত অস্থখামা,

কিস্ত্র দ্রোণাচার্য্য জীবিত এখনো ।

নাহি ভয়, রণজয় হইবে নিশ্চয় !

দ্রোণ । চারিদিকে এক কথা,

এক দৃশ্য চারিভিতে ;

চারিদিকে হেরি

মৃত্যুর করাল ছায়া !

পল-পূর্বে ছিল প্রাণ,

ছিল মোর বংশের দুলাল যবে ;

ছিল দ্রোণী—ভারদ্বাজ বংশের প্রদীপ,—

দারিদ্র্য তাড়নে

অনাহারে যার মুখ চাহি’

সহি’ শত অপমান লাঞ্ছনা অসীম,

অতি হীন দাসত্ব বন্ধন পরি’

মৃত্যু সনে করি’ রণ আছিহু জীবিত ।

হত পুত্র—নির্ধাপিত আশার আলোক,—

দ্রোণ আর নাই ;

যুদ্ধশাস্ত্র অতিথি মৃত্যুর—

হে কোরব !

আমারে বিদায় দাও ।

ব্রাহ্মণের কর-শোভি অসি,—আর কেন ?

প্রয়োজন ফুরিয়েছে তব !

তুমিও বিদায় দাও !

[ ধনুহলে চিবুক রাখিয়া একান্তে বসিলেন ]

শ্রীকৃষ্ণ ও অর্জুনের প্রবেশ

শ্রীকৃষ্ণ । দেখতে পাচ্ছ না, ঐ ভীষণ সর্প আচার্য্যের গলদেশে ?

অর্জুন । দেখিছি ; এই দেখ সর্প মৃত !

[ ধনুর ছিলা কাটিয়া গেল, দ্রোণ পড়িয়া গেলেন ]

দ্রোণ । নহে সর্প—

মৃত দ্রোণ ।

রে অর্জুন !

গেছে চলে' অশ্বখামা ত্যজিয়ে আমার,

পুত্রাধিক শিষ্য তুই,

নিজ করে মুক্তি দিলি মোরে !

অর্জুন । একি ! সর্পভ্রমে আচার্য্যের ধনুছিলি কেটেছি ? হায়

হায় ! গুরুবধ ক'রলেম ?

শ্রীকৃষ্ণ । তুমি বধ করনি, বধ করেছি আমি ! অভিমত্যা বধের  
প্রায়শ্চিত্ত এই ।

দ্রোণের মৃত্যু লইয়া ধৃষ্টদ্যুম্নের প্রবেশ

ধৃষ্ট । পিতৃ অপমানের প্রতিশোধ দ্রোণের মৃত্যু !

অর্জুন । কি ক'রলে ! কি ক'রলে !

ধৃষ্ট । যজ্ঞ হ'তে জন্মেছিলাম আমি আর যাজ্ঞসেনী, মহারাজ  
পাঞ্চালের অপমানের প্রতিশোধ নেবার জন্ত—আজ সে যজ্ঞ পূর্ণ হ'ল ।

[ প্রস্থান ।



অর্জুন । হে মাধব ! গুরুবধ, ব্রহ্মবধ মহাপাপের প্রায়শ্চিত্ত কি ?

শ্রীকৃষ্ণ । যুদ্ধার্থী গুরুবধে পাপ নেই । যজ্ঞোপবীত ধারণ ক'লেই ব্রাহ্মণ হয় না ; বৃত্তি অনুসারে জাতির বিচার । অন্ধ সংস্কারের বশীভূত হ'য়ে বৃথা শোক ক'রো না । শিবিরে এস ।

[ উভয়ের প্রস্থান ।

[ নেপথ্যে সৈন্ত কোলাহল ]

নেপথ্যে সৈন্তগণ । ধৃষ্টদ্যুম্ন আচার্য্যকে বধ ক'রেছে—আর বন্ধা নাই—পালাও—পালাও ।

অশ্বখামার প্রবেশ

অশ্ব । পিতৃমুণ্ড ল'য়ে ধায়  
কাপুরুষ পাঞ্চাল-নন্দন !  
যুধিষ্ঠির, ধর্ম্ম-পুত্র বটে তুমি !  
জনার্দন সহায় তোমার !  
মিথ্যাভাবে গুরুবধ করিলি অধম ?  
পিতা, জীবনের যজ্ঞ তব হইল বিফল,  
যোর শোকে ত্যজিলে জীবন—  
অভাগা তনয় আমি, স্নেহ-শূণ্য তব  
নাহি জানি শুধিব কেমনে ।  
উষ্ণ রক্ত ছিন্ন-কণ্ঠে তব  
ঝরে ভীষ্মবেদে—এ দৃষ্ট দৈবধিতে আরি !  
রে অর্জুন, বাসুদেবে করিয়া সহায় ।  
অনায়াসে গুরুবধ করিলি পায়র—  
আয় অহে কন্যা,—  
দ্বিজোচিত কোমলতা, কর পরিহার !—

ওন ওন কুরুক্ষেত্রে যে আছ যেথায়—

পাঞ্চালের গোত্রমাঝে রবে যেইজন,

শিশু কিম্বা পর্জনায়ী, বৃদ্ধ বা যুবক,

পশুসম তাহারে বধিব আমি ;

অকেশব অপাণ্ডব করিব মেদিনী !

পিতৃগুরু জামদগ্ন্য সম,

কুরুক্ষেত্রে ক্ষত্রয়ন্তে পুনঃ হ্রদ করিব নির্মাণ ;

নহে ত্যজি' উপবীত,

কদাচারী চণ্ডালের প্রায় আমিও ধরায়,

সর্ব স্বণ্য সর্ব হেয় হীনপ্রাণ বহি' !

ওন, পুনঃ কহি—

পাঞ্চাল, পাণ্ডব, অথবা কেশব,

সংহারিব এককালে আমি,

তবে হবে পিতার তর্পণ !

[ অস্থান ।

### ষষ্ঠ দৃশ্য

হস্তিনা—প্রাসাদ

চিত্রগৃহ

সারথী দণ্ডায়মান

সারথী । দেখতে দেখতে মহাসমুদ্র ডকিয়ে গেল ! কুরুবংশের কেউ নেই । কেবল কুলক্ষয়কারী দুর্যোধন জীবিত ! সংজ্ঞাহীন তাঁকে প্রাসাদে ফিরিয়ে এনেছি ; জ্ঞান হ'লে এ স্মৃতি নিয়ে তিনি কি ক'রে বঁচে থাকবেন ? একি ! মহারাজ সংজ্ঞালাভ ক'রে, অস্ত্রপুরে না গিয়ে এদিকে আসছেন কেন ?

## দুর্যোধনের প্রবেশ

দুর্যোধ্য। কে ও ?

সারথী। প্রভু, আমি আপনার সারথী ; বিস্মৃত হ'ছেন কেন ?  
আমিই তো আপনাকে এখানে এনেছি ।

দুর্যোধ্য। কেন এনেছ ?

সারথী। ( অধোমুখ হইয়া রহিল )

দুর্যোধ্য। উত্তর দাও ! ভীষ্ম দ্রোণ কর্ণ শল্য শকুনি দুঃশাসন,  
কাণ্ডকেও তো ফিরিয়ে আননি । যোজন-ব্যাপী কুরুক্ষেত্র—যদি সমস্ত  
কৌরবের স্থান সেখানে হয়েছিল—আমার জ্ঞাত এতটুকু স্থান সেখানে কি  
খুঁজে পাওনি ?

সারথী। ( স্বগত ) কি উত্তর দেব ? ( প্রকাশ্যে ) স্বামী—

দুর্যোধ্য। কে তোমার স্বামী ?

সারথী। কুরুপতি দুর্যোধন !

দুর্যোধ্য। কুরুপতি ! কৌরবের কে আছে ?

সারথী। মহারাজ ধৃতরাষ্ট্র—

দুর্যোধ্য। বৃদ্ধ অন্ধ ; আমরা শত ভাই,—আমাদের শত পুত্র ? ওকি  
কে কাঁদছে ?

সারথী। জননী গান্ধারী, মহারাণী ভানুমতী, আপনার উনশত  
ভ্রাতৃবধূ । আপনি পুরী প্রবেশ ক'রেছেন শুনে তাঁরা সকলেই কাঁদছেন ।

দুর্যোধ্য। নিবারণ কর ! নিবারণ কর ! রণ-কোলাহল, শব্দের  
নিনাদ, কোদণ্ড-টঙ্কার, অস্ত্রের বনবন—চিরজীবন এই ভালবাসতেম,  
এই শুনে এসেছি । আঠারো দিন এই উৎসবের মধ্যে মহাগর্বে, মহা  
উল্লাসে দিন কাটিয়েছি—তার পাশে ও করুণ-স্বর ! নিবারণ কর !  
এখন রাজি, না দিনমান ?

সারথী। প্রভু, সন্ধ্যা অনেকক্ষণ উত্তীর্ণ হয়েছে !

হুৰ্য্যো । এ কোন্‌ গৃহে এসেছি ?

সারথী । এ চিত্র-গৃহ ।

হুৰ্য্যো । যাও, একটা আলো নিয়ে এস । [ সারথীর প্রস্থান ।

ভানুমতী কঁাদছে । কঁাদ—কঁাদ ! আমার মত উল্লাস ক'রতে শেখনি ; কঁাদ—কঁাদ । জননী গাঙ্গারী ! যদি উনশত পুত্রের শোক সহ ক'রতে পেরে থাক, আমাকে হারিয়েও বাঁচতে—কঁাদ—কঁাদ ! যারা কঁাদতে পারে তারাই বাঁচে ; আমি কঁাদতে শিখিনি ; যারা রণক্ষেত্রে প'ড়ে তারা কঁাদতে শেখেনি—কারার পরপারে তাদের স্থান—কারার পরপারে আমার স্থান—এখানে নয়—এখানে নয় ।

মশাল-হস্তে সারথীর পুনঃ প্রবেশ

তুমি কতদিন এখানে আছ ?

সারথী । পুরুষানুক্রমে কুরুবংশের সেবা করি । পিতার কোলে চ'ড়ে এসেছি রাজদর্শনে, আজও রাজার পার্শ্বে দাঁড়িয়ে আছি ।

হুৰ্য্যো । অহুগত ভৃত্য, পুরুষানুক্রমে কুরুবংশের সেবা ক'রেছ, আজ সে সেবা ভুলে যুদ্ধক্ষেত্রে থেকে আমার ফিরিয়ে আনলে কেন ?

সারথী । দেব, কুরুক্ষেত্রের মহাযুদ্ধে সবাই পরাজিত হ'য়েছে, সবাই মৃত, কিন্তু আপনাকে তো কেও পরাজিত ক'রতে পারে নি । যুদ্ধ শেষ হ'লে, দেখলেম, অগণিত বীরের মধ্যে আপনিই জীবিত, আপনিই অক্ষত ; রথ রাজ-প্রাসাদে ফিরিয়ে আনলেম ।

হুৰ্য্যো । আমি পরাজিত নই ? তবে ভানুমতী কঁাদছেন কেন ?

সারথী । ( রুদ্ধকণ্ঠে ) পুত্র-শোকে—

হুৰ্য্যো । লক্ষণ—লক্ষণ ! ওঃ—! আমার পা কি কাঁপছে ? কণ্ঠস্বর—  
কি বিকৃত হয়েছে ? লক্ষণ—লক্ষণ—কৈ না ! সারথি—সারথি !

সারথী । প্রভু !

দুৰ্য্যো। ঐ তার চিত্র নয় ? ভাল ক'রে আলো ধর—ভাল ক'রে আলো ধর। শান্তনুর পার্শ্বে তার চিত্র কে রেখেছিল ?

[ সারথী অধোবদনে রোদন করিতে লাগিল ]

কাঁদছ ? না—না—কৈদ না—কৈদ না ; এ পবিত্র গৃহ, এ কোরবের মহাতীর্থ ! এখানে চোখের জল কেল না। ঐ দেখ মুঢ়, চন্দ্রবংশের রাজবিশিষ্ট ; ঐ দেখ নহব, যযাতি, পুরু, দুয়ন্ত, ভরত, কুরু, শান্তনু, ভীষ্ম, বিচিত্রবীৰ্য্য, চিত্রাঙ্গদ, পিতা ধৃতরাষ্ট্র, পার্শ্বে আমরা শত ভাই, আমি দুৰ্য্যোধন এখনো জীবিত। একি ! বিশ্বাসঘাতক সারথী, একা আমার এই পাণ্ডব-বৃহের মধ্যে এমেছ ? আমার রথ কৈ ? আমার গদা ? আমার গদা ? কটীতে এখনো তরবারি আছে। রাজন্য যজ্ঞে যুধিষ্ঠির সিংহাসনে, পার্শ্বে ভীষ্ম—কে ব'লে কুরুক্ষেত্র যুদ্ধ শেষ হয়েছে ? ঐ যে পঞ্চপাণ্ডব—ঐ যে শ্রীকৃষ্ণ ! একা আমি সকলকেই হত্যা ক'রব। সারথি, আমার রথ—আমার রথ ! ভীষ্মের ওঠে ব্যঞ্ছের হাসি ! মুঢ়, দুৰ্য্যোধনের তরবারি প্রতিরোধ কর !

সারথী। মহারাজ, ওকি ক'রছেন ? ও যে চিত্র, ও যে চিত্র। এ যে হস্তিলার প্রাসাদ, এখানে পাণ্ডবেরা কৈ ?

দুৰ্য্যো। চিত্র—চিত্র ! আলো নিবিরে দাও, আলো নিবিরে দাও !

সারথী। মহারাজ।

দুৰ্য্যো। যাও ! মুর্থ, কোরবের দুৰ্য্যোধন আদেশ ক'রছে—  
যাও !

[ সারথীর প্রস্থান। ]

চিত্র ! চিত্র ! এত বড় পরাজয় যে কুরুক্ষেত্রেও হয়নি। হে পিতৃপুরুষগণ ! তোমাদের মধ্যে কেউ বুঝুক হ'তে কখনো পরাজয়ের কলঙ্ক নিরে প্রাসাদে কিরে আসেনি। এ পবিত্র ভীর্ষে আমার স্থান কৈ ? এখনো ভানুহতী কাঁদছে। পুত্র-শোক—পুত্র-শোক। বৎস লক্ষণ ! যাক্ আলো চলে গেছে। আর এখানে নয়, আর এখানে নয়।

হে হস্তিনা,  
 আমারে বিদায় দাও ।  
 সসাগরা পৃথিবীর অধীশ্বর আমি,  
 দিক্‌পাল সম ছিল সহায় আমার,  
 মহিমা মণ্ডিত শির—  
 নভস্পর্শী হিমাদ্রি সমান,  
 আজি শাশান করিলা সাথে  
 চলিয়াছি কোন্ অনির্দিষ্ট পথে,  
 সীমাহীন—অন্তহীন—  
 রহস্যের মরীচিকা মাঝে !  
 অন্ধকার ! ধর মোর হাত ;  
 চলি আমি প্রতি পদে দলি  
 রাজমুণ্ড কত ;  
 কুটুক বিক্ষত পদে মুকুট কণ্টক !  
 হে হস্তিনা—  
 কোরবের চিরপ্রিয় লীলা-নিকেতন,  
 বক্ষে ধরি কোরবের গৌরব আসন এই,—  
 প্রলয়ান্ত রবে তুমি দেখি ;  
 দেশ-দেশান্তর হ'তে  
 কত রাজা বসিবে হেথায় !—  
 হে পবিত্র সিংহাসন,  
 লহ লেন প্রণাম আমার ;  
 পুত্র বক্ষ তব  
 যদি মহাশয়ী জুহুয্যাগন সম  
 কলঙ্কিত করে আর কেহ,

কুরুক্ষেত্র রক্তপট সম্মুখে ধরিও তার ;

বোলো তারে

মহাদস্তে পুরুষত্ব অভিमानে

হেলায় করিছে ছিন্ন

ক্ষুদ্র মমত্ব বন্ধন ;

ঋষি বাক্য করিয়াছি হেলা ;

প্রাণাধিক পুত্র পরিজন

হাসিমুখে শমনে দিয়েছি ডালি ,

দিয়েছি মুকুট—

কিন্তু দিই নাই বংশের সম্মান,

মহামান্ গর্ব কোরবের !

[ প্রস্থান ।

### সমস্তম দৃশ্য

শবাকীর্ণ কুরুক্ষেত্র । কাল—রাত্রি

অস্তি

অস্তি । মনে করি পালাই—আঠারো দিন এই যুদ্ধ দেখছি, এই রক্তের স্রোত, এই আর্দ্রনাদ, এই হাহাকার ! কিন্তু পালাতেও তো পারছি না ! তাকে ছেড়ে থাকতে প্রাণ চায় না । সমস্তদিন যুদ্ধ করে, সন্ধ্যায় তাকে বাতাস করি, তার পদসেবা করি, সে কি মোহ ! সে কি তৃপ্তি ! তাকে ফেলে যেতে পারি না—সে আমার জন্ত কাঁদে, আবার মামুষ মারে—কি কোমল, কি কঠিন ! আজ যুদ্ধশেষে সবাই ফিরলো, সে করেনি, তাকে খুঁজতে বেরিয়েছি । কোথায় কৃষ্ণ ! কোথায় দয়াময় ! কোথায় হরি ! এই শবচ্ছিন্ন শ্মশানে ভয়ে আমার বুক কাঁপছে, আমার দেখা দাও !

গীত

অঁধার বরণ কোথা লুকালে অঁধারে ।  
 আমি মিছে খুঁজে মরি এ ধারে ও ধারে ।  
 মরণ তুলেছে তান,  
 শিহরে শিহরে প্রাণ,  
 পথহারা দিশেহারা শোণিত-পাথারে ।  
 ছুটে ছুটে আসি খুঁজিয়া না পাই,  
 জুড়াবার ঠাই তোমা বিনা নাই,  
 দেখু নাহি পাই, ভাসি নরন-ধারে ॥

প্রাপ্তির প্রবেশ

প্রাপ্তি । দুর্ঘোষণ পালিয়েছে ; কোরবেরা ম'রেছে ; তাদের কেউ নেই ; কিন্তু পাণ্ডবেরা আর শ্রীকৃষ্ণ ? এই অসংখ্য শবের মধ্যে কোন্টা শ্রীকৃষ্ণের মৃতদেহ ? কোন্টা ভীমার্জুনের মৃতদেহ ? এ নয়—এ নয়—এ নয় ! তবে কি তারা বেঁচে আছে ? বেঁচে আছে ? এ কি দুর্জয় শক্তি ! কেও তাকে বধ ক'রতে পারলে না ? তাকে কোন্ ভাগ্যবান সৃজন ক'রেছে ? সে কি আমাদের মত মানুষ নয় ? তার কি মৃত্যু নেই ? তবে কি আমার প্রতিজ্ঞা বিফল হবে ? কেন বিফল হবে ? কোথা থেকে মৃত্যু জয় করবার শক্তি পেয়েছে সে ? কোথায় সেই শক্তির আকর ? যদি তোমার অস্তিত্ব থাকে, যদি তুমি সত্য হও, যদি নিখিল বিশ্বের জীবন-মরণের সত্য নিয়ন্তা কেউ থাকে—তোমার সেই শক্তি আমায় দাও আমি স্বামী মৃত্যুদিন থেকে তোমার সেই সংহারিণী শক্তিরই অন্বেষণ ক'রছি, আমার বিশ্বাস ক'রোনা ! আমি তাকে বধ ক'রব, তার মৃত্যু দেখব, আমার স্বামী মৃত্যুর প্রতিশোধ নেব !

অস্তি । এ কি । কে—ও ? ছায়া দেহধারিণী—না, আমার মত



আর কেও এই অন্ধকারে শবাকীর্ণ শ্মশানে ঘুড়ে বেড়াচ্ছে ! কে তুমি ?  
তুমি তো আমার কৃষ্ণ নও ; কে তুমি ?

প্রাপ্তি । কে কৃষ্ণকে খোঁজে ? আমার মত হতভাগিনী কি আর  
কেও আছে ? অন্ধকারে দেখতে পাচ্ছিনি, কথা কও, ভাল ক'রে কও !  
সে কি তোমারও স্বামীকে হত্যা করেছে ? তোমারও পিতাকে হত্যা  
করেছে ? আমার মত শ্মশানে এনে তোমাকে ছেড়ে দিয়েছে ?

অস্তি । এ কি ! দিদি, দিদি, তুমি ? এখানেও তুমি ?

প্রাপ্তি । এইবার চিনিছি—এই যে ! এখানেও তুমি ? তাকে  
পাইনি—তাকে পেয়েছি ! বুকের ভেতর এ কি ঝড় ! এ কি পরাজয় !  
তাকে খুঁজি—তুমি চোখের সামনে—! এ বিজ্ঞপ আর সহ্য ক'রতে  
পারি না । তুমি এখনো পালাসূনি, এখনো পালাসূনি ?

অস্তি । না দিদি, তাকে ছেড়ে কোথায় যাব ? আমি তো এক  
মুহুর্ত তার সঙ্গ ছাড়া নই । তাকে না দেখলে বাঁচিনি, সে ছাড়া আমার  
চিন্তা নেই, তার সেবা ভিন্ন আর কার্য নেই । বুদ্ধশেষে সবাই ফিরেছে,  
সে ফেরেনি, তাকে খুঁজতে বেরিয়েছি । তাকে আদর করি, তার সেবা  
করি, তার পূজা করি । তাকে ফুল দিয়ে সাজাই, সাজাতে সাজাতে  
ভুলে যাই সে পুরুষ কি নারী ! মনে হয় যে আমার খেলুণী । তাকে  
ছেড়ে কোথায় যাব বল ? এমন ঠাই দেখিয়ে দাও যেখানে সে নেই ।

প্রাপ্তি । আর স্তবতে পারিনি, আর স্তবতে পারিনি । নারী  
কি এমনি বিশ্বাসঘাতিনী হয় ? এক সহজে স্বামী-শোক ভোলে ?  
সে তোকে পাগল ক'রেছে আমাকে পাগল করবার জগে । আর  
মমতা নয়—আর মমতা নয় । স্বামি ! দেবতা ! মৃত্যুর পূর্বে একবার  
তোমার মুখে অবিশ্বাসের বাণী শুনেছিলেম ; বজ্রের মত যে বিজ্ঞপ বুকে  
বেজেছিল ; তখন জানতেম না, তখন বুঝতে পারিনি যে, আমারি  
বোন্ বিশ্বাস ভঙ্গ ক'রে তোমার শত্রুকে পূজা করবে । শ্রীকৃষ্ণকে বধ

করবার পূর্বে, আমি অবিশ্বাসিনী নারী, তোকে হত্যা ক'রে তোমার বিশ্বাসঘাতকতার শাস্তি দিই !

অন্তি । দিদি, আমার বধ ক'রবে, কর ; কিন্তু তোমার জন্য আমার কান্না পাচ্ছে । তুমি কি অন্ধ ! তুমি কি বুঝতে পার না, তুমি যাকে খুঁজে বেড়াও, সে এক যুহুর্ভও তোমার নদ ছাড়া নয় ? তোমার প্রতিকার্যে সে, তোমার শয়নে-স্বপনে সে, তোমার প্রতি চিন্তায়, তোমার জাগরণে, তোমার ধ্যানে, দিবারাত্র সে ; সে তোমার হৃদয়ের সর্বস্ব জুড়ে ব'সে আছে ! তোমার জালায়, তোমার হিংসায়, তোমার ক্রোধে, তোমার বিরাগে, সে ভিন্ন তোমার আর কেও নেই, মজা দেখেছ, কেমন মায়াবী সে ; বুখা তাকে মারবার ক্ষেত্রে ঘুরে বেড়াচ্ছ । তার মৃত্যু নেই, ক্ষয় নেই, হ্রাস নেই—সে ছাড়া যে কেও নেই ।

প্রাপ্তি । আমি আছি—আমি আছি—না—আমার পাগল ক'রবে দেখছি । আর মমতা নয়—আর মমতা নয়—আমি বিশ্বাসঘাতিনী, এই কুরুক্ষেত্রের মহাশ্মশানে আমার প্রতিহিংসার প্রথম বলি ছুই হ' !

[ একখানি পরিত্যক্ত তরবারি লইয়া অন্তিকে হত্যা করিতে উদ্ভত ]

অন্তি । দীননাথ !

### শ্রীকৃষ্ণের প্রবেশ

শ্রীকৃষ্ণ । মা ! মা ! তোমার এ সংহরনৃত্তি বন্ধরণ কর । জননি, এ বিপরীত আচরণ তোমাতে শোভা পায় না ।

প্রাপ্তি । এই যে স্বামী-হস্তা ! একদিন গলে তোমাকে সম্মুখে পেয়েছি ! আর আক্ষেপ নেই । ভোম্মর নক্ষ-রক্ত আমার স্বামীর ভূষিত আত্মা ভূষ হোক । ( তরবারি ফুসিয়ে )

অন্তি । ( ছুটিয়া গিয়া প্রাপ্তির নাক-হইতে তরবারি কাড়িয়া লইয়া )  
সাধ্য কি রাক্ষসি, আমার হত্যা নয় ক'রে আমার দেবতার একটা কেশ স্পর্শ করিস্ !

প্রাপ্তি। একি মমতা, না দুর্বলতা ? আমার অস্ত্র দাও, অস্ত্র  
দাও—স্বামী-হস্তার বন্ধরক্তে আমার বহুদিনের পিপাসা মেটাই !

শ্রীকৃষ্ণ। হে জননি !

আজ্ঞো ভুল নাই সন্তানের অপরাধ ?

মা ! মা ! আছি বন্ধ পাতি,

সস্তাপ তোমার দেহ ভিক্ষা অধম তনয়ে ;

মিটুকু পিপাসা তব, শাস্তি পাও তুমি ।

নিরাশ্রয় করিয়াছি তোমা,

তব বাক্য হয়েছে পূরণ,—

নিরাশ্রয় শত শত নারী,

পিতৃহারা—পতিহারা,

পুত্র-শোকে জ্ঞানহারা ফিরে পথে পথে,

অবিরাম উঠে রোদনের রোল,

হৃদভেদী হাহাকার কত !

শুনিতে না পারি আর ।

ভুঞ্জে নর নিজ কণ্ঠ ফল,

কিন্তু মাতা, দিবারাত্রি জলি আমি ;!

নিমিষের তরে

নহে শুধু নয়ন আমার ;

নির্দয় হৃদয়ে বধি

আমি স্থজিয়াছি যারে ;

—আত্মজ আমার ! শত্রুরূপে আমি হস্তা,

মিত্ররূপে পুত্র শোকাকুল ! হে জননি !


বুঝি' মোর অন্তরের ব্যথা

ক্ষমা কর নিশ্চয় সন্তানে ।

প্রাপ্তি । যতদিন রবে কৃষ্ণ ধরণী মাঝারে,  
যতদিন রবে সৃষ্টি, পৃথ্বি যতদিন, কোথা কমা ?  
প্রতিহিংসা জালা না ভুলিব কভু,  
না ভুলিব কভু প্রতিজ্ঞা আমার,  
না ভুলিব পতিহস্তা পিতৃবৈরী মোর !  
মৃত্যু যদি আসে গ্রাসিতে আমার,  
রোধিব তাহার গতি !  
তুমি কৃষ্ণ সত্য যদি হও সৰ্ব্ব শক্তিমান,  
বারিতে নারিবে মোরে !  
আমি বধিব তোমায়,  
তবে জালা হবে দূর !

শ্রীকৃষ্ণ । বিচিত্র তোমার মায়া,  
মহামায়া ! বুকে কোন্ জন ?  
তুমি নারী—আত্মশক্তি জননী বিশ্বের,  
কভু জঠরে সন্তান ধর,  
প্রাণদানে রাখ সৃষ্টি, বিশ্ব প্রাণ প্রবাহিত  
হৃদয়ের পীড়ন ধারায়,  
করুণায় গঠন তোমার,  
পরিপূর্ণ স্নেহস্রোত জলা ঢল-ঢল,—  
তুমি শান্তা, সুহাসিনী তুমি,  
ধৃতি তুমি, তপ্তি তুমি, প্রেমময়ী চির-বরপ্রদা,  
চিরপূজ্য নমস্কা সবার ;  
আর—কভু ক্ষিপ্তা—করালিনী—  
উগ্রা—রুধির-লোলুপা—  
মহাকালে চরণে দলিয়া চল ;

করপুটে খেটক ঝর্পর ;  
 নর যুগু দোলে গলে,  
 কোপ প্রেম একাকার—  
 সৃষ্টি নাশে উত্তত হিংসায়,  
 তৃষ্ণাতুরা ছিন্নমস্তা ভূমি—  
 ছেদি নিজমুগু রক্ত কর পান  
 সংসার-অশান-ভূমে !  
 মাতা ! কাতর প্রার্থনা তব  
 পশিয়াছে অন্তরে আমার ;  
 করি আশীর্বাদ  
 হ'ক তব অভীষ্ট পূরণ—  
 পূর্ণ হ'ক প্রতীহিংসা তব—  
 শাস্ত হ'ক জালা !



# পঞ্চম অঙ্ক

## প্রথম দৃশ্য

পাণ্ডব শিবির

দ্রোপদী ও অস্তি

অস্তি । তোমাকেও যেতে হবে ; আমি কাওকে ছাড়বো না ।  
আমার এক ছেলে ছিল, এখানে এসে আর পাঁচ ছেলে পেয়েছি ।  
তুমি আমার মেয়ে, আর আমার কিসের দুঃখ ? তুমি যাবে না ?

দ্রোপদী । কোথায় যাব ?

অস্তি । এই যে কতবার বল্লুম । সেখানে কেমন বন, কেমন তমাল  
গাছ ; ছোট্ট একটা নদী আছে, যেন বৃন্দাবনের যমুনা । সেখানে আমার  
কৃষ্ণ বাঁশী বাজাবে—আমি গান গাইব—আর আনন্দে করতালি দেব ।  
ঐ যে শ্রীকৃষ্ণ আসছে—তুমি জিজ্ঞাসা কর না ? সে বলেছে ।

শ্রীকৃষ্ণের প্রবেশ

ই্যা বাবা তুমি বলনি ?

শ্রীকৃষ্ণ । কি ব'লেছি পাগলি ?

অস্তি । এর মধ্যেই বুঝি ভুলে গেলে ! আ আমার পোড়ার  
দশা ! সেই যে বৃন্দাবনের মতন—একটা বনে আমি—সেই যে তোমায়  
বল্লুম—শ্রীরাধার মূর্তি গ'ড়ে রেখেছি তোমায় দেখাব ব'লে ! তুমি  
যাবে—আমার এই মা যাবে, আমার আর পাঁচ ছেলে যাবে । আর  
কতদিন এখানে মানুষ মারবে ? এ যে আর দেখতে পারিনি ! আমার  
বুক কেটে যায়—আর তুমি কি পাষণ ?

শ্রীকৃষ্ণ । ই্যা মা, মনে পড়েছে, আমার মনে পড়েছে । ষুধিষ্ঠিরবাও

পাঁচ ভাই যাবেন বলেছেন ; পাঞ্চালী চল, তোমাকেও যেতে হবে ।  
আমার এ মা'র নিমজ্জণতো অগ্রাহ্য করতে পারি না ।

দ্রোপদী । হ্যা, যখন বৃন্দাবনের কথা, শ্রীরাধার মূর্তি ! দ্বারকার  
অধীশ্বরই হও আর কুরুক্ষেত্রে আঠারো অন্ধোহিণী সেনাই মার,  
বনে যেতে হবে বৈকি ! তার উপর যখন বৃন্দাবনের মত বন ! হ্যা  
মা—নয় মা ?

অস্তি । হ্যা ঠিক যেন বৃন্দাবন—ঠিক সেই যমুনা, সেই কদম গাছ ।  
এখানে আর প্রাণ থাকতে চায় না ; তাই—ছুটে ছুটে বনে যাই !  
তোমায় ফেলে যেতে পারি না, নইলে এতদিন বৃন্দাবনে যেতুম । চল না ।

শ্রীকৃষ্ণ । এস সখি, যুদ্ধশাস্ত্র পাণ্ডবদের নিয়ে আজ বনে আমার  
এই ছোট্টমা'র ভক্তি-সুধা পান ক'রে আসি । মা, তুমি ঠিকই বলেছ ;  
আমি পাষণই বটে ! ( স্বগত ) পাষণ—পাষণ ! এখনও পাষণের  
কাজ বাকি । ( প্রকাশ্যে ) এস মা । [ শ্রীকৃষ্ণের প্রস্থান ।

দ্রোপদী । আচ্ছা আমরা যাব, তুমি একটা গান গাও, বৃন্দাবনের  
গান, আমরা শুনতে শুনতে যাই ।

### গীত

চলে বৃন্দাবনে বন-বিহারী !  
নাচে মদন মদুরী সারি সারি,  
শুক সারি গায়—পিঙ্গা—পিঙ্গারী ।  
কনক কিঙ্কণী বোলে ঝিণিকি ঝিণি,  
চটুল চরণে বাজে নৃপুং ঝিণিকি ঝিণি,  
বাঁশী ফুকারে—রাধে—রাধে—  
আদরে কত সাধে,—  
আকুল ছোটে গোপ-নারী ।

ফুটে বেলি চামেলী—চম্পক মালতী,  
কুঞ্জে কুঞ্জে করে বরণ আরতি,  
পুঞ্জে পুঞ্জে অলি শুঞ্জে ;  
পবন হরবে মাতে—  
মাতে অধীর গিরিধারী ।

[ উভয়ের প্রস্থান ।

## দ্বিতীয় দৃশ্য

বৃক্ষতল । কাল—রাত্রি

অশ্বখামা

অশ্ব । উরুভঙ্গে দ্বৈপায়নে কোরব-ঈশ্বর,  
বংশে তার নাহি কেহ ;  
কুরুক্ষেত্র মহারণে হত—  
ভারতের ক্ষত্রিয় প্রধান যত ;  
বিধবার রাজ্য মাঝে রাজা বৃষিষ্ঠির  
ব'সে আজি অস্তি স্তূপে ঘেরা—  
হস্তিনার সিংহাসন পরে ;  
দারিদ্র্য-পীড়িত জ্যোতি অশ্বখামা হ'তে  
সেই সিংহাসন—  
আর কতদূরে করে অবস্থান ?  
পিতা ! স্বপ্ন ভব আমি করিব নফল ;  
মিত্র হুৰ্য্যোধন—রণ-যজ্ঞে প্রাণত ক'রেছে পথ ।  
তার পাশে করেছি প্রতিজ্ঞা—



করেছি প্রতিজ্ঞা—  
 পাণ্ডু-বংশে বাতি দিতে  
 না রাখিব কারে ;  
 ছার পাঞ্চালের কুলের কলঙ্ক !  
 পশুসম বধিব তাহারে ।  
 তুমি কর আশীর্বাদ—ক্ষত্রবৃতি বিজ—  
 অরাতি-শোণিতে যেন  
 অর্পণ করিতে পারে তর্পণ তোমার !  
 এ কি !  
 নির্মেষ আকাশ  
 নাহি রুষ্টি—  
 বারি ঝরে কোথা হ'তে—

### প্রাপ্তির প্রবেশ

প্রাপ্তি । রুষ্টি নয়, রুষ্টি নয়—রক্তের ধারা ! আমি দেখেছি—  
 আমি দেখেছি—কতদিন—কতদিন ! এমনি ক'রেই শক্রবধ ক'রতে  
 হয়—এমনি ক'রেই শক্রবধ ক'রতে হয় ।

অশ্ব । কে তুমি উন্মাদিনী ?

প্রাপ্তি । উন্মাদিনী ! পরিচর্যতো পেয়েছ'—অন্ত পরিচয় নেই !  
 কেউ ব'লে না আমার কি অপরাধ—আমি পথে পথে বেড়াই !  
 উন্মাদিনী—তুমি ঠিক চিনেছ ! স্বামী অত্যাচারী, তার শাস্তি হয়—  
 পিতা অত্যাচারী, তার শাস্তি হয়, আর তাদের স্ত্রী-কন্যাকে এমনি পথে  
 পথে বেড়াতেই হবে । তুমি এখনো রুষ্টি আর রক্তের প্রভেদ বুঝতে  
 পার না—তুমি কি ক'রে প্রতিশোধ নেবে ?

অশ্ব । আমি প্রতিশোধ নেব তোমায় কে ব'লে ?

প্রাপ্তি। কাউকে ব'লতে হয় না—আমি বুঝতে পারি—ছায়া দেখলে বুঝতে পারি—অন্ধকারে সে ছায়া বুঝে না ; নিখাসের শব্দ শুনলে বুঝতে পারি—মেঘগর্জনে সে শব্দ ঢাকে না । তুমি পাণ্ডবদের হত্যা ক'রতে চাও ? শুধু পাণ্ডবেরা কেন ? পাণ্ডব—শ্রীকৃষ্ণ—ধৃষ্টদ্যুম্ন, সবাইকে বধ ক'রে হস্তিনার সিংহাসনে ব'সবে ? এস, আমার সঙ্গে এস ।

অশ্ব । তুমি আমায় চিনলে কি ক'রে ?

প্রাপ্তি । তুমি অশ্বখামা—বীরাগ্রগণ্য দ্রোণাচার্য্যের পুত্র তুমি । তোমার পিতাকে ছলে বধ ক'রেছে—আমি জানি—আমি জানি হীনবীর্য্য কৃত্রিয় যারা—তারা কুরুক্ষেত্রের স্থলানে আজ ঘুমিয়ে ; ব্রাহ্মণ ! যদি পিতৃবধের প্রতিশোধ নিতে চাও—আমার সঙ্গে এস ।

অশ্ব । ( স্বগত ) কেবা এই উন্মাদিনী ?

মায়াবিনী কেহ—

এসেছে কি ছলিতে আমায় ?

মনোভাব কেমনে জানিল বালা ?

কেমনে চিনিল ? কি আশ্চর্য্য !

ভেদি অন্ধকার—ছেদি কায়া আবরণ

হৃদয়ের ভাষা যোর—

কেমনে বুঝিল নারী ?

প্রাপ্তি । কি ভাবছ ? গাছ থেকে রক্ত প'ড়ছে—তপ্ত রক্ত— পশু আর মানুষের রক্তে কোন প্রভেদ নেই—লাল গাঢ় রক্ত । কার জান ? কাক দিনের বেলায় ঘুমন্ত পেঁচাকে মারে—বাত্রে পেচক তার শোধ নিচ্ছে—ঘুমন্ত কাকের টুঁটি কেটে ! শুনতে পাচ্ছ না ডানার কটপট শব্দ ? কেমন প্রতিশোধ ! কেমন প্রতিশোধ ! আমি কবে প্রতিশোধ নেব ? তরবারি তুলেছিলাম, মারতে পারলাম না ; নিজের বোন

প্রতিবাদী হোল। সব ভুলে গেলেম, সে দুর্বলতা না মোহ! কি জানি এখনো বুঝতে পারি নি; কিন্তু আমিই তার শোধ দিয়ে যাব এস, বিলম্ব ক'রো না।

অশ্ব। কোথায় যাব ?

প্রাপ্তি। পাণ্ডবদের শিবিরে। সবাই ঘুমুচ্ছে, যুধিষ্ঠির, ভীম, অর্জুন, নকুল, সহদেব, শ্রীকৃষ্ণ, তোমার পিতৃহত্যাকারী দুষ্টহায়। তুষ্টির ঘুম, যুদ্ধশাস্ত্র বিজয়ীর তুষ্টির ঘুম। সে ঘুম আর ভাঙবে না! এস অশ্বখামা—ঐ পেচকের মত এই অন্ধকারে তোমার তুষ্টি খড়্গে তাদের কণ্ঠচ্ছেদ ক'রবে এস।

অশ্ব। পাণ্ডবেরা শিবিরে আছে, তুমি ঠিক জান ?

প্রাপ্তি। জানি। মনে করেছিলুম শিবিরে আগুন ধরিয়ে তাদের পুড়িয়ে মারব, কিন্তু সে অনিশ্চিত উপায়ের আর প্রয়োজন হ'ল না—তোমার দেখা পেলেম—এস আর বিলম্ব ক'রো না।

অশ্ব। যেই হও, দেবী তুমি আমার নিকট।

চল দেবি,

পিতৃহত্যা প্রতিশোধে

অন্ধকারে তুমি জাল' আলো ;

ফিরিব যখন,

পদসিক্ত রক্তরেখা যোর

রহি চিরাক্তিকালের ধূলায়

প্রতিহিংসা পরায়ণে দেখাইবে পথ।

প্রাপ্তি। এস এস ;—মুহুর্তের বিলম্ব সহ্য হচ্ছে না। এস শোণিত-পিপাসু ব্রাহ্মণ, যা ক্ষত্রিয়েরা পারেনি তুমি তা ক'রবে এস।

[ উভয়ের প্রস্থান।

## তৃতীয় দৃশ্য

### শিবিরাত্যস্তর

প্রহরী। অন্ধকারে কার পদশব্দ পাচ্ছি না ? এই গভীর রাত্রে কে আসচে ? সবাই তো ঘুমুচ্ছে। কে ওখানে ? দাঁড়াও। কথা কও। যদি অগ্রসর হও জেন' মৃত্যু নিশ্চিত। [ প্রস্থান।

নেপথ্যে প্রহরী। উঃ আমার হত্যা ক'রলে !

### প্রাপ্তি ও অশ্বখামার প্রবেশ

প্রাপ্তি। ঐ শিবির—ঐ সব নিশ্চিন্তে ঘুমুচ্ছে। যাও বীর, তোমার পথ নিষ্কণ্টক। প্রহরীকে হত্যা ক'রেছ, এখানে আর কেউ নেই ; যাও। আমি দেখি আর কেউ আসে কি না। [ প্রস্থান।

অশ্ব। স্মৃতিভেদে অন্ধকার !

নিশ্চিন্তে ঘুমায় সবে শিবির তিতরে।

নহে নারী—

দেখি মহাকালী

সদয়া আমার প্রতি।

### [ অভ্যন্তরে প্রবেশ ]

নেপথ্যে ধুট্টায়া। কে ? কে ? অন্ধকারে কে প্রবেশ ক'রলে ?

নেপথ্যে অশ্ব। তোমার যম !

নেপথ্যে ধুট্টা। অজ্ঞহীন আমি, আমার অস্ত্র দাও—অস্ত্র দাও !

নিরস্ত্র আমার মের না !

নেপথ্যে অশ্ব। কর্তৃত্বের চিনেছি, তুই ধুট্টায়া। কুহুর ! অজ্ঞহীন জ্ঞোণ বধ অরণ কবু—এই তোরা প্রায়শ্চিত্ত।

নেপথ্যে ধুট্টা। উঃ আমার অস্ত্র।

নেপথ্যে অশ্ব। এখনো বেঁচে ? এইবার শেষ। এইবার, এইবার !

[ নেপথ্যে কোলাহল ]

নেপথ্যে প্রথম পাণ্ডব-বালক । কে আমায় অস্ত্রের আঘাত ক'ল্লে ?  
ভাই, ভাই, ওঠ, জাগ ।

নেপথ্যে অশ্ব । আর কেউ জাগবে না—আর কেউ আসবে না !

[ নেপথ্যে অস্ত্রের শব্দ, আর্তনাদ, কোলাহল ]

নেপথ্যে অশ্ব । কার্য্যশেষ—

উত্তরীয়ে পঞ্চমুণ্ড লইয়া অশ্বখামার পুনঃ প্রবেশ

অশ্ব । পিতা !

স্বর্গ হ'তে দেখ চেয়ে

পঞ্চ মুণ্ড এই—পঞ্চ শিষ্যের তোমার !

কুরুপতি ! পূর্ণ আজি প্রতিজ্ঞা আমার,

তপ্ত রক্ত এই

মৃত্যুকালে হবে শান্তিবারি ভব !

বৃষিতে নারিহু ত্রীকৃষ্ণ কোথায় ;

যাক্—

তারে মম নাহি প্রয়োজন । শুন শুন

জীবিত যতপি থাক কেহ, ব'লো প্রাতে,

দ্রোণ-পুত্র অশ্বখামা

পাণ্ডুবংশ করেছে নির্মূল !

[ প্রস্থান ।

( নেপথ্যে ১ম প্রহরী )

আলো নিয়ে এস—কে আগ্রত আছ—আলো নিয়ে এস—দস্যু  
শিবির আক্রমণ করেছে !

দুই চারিজন প্রহরীর আলোক লইয়া প্রবেশ

২য় প্রহরী । দস্যু নয়—দস্যু নয়—অশ্বখামা দস্যুর মত গুপ্তহত্যা

ক'রে ঐ চীৎকার ক'রতে ক'রতে যাচ্ছে !

তৃতীয় প্রহরীর প্রবেশ

৩য় প্রহরী। পাণ্ডু-পুত্রদের কেউ নেই—ধুষ্টহ্যায় নেই, নারী বধ ক'রেছে—বালক বধ ক'রেছে! কে কোথায় আছ—ওঠ—জাগ! বিতীষণা কে এক নারী ছুটে চ'লে গেল! রাজ্যে অলস্মী প্রবেশ ক'রেছে। ওঠ—জাগ!

৩য় প্র। আর আলোর প্রয়োজন হবে না, প্রত্যাহ হ'ল। রাজারা তো এখনি ফিরবেন, কি ক'রে তাঁদের মুখ দেখাব?

২য় প্র। আর এখানে দাঁড়াতে পারছি। [ প্রস্থান।

[ সূর্য্যোদয় হইল, শিবির মধ্যে দেখা যাইতেছে যুগ্মহীন পঞ্চ দেহ পড়িয়া আছে, এবং ধুষ্টহ্যায়ের দেহ খণ্ড খণ্ড বিক্ষিপ্ত রহিয়াছে ]

১ম প্র। কি ভীষণ দৃশ্য! রক্তের ঢেউ ব'য়ে আছে! আমাদের কেন বধ ক'রে গেল না!

( নেপথ্যে দ্রৌপদী )

তাই কি? তাই কি? হে মাধব, আমার পুত্রেরা নেই?

শ্রীকৃষ্ণ, দ্রৌপদী ও অস্তির প্রবেশ

দ্রৌপদী। একি দেখছি! একি দেখছি! কেউ নেই? আমার পাঁচছেলের কেউ নেই! হে কেশব, এ আমার কি সর্ব্বনাশ হ'ল!

( মূর্চ্ছা )

অস্তি। মা! মা! ( দ্রৌপদীকে ধারণ )

যুধিষ্ঠির ও ভীষ্মকুমারের প্রবেশ

যুধি। যুগ্মহীন লুটে পঞ্চ দেহ!

কত পাপ করিয়াছি আমি,

হে মাধব,

কত দিনে পূর্ণ হইবে ক্ষেপণ?

অর্জুন । ওঠ ওঠ বীরজায়া !  
ভগবান,  
কি ভাষে হে পাঞ্চালীরে সাস্থনা দানিব !

ভীম । শুনিলাম,  
অশ্বখামা বধিয়াছে সবে ;  
দ্বিজকুলে অধম চণ্ডাল  
করিয়াছে বংশ নাশ ।  
পুল্লঘাতী জীবিত এখন' ? ক্ষত্র হৃদি,  
নাহি হও বিচঞ্চল,  
মহাশোকে হ'য়োনা অধীর ।

হে মাধব,  
করিয়াছ পুল্লহারা,  
কিন্তু প্রভু, শক্তিহারা করোনা আমায়  
দুঃসহ এ আঘাত সহিতে !

শ্রীকৃষ্ণ । কুরুক্ষেত্র ! পূর্ণ আঙ্গি মহা যজ্ঞ তব !  
হে পাণ্ডব, অধিক কি কব,  
তমোত্তম উদ্ভব যাহার  
শেষ তার মহা হাহাকারে !  
পশু বধে হিংসা প্রয়োজন,  
কিন্তু প্রতিঘাত তার এমনি ভীষণ,  
কার্য্য-পরম্পরা নৃত্র  
নহে ব্যাহত কখন ।

না হও কাতর,  
বজ্রের পীড়ন হ'ক যতই প্রবল ।—  
মহীধর রহে স্থির অচল অটল !

( দ্রৌপদীর প্রতি ) 'ওঠ সখি ত্যজ শ্বেদ,  
পুত্র-শোক নিবারণ হবে গো চিতায় ;  
যতদিন প্রাণ দহিতে সহিতে হবে !  
ওঠ বীর জায়া,  
ভুলনা কখন'  
সর্বসংসহা ধরণীর সম  
সহিতে জনম তব ।

অস্তি । মা, মা, ওঠ মা ।

দ্রৌপদী । আমি কি স্বপ্ন দেখে উঠলেম ! সত্যই কি এ আমার বাছাদের দেহ ? নেই ? নেই ? সত্যই তারা নেই ? কাল সন্ধ্যায় যে তাদের নিজের হাতে খাইয়ে রেখে গেছি—আজ আর নেই ? কাল যে সূর্য্য উঠেছিল, আজ কি সেই সূর্য্যই উঠেছে ? একি ! ও কার যুগ ! এঁ্যা ! ধুঁকুছোঁও নেই ?—ভাই ! ভাই ! একসঙ্গে ছেলে হারালেম, ভাই হারালেম । ( শ্রীকৃষ্ণের প্রতি ) নিষ্ঠুর ! এ তুমি আমার কি ক'রলে ?

ভীম । অরক্ষিত শিবির, নরশ্রেষ্ঠ অন্ধকারে নিদ্রিত কুমারদের হত্যা ক'রে গেছে । একা আমি যদি কাল শিবিরে থাকতাম !

অস্তি । ( শ্রীকৃষ্ণের প্রতি ) বাবা, আমারি জন্তেই তো এই এই সর্বনাশ ; আমিই তো কাল সবাইকে এখান থেকে নিয়ে গেছিলাম ! অন্তর্ধামি, তুমি তো সব জান ; তুমি কেন বারণ করনি ? তোমার কি এতটুকু দয়া নেই ? এতটুকু মায়া নেই ? আর সবাই বলে তোমায় দয়াময় ! বাবা, তুমি কেমন দয়াময় ? এমনি ক'রে কষ্ট দাও ব'লেই কি তুমি দয়াময় ? চোখের জলে আমার বুক ভেসে যাচ্ছে—আর তুমি এমনি নিষ্ঠুর ! এ আর দেখতে পারিনি । এখানে থাকবো কেমন ক'রে ? কিন্তু তোমায় ছেড়ে যেতেও তো প্রাণ চায় না !



শ্রীকৃষ্ণ । মা, আক্ষেপ ক'রো না ! তুমি জান না তুমি এঁদের কি  
ইষ্ট ক'রেছ ? কাল যদি পঞ্চপাণ্ডব এখানে থাকতেন, প্রতীহিংসা-  
পরায়ণ অশ্বখামা নিদ্রিত সকলকেই তো অনারাসে হত্যা ক'রে যেতে  
পারতো । সেই উদ্দেশ্যেই সে এসেছিল । তার সে উদ্দেশ্য ব্যর্থ ক'রেছ  
তুমি ! কল্যাণময়ি,—ভগবান এমনি ক'রেই মহা অমঙ্গলের মধ্যে তাঁর  
করুণার পরিচয় দেন ।

ভীম । কৃষ্ণা,

ত্যজ শোক

মুছ আঁখি-বারি ;

শত পুত্রশোকে

কাদে পাকারী জননী,

মাতা কুন্তী লহে কর্ণ-শোক !

পঞ্চ-পুত্র হারা যোরা—

শোক-পান্নাবারে জাগকর্ডা লম্বা কৃষ্ণ

দাঁড়িয়ে সন্মুখে !

দ্রৌপদী । শুন, আমি,

শুন ভীম,

আজন্ম হুঁসিনী আমি ;

বজ্রবলে ভব্ন ঘোর,

লব্ধ ভাগ্য—

তাই পুড়িতেছি কনক অবনি ;

অয়করে বিবাহ-উৎসবে

রথানল উঠিল অগ্নিরা,

বরুণাভ—মুছা—হাহাকার—

বিদাহ-বালার

শাশানের প্রতিচিত্র ধরিল সম্মুখে ;  
 অন্ধ অশুগ্রহে ইন্দ্র প্রস্থে লভিলাম স্থান,—  
 স্বামী পঞ্চ দিকপাল,  
 রাজস্থয়ে শিশুপাল বধ  
 করিল হে অমঙ্গল সূচনা ভীষণ ;  
 পণে বদ্ধ রাজরাজেশ্বর,  
 সর্বশাস্ত্র দ্বাতে—  
 আমি রাজকন্যা, রাজার মহিষী,  
 পণ্যা, সামান্য রমণী সম ;  
 সভামাঝে উলঙ্গ করিল মোরে  
 কুরুকুলাধম দেখাইল উরু,  
 তবু রহিল জীবিত ;  
 বনবাসী স্বামী—  
 সহচরী চীরধারী আমি ;  
 কিস্তি ভাগ্যবশে ইহাতেও নাহি পরিত্রাণ !  
 ছুই জয়দ্রথ হরিল আমারে—  
 পাপ-স্পর্শ তার অগ্নিসম পীড়িল অন্তর ;  
 সৈরিকী বিরাটের গৃহে,  
 দাসী পাণ্ডব-মহিষী  
 পদাঘাত কীচক করিল,  
 দুর্বাসা ছলিল,  
 অনলের দীপ্তি নহে ক্ষীণ !  
 কুরুক্ষেত্রে অগ্নিকুণ্ডে  
 অভিযুক্তে দিহু বিসর্জন ;  
 হ'ল পিতৃবধ

আর আর আত্মীয় নিধন ;  
আজ পূর্ণ যজ্ঞ,  
এককালে হারাইলু পঞ্চপুত্রে মোর,  
হারাইলু সহোদরে ।

কহ কেমনে ধরিব প্রাণ  
কহ সখা, কহ হে গোবিন্দ,  
আদর্শ দুখিনী করি’  
স্বজন কি করিয়াছ মোরে ?  
সখী-প্রীতি প্রতিদান বুঝি তব এই ?

শ্রীকৃষ্ণ । সন্তাপ—সন্তাপ !

শুন যাজ্ঞসেনি,  
বটপত্রে সন্তাপ-সাগরে ভাসি,  
তেঁই সন্তপ্ত পাণ্ডব সখা—  
তুমি সখী মোর করুণার স্রোতে বাঁধা  
এক প্রাণ সমান হৃদয় ।  
কবে দেখিয়াছ, ব্যথায় ব্যথিত নহি ?

ভীম । হে পাঞ্চালি !

দেখ, শোকাচ্ছন্ন মহারাজ,  
শোকাচ্ছন্ন যদুপতি অর্জুন ধীমান,  
শাস্ত হও, পরিহর শোক ।

দ্রৌপদী । শাস্ত হব,—

প্রাণ জলে দাবানলে,  
কহ শাস্ত হব আমি !  
জান না নারীর প্রাণ,  
তাই কহ শাস্ত হ’তে । ক্ষত্রিয় রমণী,

হব শাস্ত শুধু আধিজল ঢালি ?  
 বন্ধে করি' করাঘাত  
 উচ্চরোলে করিয়া ক্রন্দন  
 শাস্ত হবে পাণ্ডব-মহিষী ? শুন ভীম,  
 বার-বার অপमानে  
 তুমি রাখিয়াছ মান—  
 যুক্তবেণী যুক্ত আজি তোমার রূপায় ;  
 অশ্বখামা করিয়াছে পুত্রহারা মোরে,  
 যদি বাঁধি' আনি ছুই চুরাচারে  
 যুগু তার করিয়া ছেদন,  
 আততায়ি-শোণিত ধারায়—  
 করাইতে পার স্নান,  
 তবে শাস্ত হবে প্রাণ ;  
 নহে, অগ্রিকুণ্ডে করিয়া প্রবেশ,  
 হব শাস্ত চিরদিন তরে ।  
 উৎকট ব্যাধির যোগ্য মহৌষধি এই ।  
 ক্ষত্রনারী, এই বটে যোগ্য সাক্ষী তোমার !  
 শুন শুন চরাচরে যে আছ যেধায়—  
 দেবতা দানব, অথবা মানব,  
 শুন শুন,  
 সবারে আক্ষানে কহি, মধ্যম পাণ্ডব  
 ভীম চলে দ্রোণপুত্রে বাঁধিয়া আনিতে ;  
 যদি সাধ্য থাকে কার'  
 রক্ষা কর দ্বিজমানি তারদ্বাজে আজি ।

[ প্রস্থান ।

দ্রৌপদী । যাও স্বামি ।

তীব্র পুত্র-শোকানল মোর করহ নির্ঝাপ ;

যাও বীর,

জয়যুক্ত হও তুমি !

যুধি । জনার্দন,

বুঝিতে না পারি কি অনর্থ হবে আজি !

শ্রীকৃষ্ণ । নাহি চিন্তা ।

( অর্জুনের প্রতি )

হে কোন্তেয়,

সমরে দুর্ধর্ষ বীর অশ্বখামা,

ব্রহ্মশির করগত তার,

একা ভীম পরাজিতে নারিবে তাহারে ;

তুমি চল,

হও হে সত্বর,

রক্ষা কর ভীমের প্রতিজ্ঞা,

নহে প্রলয় ঘটবে আজি !

অর্জুন । হে শ্রীহরি,

দেহ পদধূলি ;

ছার অশ্বখামা,

কৃপায় তোমার

মুহূর্ত্তে আনিব বাধি' অধম দ্রৌণিরে ।

[ শ্রীকৃষ্ণ ও অর্জুনের প্রস্থান ।

অন্তি । ( দ্রোণদীর প্রতি )

মা,

কি অগ্নি জ্বালিলি পুনঃ ? এ কি মূর্ত্তি তব ?

ধ্বংস-যজ্ঞ এই কবে হবে শেষ ?

দীননাথ,  
 কবে মুক্তি দিবে মোরে ? [ প্রস্থান ।  
 যুধি । এস পাঞ্চালি, এস । [ উভয়ের প্রস্থান ।

## চতুর্থ দৃশ্য

দৈপায়ন ব্রহ্ম

উরুভঙ্গে শায়িত দুর্ঘোষন

দুর্ঘোষ । হেরি নিশা অন্তে  
 রক্তরাগে রঞ্জিত গগন পুনঃ,  
 বিদূরিত স্বভাবের নৈশ অন্ধকার ;  
 কিস্তি বিগত জীবন মোর  
 আবরিত যে ঘোর আঁধারে,  
 মরণের তট-প্রান্তে  
 ক্ষীণ আলোকের রেখা  
 ফুটিবে কি সম্মুখে তাহার ?  
 কি হেতু বিলম্ব এত বুঝিতে না পারি !  
 কেন নাহি ফিরে অস্থখামা ?  
 এ কি উৎকট উদ্বেগ !  
 আর কতক্ষণ প্রাণ ?  
 কতক্ষণ আশায় বাঁচিয়া রব ?

নেপথ্যে } রাজা ! রাজা !  
 অস্থখামা }

কৌরব দৈব !  
 গমনের পূর্বে মোর  
 বায়ুভরে কণ্ঠস্বর শোনাক্ তোমার

আনন্দ-বারতা—

দ্রোণ-পুত্র অশ্বখামা

নিষ্পাণ্ডবা করেছে মেদিনী !

পূর্ণ প্রতিহিংসা তার,

পরিপূর্ণ জীবনের আকাঙ্ক্ষা তোমার !

দুর্য্যো ! কুরুক্ষেত্র ! কুরুক্ষেত্র !

অষ্টাদশ অকোহিণী

কুক্ষিগত ক'রেছ হেলায়,

ভীষ্ম দ্রোণ মহা মহা রথী

তব অঙ্কে লভেছে বিরাম—

কিস্ত তবু কব ভাগ্যহীনা তুমি !

শ্রেষ্ঠ যজ্ঞফল—

পঞ্চমুণ্ডে পাতি সিংহাসন

দ্বৈপায়ন তীরে এই

মৃত্যু সাক্ষী রাখি'

গৌরবের রাজ-অভিষেক

দীর্ঘা-নেত্রে কর দরশন !

কোথা উনশত সহোদর মোর ?

রাজছত্র ধর শিরে, ঢুলাও চামর,

বাজাও হৃন্দুভি,

শঙ্খনাদে শঙ্কিত শমন,

বিজয়ীর স্তুতিগানে

প্রৈতলোক করুক স্তুতিত !

কোথা গুরু-পুত্র—সত্য সখা—

সুহৃদু আয়ার—

এস—এস—

শ্রবণে অমৃতধারা ।

স্তিমিত-নয়নে ধর নির্ঝাপিত পঞ্চদীপ-শিখা—

পঞ্চমুণ্ড চির অবি পঞ্চ পাণ্ডবের !

অশ্বখামার প্রবেশ

অশ্ব । রাজা ! রাজা !

পবনের গতি করি' পরাজিত

রুদ্ধশ্বাস রুদ্ধভাষ আমি—এই লও—

ছিন্ন শির কবে কথা,

দিবে সাক্ষ্য কার্যের আমার !

[ উত্তরীয়ে বাঁধা পঞ্চমুণ্ড ফেলিয়া দিলেন ]

দুর্যো । ভীমসেন !

কত্রনীতি দিয়ে বিসর্জন

অগ্নায় সমরে ভীক,

উরুভঙ্গ করেছিস্ মোর—

হায় হায় ছিন্নমুণ্ডে পদাবাত করিতে নান্নিব !

কপটা অর্জুন !

ছলে ল'য়ে মিথ্যার আশ্রয়,

যমজয়ী ভীম দ্রোণে করেছিস্ বধ,

করেছিস্ কর্ণের নিধন,

মৃত-চক্ষু উপাড়িব নখে !

যুধিষ্ঠির !

যেই জিহ্বা করেছিল মিথ্যা উচ্চারণ—

অশ্বখামা-খড়্গাঘাতে

বাক্যহীন যদিও এখন—



খণ্ড খণ্ড করি' তাহা  
 উপহার বিলাইব শৃগাল কুহুরে !  
 তৃপ্ত প্রাণ—তৃপ্ত ত্বা উত্তপ্ত শোণিতে !  
 গুরু-পুত্র, খোল উত্তরীয়,—  
 পঞ্চমুণ্ডে বারে রক্তধারা—

দুঃশাসন বক্ষরক্ত-ধাণ  
 মৃত্যু পূর্বে করি পরিশোধ !

স্বামী । এই দেখ—এই দেখ রাজা—

দেখ যদি পারহ চিনিতে—

কেবা ভীম, কেবা যুধিষ্ঠির,

অর্জুন নকুল সহদেব কেবা ?

[ উত্তরীয় খুলিয়া পঞ্চমুণ্ড বাহির করিয়া দিলেন ]

দুর্যো । এ কি !

নিভিল কি সূর্য্যের আলোক ?

কিধা নয়নের দ্বারে

মৃত্যু ধরিয়াছে তার কৃষ্ণ-যবনিকা ?

তুমি অশ্বখামা—

অবিকৃত দেখি সেই মুখ,

সেই দ্রোণ-পুত্র তুমি—

তবে বিকৃত নয়ন কোথা !

কোথা মৃত্যু ছায়া !

এ যে নির্দোষ হেরি

বংশের প্রদীপ মোর,

পঞ্চ পুত্র পঞ্চ পাণ্ডবের—

হত ধার্ডরাষ্ট্র যত !

আরে আরে দ্বিজকুলাধম,  
 অন্ধ প্রতিহিংসা বশে,  
 কি সর্বনাশ করেছিস্ তুই !  
 কুরু-বংশে জলপিণ্ড লোপ করিলি পামর !  
 পঞ্চ পাণ্ডবের বিনিময়ে  
 নিয়ে এলি নির্কাপিত পঞ্চমণি দাঁপ !  
 এ কি হরষে বিবাদ !  
 উরুভঙ্গ করেছিল ভীম—  
 বজ্রাঘাতে হৃদিভঙ্গ করিলি নিষ্ঠুর !  
 তাই তো ! কি করেছি ! কি করেছি !  
 রাজা—রাজা !

অশ্ব

দুর্যো ।

সুত হও হীন দ্বিজাধম !  
 ককর্ষ পরুষ বাণী শুনায়েনা আর ;  
 যাও চলে, যাও দৃষ্টিপথ হ'তে—  
 আর দেখায়েনা মুখ,  
 মৃত্যুপথ-যাত্রী আমি—  
 সহিতে না পারি অগ্নির উত্তাপ  
 পাপ দেহে তোর !  
 ওই দেখ্, কুরুক্ষেত্রে লক্ষ লক্ষ শব  
 উঠিয়াছে আতঙ্কে শিহরি',  
 হেরি' তোর বীভৎস আচার !  
 ওই শোন—ওই শোন—  
 প্রেতপুরে উঠে হাহাকার,  
 ধরণীর অগণিত প্রাণী  
 দৃষ্টিরুদ্ধ ক'রেছে ঘৃণায় !

মিত্ররূপে শত্রু অস্থখামা

বংশনাশ প্রাণনাশ করিলি আমার !

অশ্ব । হৃষ্যোধন, আমি ভ্রাস্ত্রবশে এই ঘৃণিত কার্য্য করেছি, মৃত্যুর  
পূর্বে আমায় ক্ষমা কর !

হৃষ্যো । ভ্রাস্ত্র—ভ্রাস্ত্র—

বিশ্ব খেরা ভ্রাস্ত্র-জালে !

সাধু কহে মায়া আবরণে ;

প্রতি পদে প্রতি কার্য্যে

বিদূরিত নহে ভ্রাস্ত্র কভু ;

ভ্রাস্ত্র জালে দীপ,

ভ্রাস্ত্র করে নির্দোষিত পুনঃ ;

ভ্রাস্ত্র পাশ্বে চলে ভ্রাস্ত্র-পথে,

সম্মুখে সত্যের পথ দেখায় মরণ,

আশা—নিরাশার মহাধ্বন্দ্ব শেষে,

ভ্রাস্ত্র কুরুক্ষেত্রে পড়ে রহে পাছে

বিদ্রূপের চিতাভস্ম ল'য়ে !

এস মৃত্যু—এস সত্য—এস হে স্নানর !

ভ্রাস্ত্র পাশ্বে—আমারে আশ্রয় দাও ।

( মৃত্যু )

অশ্ব । হৃষ্যোধন, হৃষ্যোধন ! মৃত্যুর ক্রোড়ে আশ্রয় নিয়ে তুমি  
জুড়ুলে, আমার এ সম্ভাপ নিবারণ করি কি ক'রে ? আমি যে  
মৃত্যুহীন !

নেপথ্যে ভীম । তিন লোকে শক্তিমান্ কেউ যদি অস্থখামাকে  
আশ্রয় দিয়ে থাকে—আমি পুনঃ পুনঃ লাঘবান করছি—কুরু-কানন-  
ধ্বংসকারী ভীমের ক্রোধানল সে স্বরণ করুক !

অথ ।

এ কি !

ক্রোধোন্মত্ত যম সম আসে ভীমসেন,  
পশ্চাতে অর্জুন ! রাজা ! রাজা ! কমা কর—  
সংকার করিতে আমি নারিনু তোমার ;  
কিন্তু অশরীরী আত্মা তব  
যদি মমতা আবেগে  
ধরণীর ভারাক্রান্ত বায়ু মাঝে  
এখনো বিচরে, তিষ্ঠ তিষ্ঠ ক্ষণকাল,  
হের অন্তরীক্ষ হ'তে  
ব্রহ্মাণ্ডবিনাশী শর  
ব্রহ্মশিরে করি' আবাহন  
কুন্তী-পুত্রে প্রেরি যমপুরে !

[ প্রস্থান

পঞ্চম দৃশ্য

পাণ্ডব শিবির

যুধিষ্ঠির ও দ্রোণদী

যুধি ।

নিভেও না নিভে অগ্নি—

যাজ্ঞশেনি,

ক্রোধবশে কি প্রতিজ্ঞা করিলে ভীষণ !

দ্রোণ-পুত্র অজ্ঞেয় সংসারে,

পুনঃ ভীমার্জুনে

উদ্বেজিত করিলে সমরে ।

রাজ্য আশে হ'ল বংশনাশ

বৃষ্ণি ভ্রাতৃ বধ ভাগ্যে আছে শেষে ।

দ্রোপদী । কেন চিন্তা ?

আছে চিতা সর্বজ্বালা জুড়াবার ঠাই ।

নেপথ্যে } কৃষ্ণা—কৃষ্ণা !  
ভীম । }

ব্রহ্মরক্তে করি' স্নান তৃষ্ণা কর দূর ।

ভীমের প্রবেশ

হের বন্দী দুষ্ট দ্রোণি, সম্মুখে তোমার ।

দ্রোপদী । হে জয়ন্ত,

চিরদিন হুঃখে ত্রাণ করিয়াছ তুমি ;

দেহ পদধূলি, কুপায় তোমার

পূর্ণ সব প্রতিজ্ঞা কৃষ্ণার ।

শ্রীকৃষ্ণ ও অর্জুনের প্রবেশ

অর্জুন । রাজা, দ্বিজকুলশ্রী এই অশ্বখামা উত্তরার গর্ভশায়ী  
শিশুকে হত্যা ক'রবার জ্ঞাত ব্রহ্ম অজ্ঞ প্রয়োগ করেছিল ; যদুপতি  
সুদর্শনে সেই গর্ভস্থ শিশুকে রক্ষা ক'রেছেন । বংশের অঙ্কুর জীবিত, আর  
জলপিণ্ড লোপের আশঙ্কা নেই । এখন অমুমতি করুন, মৃত্যুঞ্জয়ী এই  
দ্বিজাধমের হস্তপদ ছেদন ক'রে এর বক্ষরক্তে পাঞ্চালীকে স্নান করাই ।

যুধি । যদুপতি,

রক্ষিলে বংশের বীজ কি কব তোমায় ?

পাণ্ডবের ত্রাণকর্ত্তা তুমি,

গুরু-পুত্র তুমি কর শাস্তির বিধান ।

অশ্ব । হে কেশব !

ভূনি তুমি সর্বশক্তিমান্

পূর্ণ ব্রহ্ম অবতীর্ণ নরাকারে

ধরা ভার করিতে হরণ ;

যদি মিথ্যা নাহি হয় ইহা,  
করুণায় মৃত্যু দেহ মোরে,  
অমরত্ব অভিষাপ মোর,  
শাপমুক্ত কর দেব ;  
শাস্তি যদি দিবে, দেহ শাস্তি—দেহ মৃত্যু,  
অন্ত শাস্তি নাহি চাহি আমি !

শ্রীকৃষ্ণ । পাঞ্চালি, কিবা কহ ?  
কিবা কহ ভীম ? মৃত্যু বটে যোগ্য শাস্তি  
আততায়ী ব্রাহ্মণের এই ।

যুধি । ব্রাহ্মণ—ব্রাহ্মণ—  
গুরু-পুত্র দ্বিজ অশ্বখামা ।

হে মাধব—

ভীম । রাজা,  
বুঝিয়াছি মনোভাব তব,  
কিন্তু নাহি ক্রমা—হত পঞ্চ বংশধর,  
পুত্র-শোকে পাঞ্চালী কাতর,  
পুত্রঘাতী রক্তে স্নান প্রতিজ্ঞা তাহার ।

যুধি । কিন্তু গুরুপত্নী কুপী জীবিত এখনো ।  
কৃষ্ণা,  
শূলসম পুত্র-শোক বাজিবে তাঁহার বুকে ।  
গুরু দ্রোণ, পত্নী তাঁর জননী মোদের,  
কহ  
ক্রমাযোগ্য যদি নাহি হয় অশ্বখামা,  
ক্রমাযোগ্য নহে কি গো কুপী ?

দ্রোপদী । জননী পুত্রের,

বুঝিয়াছি স্বামি, মর্শ্ববাণী তব ।  
 পুত্রহারা আমি গো দুখিনী  
 মম সম কুপী লুটাবে ধূল্যম,  
 অন্তরে তাহার  
 মম সম জলিবে অনল, পুত্র-শোকানল—  
 সপ্ত সিদ্ধুবারি  
 নিবারিতে নারিবে উত্তাপ !  
 জরাজীর্ণ বন্ধের পঙ্কর  
 করাঘাত নিয়ত সহিবে !  
 বুঝিয়াছি দেব,  
 কমা—কমা—  
 কোথা ক্রোধ আর, কোথা প্রতিহিংসা তৃষা,  
 কোথা জালা প্রতিবিধিৎসার ?  
 ক্ষুদ্র বহি,  
 ক্ষুদ্র ধন্যোত আলোক, তুচ্ছ অভিমান,  
 বজ্রপাতে মহাধ্বংসে হইয়াছে শেষ !  
 কমা—কমা—যাও দ্বিজ, যাও কুপী-পুত্র,  
 জননীর অঙ্কে স্থান করগে গ্রহণ ;  
 চাহি তব জননীর মুখ,  
 পঞ্চপুত্রহারা দুখিনী জননী আমি  
 করিছু তোমারে কমা ।

শ্রীকৃষ্ণ । যাজ্ঞসেনি, নারী তুমি—সহজে কোমল,  
 কমা হৃদয়ের ধর্ম তব,  
 স্বভাবজ ধর্ম তুমি ক'রেছ পালন ;  
 মহীয়সী কীর্তি তব,

যতদিন রবে ধরা  
 শুভ্রজ্যোতি তার রবে ততদিন ;  
 কিন্তু ভারত দৈব,  
 রাজা তুমি,  
 হুঁচের শাসন কর্তব্য তোমার ;  
 শুধু ক্ষমা নহে রাজ্যোচিত ।  
 অলঙ্কৃত করিয়াছ ধর্মের আসন,  
 ত্রায় দণ্ড—  
 বাহ্য আবরণে অতীব কঠোর,  
 কিন্তু অভ্যন্তরে তার অবস্থিত  
 নিখিলের স্নেহ, ক্ষমা, কুসুম-পেলব !  
 রাজধর্ম হুঁচের পীড়ন  
 অবশ্য বিধেয় তব ।

যুধি। দেব ! রাজার রাজা তুমি উপস্থিত থাকতে আমি দণ্ড  
 দেবার কে ? তুমিই এই মহাপাপীর দণ্ড বিধান কর ।

শ্রীকৃষ্ণ। ভাল,

রাজা তুমি, দণ্ড দিব আদেশে তোমার ।  
 শুন অস্থখামা,  
 নাহি জান কি পীড়া দিয়াছ মোরে ।  
 তোমাদের তরে  
 বন্ধদেহে ফিরি ধরাধামে,  
 গর্ভবাসে অশেষ যন্ত্রণা সহি ।  
 ব্রহ্মের স্বরূপ দ্বিজ,  
 ভৌমব্রহ্ম উপাধি যাহার,  
 কামনার পরপারে বাধিয়া কুটীর,



—সদানন্দ পরহিতে রত,  
 করি' সর্ব ত্যাগ  
 উজ্জ্বলিত-স্বচ্ছায় করিল সার,  
 আদর্শ ভিখারী,—  
 লভি' জন্ম সেই উচ্চ দ্বিজকূলে  
 পিতা-পুত্রে ব্রাহ্মণত্বে দলি'  
 ক্ষত্রবৃত্তি করেছ গ্রহণ,  
 বর্ণাশ্রম ধর্ম্মমূলে  
 করিয়াছ কুঠার আঘাত,  
 দেখে সে ব্যথা হৃদয়ে মোর !  
 এক জাতি সমগ্র মানব,  
 —বর্ণভেদ গুণ কর্ম্মভেদে—  
 ভুলি, মহাসত্য এই,  
 নীচ ঈর্ষা বশে সমাজ-শৃঙ্খলা ভাঙ্গি',  
 ভাঙ্গি' প্রেমের বন্ধন,  
 দ্বিজ আজি হইয়াছ অতি অত্যাচারী !  
 প্রতি বর্ণ, জাতিভেদ তুলেছে প্রাচীর—  
 হীন আদর্শে তাহার । প্রতিফল তার  
 নিঃসংশয় সবারে সহিতে হবে ।  
 যাজ্ঞসেনি,  
 ক্ষুণ্ণ করিব না আমি  
 ক্ষমার মহিমা ভব । ক্ষমিলাম মূঢ়ে ;  
 কিন্তু হে অর্জুন,  
 তীক্ষ্ণ ধড়ের কাটি' শিরোমণি,  
 মণিহীন কর দ্বিজাধমে ।

যাও অস্থখামা—চণ্ডাল প্রকৃতি ভব,  
 আজি হ'তে চণ্ডালের প্রায়  
 কল্ল-অন্ত মৃত্যুহীন শান্তিহীন ভ্রমহ ধরায়—  
 যেন দেখিয়ে তোমায় শিখে নর  
 কি ভীষণ পরিণাম তার  
 ধর্মত্যাগী কুলান্ধার যেই।

## ষষ্ঠ দৃশ্য

দ্বারকা

বাপান ষাট-চত্বর—সন্মুখে রাজপথ

যত্নবালকগণ

১ম বা। কাকে ভয় ? আয় এই ষাটে বসেই আজ সুরাপান করব !  
 স্নানের পূর্বে শরীরটা একটু তাজা করে নিই। পরিচারক, সুরা-ভাণ্ড  
 এইখানে নিয়ে আয়।

২য় বা। সুরা কি ? কাদম্বরী—বড় ঠাকুরদা বলরাম যা দিনরাত  
 খেয়ে ভোর হয়ে আছেন ; কদমফুল থেকে চুইয়ে বার করা—কি গন্ধ !  
 খুললেই প্রাণ তর !

সুরাভাণ্ড লইয়া পরিচারকের প্রবেশ

৩য় বা। পথের ধারে, ষাটে বসে, সকলের সামনে,—লোকে  
 দেখলে কি ব'লবে ? তার চেয়ে উত্তান ছিল ভাল।

১ম বা। আরে রাখ্ তোর লোকে কি ব'লবে ! পিতামহ শ্রীকৃষ্ণ  
 কুরুক্ষেত্রে সব সমভূমি ক'রে দিয়ে এসেছেন—আমাদের ছায়া দেখলে  
 লোকে ভয়ে শিউরে ওঠে ! আমাদের বলে কোন্ বেটা ? আমরা  
 কাকে ভয় করি ?

২য় বা। হ্যাঃ! বলরাম যখন কাদধরী টানেন—চক্ষিণ ঘণ্টাই বেহঁস—আর দোষ আমাদের বেলায়? ঢাল—থাও—আমোদ কর!

৩য় বা। একেবারে রাস্তার ধারে, যদি শ্রীকৃষ্ণ কি বলরাম এদিকে এসে পড়েন?

২য় বা। চোখ বুজে থাকব বাবা, চোখ বুজে থাকব। আর আসাই বা কেন? আমরা এখন বড় হয়েছি। বুড়োরা হয় বানপ্রস্থে যাক, নয় মরুক। বেঁচে থেকে কেবল জালা বাড়ানো বই ত নয়। থাও কাদধরী—স্মৃতি কর, গান কর!

( সকলের গীত )

প্রাণভ'রে আয় খাই কাদধরী

আর কারে ডরি?

বাবা টানেন, খুড়ো টানেন,

টানেন ঠাকুরদাদা,

ছেলে বুড়ো সবাই টেনে

প্রাণ ক'রেছে শাদা ( দাদা )

আমোদে মন মেতেছে,

ভরা গাঙ্গে বান ডেকেছে,

দখিন হাওয়ায় যাচ্ছি বেয়ে

ভাসিয়ে ফুলের তরী ॥

১ম বা। বাঃ! বাঃ! ভারি জমে গেছে! এর উপর মাত্রা চড়ে কি হ'লে বল দেখি?

২য় বা। আমায় কি বোকা পেলো দাদা? আগে সুরা, তারপরে সুরাঙ্গনা। সুরা দিয়ে তৈরী হয়েছিল ব'লেই রমণী তো সুরাময়ী! তার—( সুরে ) চলনে সুরা, নয়নে সুরা, সুরা করে চাঁদ-বদনে—

৩য় বা। ওরে চুপ চুপ চুপ! ঐ একটা মেয়েমানুষ আসছে!

২য় বা। মেয়েমানুষ তুই চিনলি কি ক'রে ?

৩য় বা। কেন আমার কি নেশা হয়েছে ? আমি মেয়েমানুষ পুরুষ-  
মানুষ চিন্তে পারিনে ?

১ম বা। দাও বেটীকে এক পাত্র খাইয়ে দাও !

প্রাপ্তির প্রবেশ

প্রাপ্তি। এখনো বেঁচে ! এখনো বেঁচে !

২য় বা। হাঁ বাবা ঠিক বলেছ—এখনো বেঁচে ? এস নাচতে জান ?  
গাইতে ?

প্রাপ্তি। কে তোরা ? তোরা কি শ্রীকৃষ্ণের বংশধর ?

১ম বা। হ্যাঁ তাই বটে ! আমাদের দেখে বুঝতে পারছ না ?  
নইলে এত বুকের পাটা কাদের ?

প্রাপ্তি। ঠিক হয়েছে ! ঠিক হয়েছে ! ছুটির দমন, শিষ্টের  
পালন—ভগবান্ এসেছেন ধরাভার হরণ ক'রতে। বাঃ ! বাঃ !  
স্বপ্ন বিচার—স্বপ্ন বিচার—এতটুকু ভুল নেই ! আমার স্বামী অত্যাচারী,  
আমার পিতা অত্যাচারী, দুর্ব্যোধন অত্যাচারী, কুরুকুল অত্যাচারী,  
লক্ষ লক্ষ ক্ষত্রিয় অত্যাচারী, ব্রাহ্মণ অত্যাচারী—আর বহুবংশের সব  
সাবু—সব ঋষি—সব পুণ্যাত্মা !

৩য়। কি বকছ ? এক পাত্র খেয়ে যাও—ওরে নিয়ে আয়  
কাদম্বরী !

১ম। বড় রোদ্দুর, এক পাত্র খেয়ে ঠাণ্ডা হও ।

[ মদ লইয়া অগ্রসর ]

প্রাপ্তি। ধূল্য যদি বজ্র তৈরী হ'ত—ধূল্য যদি বজ্র তৈরী হ'ত !  
কোথায় ভগবান্—তুমি কি আছ ? তোমার কি প্রাণ আছে, শক্তি  
আছে—না তুমি জড়, তুমি নিষ্কীব ? এই ধূল্য মত তোমার এই সৃষ্টি  
ভেঙ্গে ফেল, এ সৃষ্টির কোন প্রয়োজন নেই ।

৬য়। ওরে এটা পাগলী—আয় চলে আয়।

১ম। দে ওর গায়ে মদ ঢেলে, তবু গন্ধে মগজ ঠাণ্ডা হবে।

[ গায়ে মদ ঢালিয়া দিল ]

প্রাপ্তি। অগ্নি! অগ্নি! পৃথিবীর বুক ফেটে অগ্নিশিখা বেরুচ্ছে, আকাশ থেকে অগ্নির রষ্টি হচ্ছে, বাতাসে আগুনের উত্তাপ! নারীর সম্মান রাখে না! তোরা কি নারীর গর্ভে জন্মাস্নি? নারী কি তোদের লালন-পালন করেনি? নারীকে কি কখনো মা ব'লে ডাকিস্নি? আগ্নেয়-গিরি থেকে জন্মেছিল কি এই সব যত্ন-কুলান্ধার? আর তোদের বংশের আকর সেই শ্রীকৃষ্ণ—সে ভগবান! কে আছে শক্তিমান—এ যত্নবংশ কি ধ্বংস ক'রতে পার না? কে আছে আর্তের ত্রাণ—কে আছে নিরীহের সহায়—কে আছে এই অত্যাচারিতা রমণীর বন্ধু! ধ্বংস কর—ধ্বংস কর—এই পাপ যত্নবংশকে সমুদ্র গর্ভে ডুবিয়ে দাও।

[ প্রস্থান।

১ম বা। দূর—কোথেকে এক বেটী পাগলী এসে জমাট নেশা ভেঙ্গে দিয়ে গেল!

২য় বা। আর কাদস্বরীও ফুরোল!

৩য় বা। কিছু ভাবনা নেই, চল আবার নিয়ে আসি।

[ সকলের প্রস্থান।

নারদ, বিশ্বামিত্র ও কথের প্রবেশ

নারদ। কুরুক্ষেত্র থেকে ফিরে আসবার পর ঠাকুরকে কিছু চিন্তিত দেখলাম! আপনারা এসেছেন, ভালই হয়েছে, একবার ভগবানের নর-লীলা দর্শন ক'রে যান! কি জানি, এর পর আর দেখবার ভাগ্য হয় কি না?

বিশ্বা। কেন, এমন কল্পনা আপনার মনে উদয় হ'চ্ছে কেন? ভগবানের নর-লীলার অবসান হবে এমন কি কিছু আভাস পেয়েছেন?

নারদ। না, আভাস আর কি পাব? তবে বয়েস হয়েছে তো, আর কতদিন লীলা ক'রবেন? তাই আশঙ্কা হয়।

বিশ্বা। মনোরম স্থান—ভগবানের আবাস-ভূমি! বেদ-মুখরিত এর প্রতি পরমাণু সদা চৈতন্যময়।

কথ। এস, এই ঘাটে বসে একটু শান্তি অপনোদন করা যাক, পরে স্নানান্তে পুরী প্রবেশ করা যাবে।

বিশ্বা। এ হে হে! এ কি স্নেহাচার! এখানে সীমুভাণ্ড ভগ্নাবস্থায় পড়ে রয়েছে; এ পাপাচার কে ক'রলে?

কথ। এ পৃথিবীতে দুর্জনের তো অভাব নাই!

বিশ্বা। এমন পবিত্র পুরীতে এমন কদাচার—হা ভগবান!

নারদ। হাঁ—হাঁ, আলোকের পার্শ্বে-ই অন্ধকার অধিক!

কথ। চল, অত্ৰ ঘাট হ'তে স্নান করে আসি।

বিশ্বা। কিন্তু এই পথেই তো ফিরতে হবে।

### প্রাপ্তির প্রবেশ

প্রাপ্তি। হাঁ এই পথেই ফিরতে হবে। পবিত্র পুরী! ভগবানের লীলা-ভূমি! তাঁর বংশধরেরা আসছে, যজ্ঞ শেষ ক'রে এইখানেই আসছে,—ঋষি, যতি, ব্রাহ্মণদের আশীর্বাদ ভিক্ষা ক'রতে বংশোচিত দানে তাঁদের মর্যাদা রাখতে! স্নান ক'রে ফিরে এস, এইখানেই ফিরে এস, আমি দান পেয়েছি, তোমরাও পাবে! [প্রস্থান।

বিশ্বা। কালরূপিণী কে এ নারী?

নারদ। মহাকালী সঙ্গিনী ছেড়ে দিয়েছেন নাকি?

কথ। চল, স্নান ক'রে ভগবদর্শনই বিধেয়। [সকলের প্রস্থান।

অপরদিক্ হইতে যদুবালকগণের প্রবেশ

১ম। ওরে পাগ্‌লীটা একেবারেই পাগ্‌লী; ঐ দেখ, ঘুরে ঘুরে বেড়াচ্ছে।

২য় বা। কতকগুলো ঋষি এই দিকে আসছিল, তারা ঐ পাগলীর পেছনে পেছনে চ'লে গেল কেন বল দেখি ?

৩য় বা। ঋষিগুলোরও পাগলের ধাত আছে কি না, দলে ভিড়েছে।

২য় বা। পাগল না হ'লে আর এমন নগরবাস ছেড়ে বনে বাস করে ? কেবল বিদ্রোহচর্চাই ক'রছেন, বিদ্রোহচর্চাই ক'রছেন। বড় বড় ঋষি ! ভূত-ভবিষ্যৎ সব বলে দেন !

১ম। আরে দূর ! সব বেটা ভণ্ড ! ভূত-ভবিষ্যৎ বলতে পারেন !  
আচ্ছা ওদের ঠকাব দেখবি ?

সকলে। কি ক'রে ? কি ক'রে ?

১ম বা। আমাদের ভেতর শাস্ত্র তো দেখতে অপরূপ সুন্দর ; ওকে মেয়েমানুষ সাজিয়ে, একটা কুন্দিম গর্ভ ক'রে, ঐ ঋষিদের সামনে ধরি। দেখি শুনে কি বলে ? হয় ছেলে, নয় মেয়ে, নয় গর্ভপাত !

সকলে। বেশ বলেছিস্, বেশ বলেছিস্, তাই চল, তারি মজা হবে।

৩য় বা। তা হ'লে আমাদেরও তো সব মেয়ে সাজতে হবে ?

১ম। হবেই তো, তাতে ভয়টা কি ? সাজবো বৈত নয়, সত্যি সত্যি তো হ'ব না।

[ সকলের প্রস্থান।

ঋষিগণের পুনঃ প্রবেশ

কথ। শরীর মন দুই নিক্ত হ'ল।

নারদ। সূর্য্যের উত্তাপ ক্রমশই প্রখর হচ্ছে, একটু দ্রুতপদে চল।

বিশ্বা। কতিপয় রমণী এইদিকে আসছেন না ? দেখে বোধ হচ্ছে পুরাঙ্গনা।

রমণীবেশে যত্নবালকগণের পুনঃ প্রবেশ ও

ঋষিগণকে প্রণাম

ঋষিগণ। স্বস্তি, কল্যাণ হ'ক।

সারণ। হে তপোনিধিগণ, আপনারা দ্বারকাপুরীতে প্রবেশ করেছেন শুনে, আপনাদের চরণ বন্দনা করতে এলেম। আমরা যদুকুল-বধূ; আমাদের মধ্যে (শাশ্বকে দেখাইয়া) মহাবীর বক্র পত্নী ইনি—শুক্রী; কিন্তু দশমাসের অধিক কাল সময় অতিবাহিত হ'য়েছে, এখনো ইনি পুত্র প্রসব ক'রছেন না। হে ত্রিকালজ্ঞ মুনিগণ, আপনারা গণনা ক'রে বলুন, কবে ইনি সুপুত্র প্রসব ক'রবেন।

কথ। (জনাস্তিকে) আহা! যদুরমণীগণের কি বিনয়!

নারদ। ওহে কথ, গণনায় আমাদের মধ্যে তুমিই পারদর্শী; তুমিই গণনা ক'রে দেখ।

কথ। উত্তম।

সারণ। (জনাস্তিকে) এইবার বিদে বোকা যাবে।

২য় বা। এর চেয়ে খানিকটা ক'রে কাদঘরী ঝাইয়ে দিলে মজা হ'ত।

কথ। (ধ্যানাস্তে) আরে দুর্বৃত্ত যদুবালাকগণ! ঐশ্বর্যের মোহে, অভিজাত্যের অহঙ্কারে, এতই ক্ষীণ হ'য়েছিস্ যে, তপাচারী ব্রাহ্মণকে উপহাস ক'রতে কিছুমাত্র সঙ্কোচ হয় না? ভগবানের গুরসে, ভগবানের বংশে জন্মগ্রহণ ক'রেও তোদের এই কদাচার! মুঢ়, আমি তোদের অভিশাপ দিচ্ছি—ব্যঙ্গ ক'রে যে কৃত্রিম গর্ভ নির্মাণ ক'রেছিস্, সেই গর্ভ যদুবংশ-ক্ষয়কারী এক মৃষল প্রসব ক'রবে! ভগবান্ শ্রীকৃষ্ণ এবং বলদেব ভিন্ন, এ অভিশাপ যদুবংশের সকলকেই স্পর্শ ক'রবে!

নারদ। পুরী প্রবেশ ক'রবার সঙ্গে সঙ্গে নানা অমঙ্গল দৃষ্ট হয়েছিল; আর বিলম্ব নয়, চল, ভগবানের চরণ দর্শন ক'রে পাপ ক্ষয় ক'রে আসি। [ঋষিগণের প্রস্থান।

সারণ। তাই তো, কৌতুক ক'রতে গিয়ে এ কি হ'ল!

শাশ্ব। বাড়ী গিয়ে মুখ দেখাব কি ক'রে?



## প্রাপ্তির প্রবেশ

প্রাপ্তি। ও ঘৃণিত মুখ আর দেখাতে হবে না ! ব্রহ্মশাপ—যদুবংশে  
ব্রহ্মশাপ ! কেউ থাকবে না—কিছু থাকবে না ! এই ঐশ্বর্য্য, এই  
সজ্জিত তোরণ, এই গগনস্পর্শী অট্টালিকা কালের ফুৎকারে ধুলো হ'য়ে  
আকাশে উড়বে—ধুলো হ'য়ে আকাশে উড়বে ! কতদিন—আর কতদিন !

[ প্রস্থান। ]

## সপ্তম দৃশ্য

দ্বারকা—উদ্যান

শ্রীকৃষ্ণ ও নারদ

শ্রীকৃষ্ণ। নারদ, তুমি বিষম হ'য়েো না। এই ব্রহ্মশাপের জ্ঞান আমি  
অপেক্ষা ক'রছিলাম। তুমি যাও, হৃষ্টচিত্তে ফিরে যাও ; দেবতাদের বল,  
ধরিত্রীর ভার-লাঘবের যেটুকু অবশিষ্ট আছে তা শেষ ক'রে আমিও  
শীঘ্রই ফিরব।

নারদ। কিন্তু দেব ! আক্ষেপ এই, আমরাই এই নিমিত্তের ভাগী  
হ'লেম।

শ্রীকৃষ্ণ। সর্ব্বাপেক্ষা অধিক যত্নগা ভোগ ক'রেছি আমি, তার পর  
তোমরা—এই তো স্বাভাবিক।

নারদ। তোমার ইচ্ছাই ঋষির অভিষাপে ব্যক্ত হ'ল। দেবলোক  
তোমার বহুদিনের বিরহে কাতর, যাই তাঁদের আশ্বস্ত করিগে। দীনের  
প্রণাম গ্রহণ কর ; আশীর্বাদ কর যেন যুগে যুগে তোমার নর-লীলা  
দর্শনের সৌভাগ্য থেকে বঞ্চিত না হই।

[ প্রস্থান। ]

শ্রীকৃষ্ণ। হে ভৈরবি, মুক্ত কেশপাশ

বিভূতি-ভূষিত অঙ্গ,

উদ্যত ত্রিশূল করে ধীর পদক্ষেপে,

কোন্ পথ করিছ নির্দেশ ?

চল চল দেবি—

কাল-রাত্রি অবসান প্রায়, নিদ্রাতঙ্ক—

চল আলোকের দেশে ;

অন্ধকারে আবদ্ধ নয়ন,

বহুদিন দেখি নাই আনন্দ-আলোক !

বলরামের প্রবেশ

বলরাম। হাই, অভিষাপ দিয়ে ঋষিরা দ্বারকা ত্যাগ করে চ'লে যাচ্ছেন। এইমাত্র নারদ তোমার কাছে এসেছিলেন, তুমি ক্রোধন-স্বভাব ঋষিদের নির্যত ক'রলে না? কেশব, তোমার সম্মুখে যদুবংশ ধ্বংস হবে ?

শ্রীকৃষ্ণ। হে অগ্রজ !

প্রাণ-পুষ্প মধুপানে সদা অচেতন,

আনন্দে বিভোর তুমি,

আজি কেন হেরি ব্যতিক্রম ?

কেন মোহ ? কেন তুচ্ছ মায়া ?

যদুবংশ—যদুবংশ—অত্যাচারী দানবের প্রায়

ঘরে ঘরে কুরুক্ষেত্র করেছে সৃজন ;

আসিয়াছ ধরাভার করিতে হরণ—

পীড়িতা ধরিত্রী—পীড়িত মানব,

নিপীড়িত রমণী বালক,

সুরাপানে মত্ত কদাচারী

ক্ষীত—অহঙ্কৃত

ঐশ্বর্যের উগ্র মদিরায় ;

যদুবংশ ধ্বংস প্রয়োজন !

অনন্তের অবতার ! কর আয়োজন,

জীবন প্রারম্ভে

নৃপমেধ যজ্ঞ যেই করেছিলে পণ,

সেই যজ্ঞ নহে শেষ

নহে পূর্ণ আত্মবংশ নিবেদন বিনা !

বল ।

ভাল, আমি দেখাইব পথ,

আদেশ তোমার আমি সৰ্ব্ব অগ্রে করিব পালন ।

তব লীলা-সুখা পানে আনন্দ উন্মত্ত

শতবর্ষ কেটেছে নিমেষে,

অগ্রজ তোমার—

আমি অগ্রে করিব গমন,

বল বল ভাই, পূর্বে তার থাকে যদি

আর কিছু তব আজ্ঞা করিতে পালন !

শ্রীকৃষ্ণ । যদুবংশের বালক, যুবক, বৃদ্ধকে প্রভাসের পবিত্র তীর্থে যেতে আদেশ কর, এখানে কেবল পিতা বসুদেব যাদব-রমণীদের রক্ষা করুন ; দারুককে হস্তিনায় পাঠাও ; অর্জুন এসে অসহায়্য যদুরমণীগণকে মথুরায় রেখে আসুক । এ দ্বারকাপুরীর অস্তিত্ব থাকবে না । অহঙ্কারীর পদম্পর্শে এর যুক্তিকা বজ্রতুল্য জ্বালাময় হ'য়েছে, মহাসমুদ্র অচিরে একে গ্রাস ক'রবে । আমি আজই প্রভাসে যাত্রা ক'রব, তুমি বিলম্ব ক'রো না —যত সত্বর পার আমার অনুগমন কর । [ উভয়ের প্রস্থান ।

অষ্টম দৃশ্য

প্রভাস

সাত্যকি ও কুন্তবর্ণা

সাত্যকি । রাজা না হ'য়েও কৃষ্ণ তো চিরজীবনটা সকলের উপর প্রভুত্ব চালিয়ে এলেন মন্দ নয় ! আজ কুরুক্ষেত্রে অস্ত্র ধর, কাল

দুর্যোধনের সভায় গিয়ে দূত হও, পাণ্ডবেরা কোথায় বনে বনে বেড়াচ্ছে সংবাদ নাও ! সিংহাসনে একটা কাঠের পুতুল উগ্রসেন—আর মজা যা কিছু ক’রে নিলেন তোমাদের কৃষ্ণচন্দ্র ! সম্প্রতি আদেশ হ’ল সব প্রভাসে চল ! চল—আমরাও সুবোধ বালক—সুরাপান ক’রতে ক’রতে একেবারে প্রভাসের তীরে এসে উপস্থিত ।

কৃত । সাত্যকি, হঠাৎ তোমার এ ভাবান্তরের কারণ কি বুঝতে পারছিনি । বোধ হয় অতিরিক্ত সুরাপানে তোমার মস্ততা অধিক হ’য়েছে, তুমি জ্ঞান হারিয়েছ, নচেৎ হঠাৎ কৃষ্ণানন্দা ক’রবে কেন ?

সাত্যকি । তোমাদের মত সুবোধ নই ব’লে ? কৃষ্ণানন্দা—তাতে হ’য়েছে কি ? আমি তোমাদের মত স্তাবক নই যে, কেবল স্ততি ক’য়েই বেড়াব ।

কৃত । কি ! তুমি আমাদের স্তাবক বল ?

সাত্যকি । হাঁ বলি, তাতে হ’য়েছে কি ? যুদ্ধ ক’রবে নাকি ? খোল, তলোয়ার খোল ।

কৃত । কার সঙ্গে তলোয়ার খুলব ? তোমার সঙ্গে ? তোমার বীরত্ব তো আমার জ্ঞানতে বাকী নেই । কুরুক্ষেত্রে মহারাজ ভূরিপ্রবাহিরাহ হয়ে যখন প্রায়োপবেশন করেছিলেন, তখন তুমি তাঁর মস্তক ছেদন ক’রেছিলে । তোমার ত্রায় কাপুরুষ, তোমার ত্রায় নৃশংসের সঙ্গে কৃতবর্মা কখনো যুদ্ধ করে না ।

সাত্যকি । আরে দুর্কৃত, অক্রুরকে দিয়ে যখন সত্রাজিৎ বধ করেছিলি তখন ধর্মজ্ঞান কোথায় ছিল ? ভীক—কাপুরুষ—চাটুকার !

কৃত । ( তরবারি খুলিয়া ) তখন ধর্মজ্ঞান ছিল এই কোষযুক্ত তরবারির ধারে । আরে সুরাপায়ী হিতাহিত জ্ঞানশূন্য পশু, তোর স্বপ্ততার শাস্তি আমিই দেব ।

সাত্যকি । একা তোর সাধ্য হবে না । বৃষ্ণি-বংশে, অন্ধক-বংশের

কে কোথায় আছে তাদের ডাক, না হয় তুই যার স্তুতি গান করিস্ সেই শ্রীকৃষ্ণকেই আহ্বান কর—দেখি সাত্যকির যুদ্ধে কে আজ পরিত্রাণ লাভ করে ?

[ উভয়ে তরবারি খুলিলেন ]

অনিরুদ্ধের প্রবেশ

অনি। এ কি ! সাত্যকি ! কৃতবর্মা ! তোমরা কি উন্মাদ ? হঠাৎ আত্মকলহে প্রবৃত্ত হ'য়েছ—কি সর্বনাশ ! পিতামহ শ্রীকৃষ্ণ শুনলে কি বলবেন ?

সাত্যকি। পিতামহ যা বলবেন তা যেন তোমার পিতাকেই বলেন। তুমি বালক—তরবারির পথ থেকে দূরে সরে যাও।

অনি। আমি বালক ? আর তুমি বৃদ্ধ হ'য়েও বালকের অধম—আত্মীয় নাশের জন্য যে অস্ত্র তোলে সে পশু অপেক্ষাও হীন—তুমি কুলাঙ্গার !

সাত্যকি। কি ! কৃষ্ণের পৌত্র বলে তোর এতই স্পর্ধা ! আরে হীন !

কৃত। অনিরুদ্ধ, তুমি দূরে দাঁড়িয়ে দেখ, দেখ—এই সুরাপায়ী যাদব কলঙ্কের কি দুর্দশা করি !

অনি। অন্ধক বৃষ্ণিবংশের কে কোথায় আছে, এস এস, সুরাপায়ী ভোজবংশাধমকে নিবৃত্ত কর।

ভোজ ও অন্ধকগণের প্রবেশ

১ম অন্ধক। কে কার সঙ্গে সংগ্রাম করে !

কৃত। এই ভোজ বংশাধমকে এখনো নিবৃত্ত কর, নচেৎ দুর্বৃত্তের যত্ন নিশ্চিত।

ভোজ। ভোজ-বংশীয় সাত্যকিকে যুদ্ধে আহ্বান করে, সে নরাধম কে ?

কৃত । আমি—আমি—আমি !

ভোজ । ভোজ-বংশীয় কে কোথায় আছ, অস্ত্র ধর, অস্ত্র ধর ।

অনি । অন্ধক ও বৃকি-বংশীয়গণ কে কোথায় আছ, সুরাপান গ্রাণ ক'রে শীঘ্র এস ।

সাত্যকি । আজ অন্ধক ও বৃকিবংশের যে যেখানে আছে সকলকেই হত্যা করবো । [ সকলের যুদ্ধ কারিতে কারিতে প্রস্থান ।

জনৈক যাদব বৃদ্ধের প্রবেশ

বৃদ্ধ । এ কি সর্বনাশ ! মহমা এরা আশ্রয়দে প্রবৃত্ত হ'ল ! কোথায় যদুপতি শ্রীকৃষ্ণ ? তাকেও তো দেখতে পাচ্ছ না । ব্রহ্মশাপে যদুবালক মুষল প্রসব করোছিল—কুলক্ষয়কারী মুষলের আর প্রয়োজন হ'ল না, এরাই পরস্পরে আত্মধ্বংস ক'রলে ! যাই, দোষ কোথায় শ্রীকৃষ্ণ, তিনি যদি এদের নিবৃত্ত করতে পারেন ।

দ্বিতীয় যাদবের প্রবেশ

২য় যাদব । মহাশয়, শ্রীকৃষ্ণ কোথায় ব'লতে পারেন ? এ কি আশ্চর্য্য ব্যাপার ! সুরাপায়ী যাদবগণ এতক্ষণ অস্ত্র ল'য়ে যুদ্ধ ক'রছিল । অস্ত্র ফুরিয়ে গেল, প্রভাসতীরস্থ শরবনে অস্ত্রহীন যাদব অন্ধক, বৃকি, ভোজ-বংশের যুবক, বৃদ্ধ, বালক সকলে শর ল'য়ে পরস্পর যুদ্ধ ক'রেছে । কি আশ্চর্য্য কালের মাইমা ! এই শর যাকেই স্পর্শ ক'রছে সেই প্রাণ-শূন্য হয়ে মাটিতে লুটোচ্ছে, শ্রীকৃষ্ণের পুত্র-পৌত্র কেউ নেই—সাত্যকি, কৃতবর্ণা, অনিরুদ্ধ, কেউ নেই ।

বৃদ্ধ । ব্রহ্মশাপ ! ব্রহ্মশাপ ! ব্রহ্মশাপে শাশ্ব মুষল প্রসব ক'রেছিল, প্রভাসের তীরে সেই মুষল ক্ষয় ক'রেছিল উদ্ধত যদুবালকেরা ; সেই মুষলের ফেণা হতে এই শরবন জন্মেছে, প্রতি শরমুখে মহাকালের অনুচর । কালরূপিণী এক নারী এই মুষলের ক্ষয়াবশিষ্ট নিয়ে গেছে

গুনেছি। প্রকৃতি বিরূপা—দেখছি এ বংশের কেউ থাকবে না। চল,  
আমরাই বা কার মায়ায় জীবন ধারণ করি। [ উভয়ের প্রস্থান।

অপর দিক হইতে শ্রীকৃষ্ণের প্রবেশ

শ্রীকৃষ্ণ। এরকা—এরকা—

এরকা আঘাতে মরে যদুবংশধর !

হে মানব ! হে দুর্বল !

অতি দীন ধরণীর নিপীড়িত জীব,

চিরন্তন প্রিয় তুমি মোর

আত্মীয়-স্বজন হ'তে ;

গুনি যবে রোদন তোমার,

ভুলে যাই সব,

ভুলে যাই সৃষ্টিতত্ত্ব, বিশ্বের বিধান,

বেদনা সহিতে নারি,

তৃণগুচ্ছে করি অশনি উচ্ছেদ ;

ঐশ্বর্যের মোহমত্ত

নরাকারে প্রমত্ত দানব,

যবে মানবত্বে ভুলে

আভিজাত্য অহঙ্কারে

দুর্বলে চরণে দলে—

যুহুযুহু গর্জে স্তূদর্শন !

দুষ্টির শোণিতে তাই ধরনী ভাসাই

কাঁদিয়ে কাঁদাই ;

যদুবংশধবংসে হের সাক্ষী তার !

হে দীন !

আর আকর্ষণ করিওনা মোরে।

বহুদিন আছি বৃন্দাবন ত্যজি'

আর কেন ?

আমারে বিলায় দাও ।

বৃন্দাবন ! বৃন্দাবন !

আর কতদিন

তোমার বিরহ সব ?

[ একটি বৃক্ষের কাণ্ডে হেলান দিয়া দাঁড়াইলেন ]

প্রাপ্তি ও জরার প্রবেশ

প্রাপ্তি । আমি লৌহ-কলক এনে দিয়েছি, নতুন তীর গাড়িয়েছ—  
আজ প্রথম শিকার কর । এমন শিকার জীবনে কখনো ক'রনি । ঐ  
দেখছ টুকটুকে লাল—ঐ নড়ছে—ঐ হরিণের কাণ ।

জরা । দেখেছি—চুপ চুপ—এই দেখ কাঁড়ে বিঁধছি । ( তীর ত্যাগ )

শ্রীকৃষ্ণ । মা ! মা ! এতদিনে কি জ্বালা জুড়িয়েছ ? এস মা,  
তোমারি জন্ত অপেক্ষা ক'রছিলেম, যাত্রা ক'রেও যেতে পারিনি ।

প্রাপ্তি । হা হা ! পূর্ণ প্রতিশোধ—পূর্ণ প্রতিশোধ !

এতদিনে নির্বাপিত জ্বালা !

স্বামি, দেবতা, কার্য্য শেষ—

স্থান দাও চরণে তোমার ! ( মুচ্ছা )

জরা । আরে বেটী, এ কি করলাম ! কারে মারলাম ? এ যে  
হামাদের রাজার রাজা, গরীবের বাপ-মা—কিষণজি—লারায়ণ ! বাবা,  
বাবা, বিষমাখন তীর—হামি তোকে মারলাম—হামি কিছু জানি না—  
ঐ ছদ্মনী ডাকিয়ে আনছে—হরিণ মারবার লেগে ডাকিয়ে আনছে ।  
হামার কি হোবে ! হামার কি হোবে !

শ্রীকৃষ্ণ । তে জরা । ভক্তি-পদ্ম তব



বাণমুখে করেছি গ্রহণ,  
 পূজা আয়োজন যার  
 নিজ হস্তে জননী করিল।  
 পূর্বজন্মে ছিলে তুমি বালির নন্দন,  
 ক'রেছিলে পণ বধিবে আমারে,  
 সে প্রতিজ্ঞা পূর্ণ আজি তব।  
 একনিষ্ঠ বীর!  
 প্রতিহিংসা বশে ডেকেছিলে মোরে  
 ব্যথায় কাতর  
 মুক্ত রাখিয়াছি তব মোক্ষের দুয়ার!  
 মা! মা! আর কেন—  
 ওঠ—লুপ্ত জ্ঞান আসুক ফিরিয়া,  
 ঈর্ষাবশে অহোরাত্র ডেকেছ আমায়,  
 হিংসাডোরে বাঁধা তব পাশে।  
 অবিচারুপিণী তুমি, নিত্য সৃষ্টি সহচরী,  
 নাহি ধ্বংস তব বিমল অদ্বৈত জ্ঞান  
 যতদিন না হয় উদয়।  
 একপ্রাণে স্বামী সেবা করিয়াছ তুমি,  
 ওই দেখ—স্বর্গলোক হ'তে  
 স্বামী তব ডাকিছে তোমায়;  
 যাও—ত্যজি' মায়াকায়া  
 স্বামীপদে লওগে আশ্রয়।

প্রাপ্তি। স্বামী, দেবতা! এ কি! তুমি আর কৃষ্ণ যে অভিন্ন  
 দেখছি। এতদিন তো এমন দেখিনি! এ কি, সর্বত্র তুমি! আকাশে,  
 বাতাসে, তীরে, নীরে, সর্বত্র তুমি আর কৃষ্ণ মিশে যাচ্ছ! ঐ—

তরঙ্গের মধ্য থেকে আশায় ডাকছ ? অনেকদিন তোমায় ভুলে আছি ;  
যাচ্ছি, যাচ্ছি !

[ প্রস্থান ।

জরা । মোক্ষ পাব বচি, কিন্তু এ কলকটী হামার চিরদিন রইলো ।

[ প্রস্থান ।

অর্জুন ও অন্তির প্রবেশ

অন্তি । বাবা ! বাবা ! এ সর্বনাশ কে ক'রলে ? রক্তপদ্মে এ  
রক্ত চন্দন কে পরিয়ে দিলে ? কি দোষ করেছি, আশায় ফেলে কোথায়  
যাচ্ছ ?

অর্জুন । প্রভু, তুচ্ছ নর নিজ গুণে

সখা বলি' গৌরব বাড়ালে ভবে ।

দুস্তর কৌরবসিদ্ধ হইয়াছি পার ;

দুর্লভ চরণ ওই একমাত্র আশ্রয় আমার ।

পাণ্ডুবংশ চিরপ্রিয় তব,

কোন্ অপরাধে আজি ত্যজিলে তাহদের ?

বান্ধব-বিহীন করিলে আশায়

এই সংসার-কাননে ?

কুরুক্ষেত্রে রথ-রজ্জু ধরি

হয়েছিলে সারথি স্বেচ্ছায়,

পাণ্ডবের মহাযাত্রা-পথে

হে পার্শ্ব-সারথি !

কে চালাবে রথ ?

কার মুখ চাহি' বহিব ধরায় ?

অন্তি । বাবা ! বাবা ! সুমি ছাড়ো আমার যে এ সংসারে কেউ  
নেই, আশায় কার কাছে রেখে যাবে ? আমি কোথায় যাব ?

শ্রীকৃষ্ণ । মা ! মা !

কোথা যাব ফেলিয়া তোমায় ?

সুদৃঢ়া ভক্তি তুমি, নিত্য সহচরী মোর,

অহেতুকী কৃষ্ণপ্রেমে পরিপূর্ণ প্রাণ—

তোমা হ'তে নহি আমি স্বতন্ত্র কখনো ।

হে জননি, ধর কর,

পুলে ল'য়ে চল মহাসিদ্ধু-পারে ।

অস্তি । বাবা, এই হাত ধ'রেছি ; এ হাত আর কখনও ছাড়বো  
না । তুমিও ছেড় না ।

অৰ্জুন । আমায় চরণদানে বঞ্চিত ক'র না ।

শ্রীকৃষ্ণ । হে অৰ্জুন,

জন্মে জন্মে লখা তুমি মোর,

নর-লীলা সহচর, ভক্ত-শ্রেষ্ঠ,

অভিন্ন হৃদয় নর-নারায়ণ ;

কার্য্য শেষে লীলা শেষ এবে

তাই হে মেলানি মাগি ;

শোণিতে প্লাবিত করিয়াছি ধরা,

ঐশ্বর্য্য সাহায্যে

করিয়াছি ঐশ্বর্য্যের মহাতমঃ নাশ,—

পুনঃ আসিব ধরায়,

কভু রাজৈশ্বর্য্য ত্যজি' ভিখারীর বেশে

অহিংসা পরমধর্ম্ম করিব প্রচার ;

কভু, প্রেম-বজ্রা আনি'

নিরৈশ্বর্য্য—আত্মব্রহ্মীন,

ছিন্ন কহা কোপীন, লম্বল,

ভারতের প্রান্তদেশে—ক্ষুদ্র জনপদে,  
 সাগর সৈকত ভূমে,  
 শ্রামবন অন্তরালে—সুরধুনী তীরে  
 লব কুটীরে আশ্রয় ;  
 দ্বাপরের রক্তক্ষণ শুধিব হে আধিজলে ;  
 একাধারে রাধাকৃষ্ণ মুরতি যুগল,  
 সদা জাগ্রত চৈতন্য—  
 হবে লীলা নবভাবে ।  
 ভাগ্যবান, লীলা সহচর তোমা পোঁহে,  
 আদি অন্ত মধ্য যেথা শেষ,  
 সমন্বিত ত্রিগুণ যেথায়,  
 প্রেম ভক্তি উৎস—হের ওই আনন্দ ভবন  
 অন্তরের চির বৃন্দাবন  
 প্রকটিত স্থূল নয়নের পথে ।  
 হের, নিত্য রাসেশ্বরী রাধা ওই—  
 জ্ঞান, কৰ্ম্ম, ভক্তি, যোগ  
 হইয়াছে লয় চরণে বাঁহার !  
 যুগে যুগে আসি' রাধা প্রেম বিলাস ধরায়—  
 প্রেমমুত্রে বাঁধিব মানবে ।  
 মুছ' আঁধি জল শাস্ত হও—শাস্ত হ'ক ধরা ।

“শ্রীকৃষ্ণ”

শনিবার ১লা জ্যৈষ্ঠ, ১৩৩৩, ষ্টার থিয়েটারে প্রথম অভিনীত

## সংগঠনকারীগণ

নাট্যগার্ভ—শ্রীমুরেল্লনাথ ঘোষ  
 শিক্ষক—শ্রীঅপরেশচন্দ্র মুখোপাধ্যায়  
 সঙ্গীত-শিক্ষক—শ্রীজানকীনাথ বসু  
 বঙ্গীবাদক—শ্রীকীরোদচন্দ্র বন্দ্যোপাধ্যায়  
 নৃত্য-শিক্ষক—শ্রীভূপেন্দ্রনাথ চট্টোপাধ্যায়

### হারমোনিয়ম বাদক—

শ্রীসন্তোষকুমার দাস (ভুল)  
সজ্জী—শ্রীহরিপদ দাস ও শ্রীসম্মতনা:  
স্মারক—শ্রীবিবনাথ চক্রবর্তী, শ্রীস্বা  
ভট্টাচার্য্য ও শ্রীকানীপদ বন্দ্যো  
রজপীঠাধ্যক্ষ—শ্রীনরায়ণচন্দ্র দাস

প্রথম অভিনয়-রজনীর অভিনেতৃগণ

বলরাম—শ্রীমণীন্দ্রনাথ ঘোষ  
 শ্রীকৃষ্ণ—শ্রীতিনকড়ি চক্রবর্তী  
 ব্যাসদেব ও কংস—শ্রীপ্রফুল্লকুমার সেনগুপ্ত  
 ভীষ্ম—শ্রীমুরেলীনাথ ঘোষ ( দানীবাবু )  
 বিধামিত্র ও উগ্রসেন—শ্রীপ্রফুল্লকুমার  
 গঙ্গোপাধ্যায়

যুধিষ্ঠির—শ্রীকমলনারায়ণ ভূপ  
 জীম—শ্রীনরোগোপাল মল্লিক  
 অর্জুন—শ্রীহুগাদাস বন্দ্যোপাধ্যায়  
 নকুল—শ্রীশৈলেশচন্দ্র মজুমদার  
 সহদেব—শ্রীসন্তোষকুমার সিংহ  
 জরাসন্ধের মন্ত্রী—শ্রীপ্রবোধচন্দ্র দত্ত

নারদ—শ্রীপরচন্দ্র স্বর  
 বহুদেব ও জরাসন্ধ—শ্রীদুর্গাশ্রয় বহু  
 কণ—শ্রীনারায়ণচন্দ্র বন্দ্যোপাধ্যায়  
 নন্দ ও ব্রাহ্মণ—শ্রীশান্তোব ভট্টাচার্য্য  
 দ্রোণাচার্য্য—শ্রীব্রজেননাথ সরকার  
 অশ্বথামা—শ্রীপ্রফুল্লকুমার রায়  
 সাত্যকি—শ্রীসন্তোবকুমার দাস  
 অক্রুর, সারথি, বৃদ্ধ বাণদ—শ্রীবিবননাথ চক্রবর্তী  
 কৃতবর্দী, মন্ত্রী ও বিদ্রূহ—শ্রীভুলসীচরণ চক্রবর্তী  
 অনিরুদ্ধ—শ্রীবিক্রমকুমার মুখোপাধ্যায়  
 ধৃতরাষ্ট্র—শ্রীভবেন্দ্রনাথ দে  
 দুৰ্য্যোধন—শ্রীনবীন্দ্র চৌধুরী  
 দ্রুপাদ—শ্রীকমলনাথ ভট্টাচার্য্য  
 ধৃষ্টদ্যুম্ন—শ্রীপ্রভাতরঞ্জন বহু  
 শ্রীকৃষ্ণ—শ্রীরাধিকানন্দ মুখোপাধ্যায়  
 শকুনি—শ্রীবিজয়নাথ মুখোপাধ্যায়

মৌবারিক—ঈতারকচন্দ্র ঘোষ  
সঞ্জয়—ঈবিনোদবিহারী ঘোষ  
প্রভাতহারি—ঈনলিনৌরঞ্জন দাস  
চেকিতান—ঈনশীলকুমার ঘোষ  
জয়া—ঈনরেস্নাথ সেন  
বদ্রসংলকরণ—ঈযুগা রাজলক্ষ্মী,  
বালা, মতিবালা, আশালতা,  
তারকবালা

স্রাব্ধি—শ্রীযুক্ত হুণীলাহুল্লারী  
 অতি—শ্রীযুক্ত বীহারবালা  
 দেবকী ও যোগেশ্বরী—শ্রীযুক্ত রাণীহু  
 যশোদা ও গান্ধারী—শ্রীযুক্ত নন্দর  
 রাধিকা—শ্রীযুক্ত ক্রিয়োজবালা  
 কল্লিণী—শ্রীযুক্ত সরস্বতী  
 হৃতদ্রা—শ্রীযুক্ত রতিবালা  
 সত্যভামা—শ্রীযুক্ত রাজলক্ষ্মী















